

ԴՐՕՇԱԿ

ISSN 2579-2954

ԿԵՑՑԵԱՅՆ ՀԱՅԱՍՏԱՆԸ ՈՐ ԿԱՂՆ Է ԳԱԼՈՒ

Հայ Յեղափոխական Դաշնակցության պաշտոնաթերթ

(79-րդ տարի) Թիվ-3 (1697)

Մարտ 2025

Բովանդակություն



«Դրոշակ» ամսաթերթ
Հայ Յեղափոխական Դաշնակցության
պաշտոնաթերթ
Հիմնադիր՝ «ՀՅԴ պատմության թանգարան
հիմնադրամ»
Երևան, Միեր Սկրտչյան փ. 12/1
Հեռ. (+374) 10-52-18-90
Էլ. հասցե՝ droshak@arf.am
Կայք՝ <https://www.droshak.am>

Գլխավոր խմբագիր՝ Արտաշես Շահբազյան
Խմբագրական խորհուրդ



1- Առաջնորդող

Միավորվել ընդհանուր նպատակի
շուրջ (Էջ 1-3)

2- Իրավաքաղաքական

Անի Մելքոնյան
Լենին-Քեմալ դաշինքից մինչև Էրդողան-
Փաշինյան-Ալիև դաշինք՝ ընդդեմ Հայաստանի
(Էջ 4-7)

3- Ռազմաքաղաքական

Սարգիս Սարգսյան
44-օրյա պատերազմի արյունոտ դասերը
(Մաս 4) (Էջ 8-18)

4- Տնտեսական

**Ամերիկյան հետազոտության հայկական
կենտրոն**
Ի՞նչ են իրենցից ներկայացնում ամերիկյան
փոքր մոդուլային ատոմային ռեակտորները
(Էջ 19-23)

5- Հասարակություն

Մանվել Մկրտչյան
Ինչո՞ւ է մեր հանրությունը դժվար
կենտրոնանում (Էջ 24-27)

6- Պատմության լուսարձակ

Վանիկ Վիրաբյան
Հայաստանի Հանրապետությունը
Վրաց-Ադրբեջանա-Թուրքական
ռազմապաշտպանական համադաշնության
համատեքստում 1918-1920 թթ. (Էջ 28-40)

7- Դեմքեր և դեպքեր

Սովսետ Ծիրանի
«Մենք տակաւին Մուսա Լեռցի ենք, երբ
ծուլուինք՝ նոր Հայ պիտի ըլլանք...» (Էջ 41-43)

8- Ընկերական գրույցներ

Վրէժ-Արմեն
Բանի՞ւ, թե՞ գանիւ (Էջ 44)

Միավորվել ընդհանուր նպատակի շուրջ

Երկար ժամանակ ընդդիմանալուց հետո Հայաստանի իշխանությունը համաձայնեց Խաղաղության պայմանագրի 17 կետերից վերջին երկու պահանջի հետ: Ակնհայտ է, որ այդ կետերի ընդունումը դժվար էր անգամ 2020 թվականից Արցախն ու Հայաստանը ծանր պարտությունների և կորուստների տարած իշխանությունների համար: Իրականում մենք չենք էլ իմանում, թե ինչ է իրենից ներկայացնում այս պայմանագիրը, որի բովանդակությունը մինչև վերջ գաղտնի է պահում այն ղեկավարությունը, որը ժողովրդից մանդատներ կորզելու նպատակով 2018 թվականին խոստանում էր, թե դրանից հետո պետության համար կարևոր որոշումները կայացվելու են հրապարակայնորեն, անմիջականորեն ժողովրդի կողմից: Իհարկե, այս անգամ ևս աղբյուրազանցական պահանջների առջև նահանջը ներկայացվեց որպես մեծ ձեռքբերում, ինչպես եղել էր մինչ այս, ինչպես անգամ պատերազմում կրած ճակատագրական պարտությունը փորձ արվեց ներկայացնել որպես հաղթանակ: Պետական պատասխանատվության զգացումից զուրկ և նրա կենսական շահերի հաշվին իշխանությունը պահպանել ձգտող անհայրենիք խմբակն այլ կերպ չի էլ կարող վարվել, այլապես կփաստի իշխանության աթոռներին իր գտնվելու անթույլատրելիությունը: Շահագրգիռ ուժերն ու թշնամիները շատ լավ հասկանալով Հայաստանի իշխանությունների անել կացությունը՝ նրա առջև դնում են զիջումների նորանոր պահանջներ, որոնց իրականացման դեպքում Հայաստան պետությունը պարզապես կդադարի գոյություն ունենալ: Իհարկե, այլևս ծիծաղելի են հնչում 2020 թվականի պատերազմի պարտության կամ Արցախը հանձնելու մեղքը նախկինների վրա բարդելու այս իշխանությունների քաղաքական մանիպուլյացիաները, քան որ ակնհայտ են անգամ պատերազմից հետո նրանց չդադարող պարտությունները, թշնամու ֆիզիկական, դիվանագիտական, գաղափարական, հուզեր-մշակութային ու բարոյական պահանջների առջև ընկրկելը: Ըստ էության, 2020 թվականից հետո Հայաստանի իշխանությունները վերածվեցին երկրում աղբյուրազանցական տանդեմի դրածոների՝ հանուն նրանց շահերի դուրս գալով Արցախի, արցախցիների ու Հայաստանի պետական, անվտանգային շահերի, ու արժեքների դեմ: Հայաստանի և հայության դարավոր թշնամիները շատ լավ տեսնում են, թե ժողովրդային աճող անհանդուրժողության, ինչպես և արտաքին, ոչ բարենպաստ զարգացումների պայմաններում ինչպես է նեղանում Հայաստանի իշխանության խուսանավումների դաշտը, և փորձում են աննախադեպ այս իրավիճակից օգտվելով հասնել առավելագույնին, սկզբունքային զիջումների պարտադրանքով կրկին օրակարգ բերելով Հայաստանը վերջնականապես ոչնչացնելու ծրագիրը:



ԱՄՆ-ում իշխանության փոփոխությունը նշանավորեց մի քանի տասնամյակ աշխարհում ավեր գործած գլոբալիզմի գաղափարաքաղաքական պարտությունը: Միացյալ Նահանգների իշխանության այսօրվա քաղաքականության շարունակման դեպքում Եվրոպայի գլոբալիստական էլիտան նույնպես ենթարկվելու է վերջնական քայքայման՝ որը թողնելով Սահակաշվիլու, Ջելենսկու և Փաշինյանի նման դրածոներին: Գլոբալիզմի անառակ զավակները հենց իրենց երկրներում արդեն իսկ մեծ հարված են ստացել USAID-ի նման կառույցի ազդեցության ցանցը ներկայացնող զանազան հասարակական, քարոզչական կառույցների փակմամբ, գլոբալիզմի առաջամարտիկ Սորոսի դեմ ԱՄՆ նոր իշխանության ունեցած մերժողական վերաբերմունքի պատճառով: Գունավոր հեղափոխություններով իշխանության բերված աշխարհի դրածո կառավարությունները մեծ հարված են ստանում «Ամերիկայի ձայն» և «Ազատություն» ռադիոկայանների գործունեության դադարեցման դեպքում՝ կորցնելով քարոզչալրատվական հզոր թիկունք:

Այս քաղաքականության շարունակման դեպքում ավտորիտար իշխանիկները գրկվելու են նաև իրենց երկրների ներսում ուզած ապօրինությունները գործելու, արտաքին հովանավորությունից:

Ասվածի վկայությունը կարելի է համարել սույն թվականի փետրվարի 14-ին ԱՄՆ փոխնախագահ Ջեյ Դի Վենսի ունեցած ելույթը Մյունխենի անվտանգության համաժողովում, մասնավորապես փոխնախագահի գնահատականները Եվրոպայում ժողովրդավարության իրավիճակի մասին և կոնկրետ անդրադարձը Ռումինիայի ընտրություններում թեկնածուի օրինական հաղթանակը չեղարկելու փաստին:

Մյուս կողմից՝ ԱՄՆ քաղաքականության շրջադարձը Ռուսաստանի նկատմամբ այլ բանի վկայություն չէր, քան Ռուսաստանի հզորանալու փաստի



սթափ գնահատումը: Ուկրաինական ճակատում շոշափելի արդյունքների հասնող Ռուսաստանում այսօր խոսում են Յալթայի կոնֆերանսից 80 տարի անց աշխարհի նոր վերաբաժանման օրինակափության մասին: Միայն թե այս նոր վերաբաժանման ժամանակ երրորդ աթոռը կգրադեցնի ոչ թե Հայաստանի իշխանությունը հայրություն անող Բրիտանիան, այլ՝ Չինաստանը: Սա ենթադրելի, սակայն դեռ չհասունացած հեռանկարից է, իսկ կոնկրետ փաստերի թվում է Ռուսաստանի ուշադրության մեծացումը Անդրկովկասի և, մասնավորապես, Հայաստանի վրա: Ուշագրավ է, որ վերջերս Ռուսաստանը դիմել է պաշտոնական Հայաստանին տեղեկություններ խնդրելով, թե գորավարժությունների նպատակով ԱՄՆ-ն ի՞նչ զինտեխնիկա է պատրաստվում բերել Հայաստան: Ռուսաստանից ժամանակ առ ժամանակ ուշադրության արժանի հայտարարություններ են հնչում Արցախի հետ կապված: Մասնավորապես վերջերս ՀՀ-ում Ռուսաստանի դեսպան Սերգեյ Կոպիրկինը խոսեց, թերևս ոչ ամբողջովին նախկին ձևաչափով, ԵԱՀԿ Մինսկի խմբի գործունեության վերականգնման մասին. «Մենք միշտ աջակցել ենք այդ ձևաչափին (ԵԱՀԿ ՄԽ), ակտիվորեն աշխատել ենք այնտեղ և երբեք չենք ասել, որ հրաժարվում ենք դրանից»: Մասնավորապես դեսպանի այս արտահայտությունն է 2025 թվականի մարտի 7-ի լրատվության մեջ մեջբերել ռուսական REX տեղեկատվական գործակալությունը: Նույն ամսի 18-ին լրատվամիջոցներով տարածվեց Ռուսաստանի փոխարտգործնախարար Ալեքսեյ Օվերչուկի հայտարարությունն այն մասին, թե. «Մոսկվայի, Բաքվի և Երևանի եռակողմ աշխատանքային խումբը չի փակվել, այն քնած վիճակում է»: Այսպիսով, Ռուսաստանն ազդանշաններ է ուղարկում այն մասին, որ Արցախի հարցը փակված չէ: Մի փոքր շեղվելով տվյալ ուղղությամբ՝ հիշենք նաև, որ նման ազդանշաններ հաղորդում են նաև եվրոպական կառույցները, իսկ Շվեյցարիայի խորհրդարանի վերին պալատը, հետևելով ստորին պալատի որոշմանը, 2025 թ. մարտի 18-ին ընդունեց հետևյալ որոշումը. «Լեռնային Ղարաբաղի համար Խաղաղության ֆորում. հայերի վերադարձի հնարավորության ապա-

հովում»: Հայկական կազմակերպությունների ու հատկապես Հայ դատի հանձնախմբի ջանքերով Արցախի ճակատագրի հարցը շրջանառության մեջ է նաև ԱՄՆ պաշտոնական շրջանակներում: Իհարկե, այս ամենը ոչ թե ավելորդ լավատեսությամբ պետք է համակեն մեզ, այլ վարակեն հետևողական ու անդադրում աշխատանքի եռանդով: Իսկ տխուր ու միաժամանակ զավեշտալի այն է, որ այս գործընթացներին հստակորեն դեմ են հատկապես Ադրբեջանի, Թուրքիայի և Հայաստանի իշխանությունները: Ավելին, Հայաստանի իշխանությունը հավաստում է Մինսկի խումբը լուծարելու և Ադրբեջանի կատարած պատերազմական հանցագործությունների դեմ հարուցված քրեական գործերը ետ կանչելու մասին, ինչն ուղղակիորեն կնպաստի Արցախի հարցը թաղելուն: Կառչած Ադրբեջանի, Թուրքիայի և արևմտյան հովանավորների փեշերից՝ Հայաստանի իշխանությունը մուրում է «Խաղաղության պայմանագիր», որը նրա գլխավոր փաստարկը պետք է լինի գալիք ընտրություններում ժողովրդի առջև արդարանալու և կրկին նրա մանդատը կորզելու համար: Ի դեպ, պատասխանելով լրագրողների հարցին, Արդարադատության նախարար Սրբուհի Գալստյանը մարտի 18-ին մշակվող նոր Սահմանադրության մասին ասում է. «Խոսքը «խաղաղությունը չվտանգող Սահմանադրության մասին է»: Սրանից հետո կասկած կարո՞ղ է լինել, որ նոր Սահմանադրության ընդունման հարցն ուղղակիորեն բխում է Խաղաղության պայմանագիրը ստորագրելու դիմաց Ադրբեջանի իշխանությունների պահանջից: Վերադառնանք, սակայն, մեր հիմնական ասելիքին:

Հայաստանի իշխանությունը հասկանում է, որ իր ժամանակն անցել է, որ կորցնում է արտաքին հենարանները և օր օրի ավելանում է իր ձախավեր քաղաքականությունից դժգոհ ժողովրդի անհանդուրժողությունը: Մյուս կողմից, Ռուսական շրջադարձի հետ ավելանում է արտաքին երկկողմանի ճնշումը: Այս պայմաններում ամեն գնով վերարտադրությունն այս ղեկավարության համար դարձել է իր իշխանության գլխավոր հարցը: Ցանկացած գնով աթոռները պահպանելու փաստը Նիկոլ Փաշինյանը այնուհետև կներկայացնի բոլորին որպես իր արտաքին ու ներքին քաղաքականության նկատմամբ ժողովրդի համաձայնության ու վստահության մանդատ:

Ինչ վերաբերվում է աշխարհաքաղաքական խաղերի մեջ ՔԴ-ի ապագային, ապա այս իշխանությունը պատրաստ է ճարպիկ գառան պես կախվելու յոթ մոր կրծքից: Ամերիկյան ձախող այցից հետո Նիկոլ Փաշինյանն ընդգծված ձևով փորձում է ստանալ սեփական քաղաքականության մեջ խճճված Եվրոպայի աջակցությունը: Արդեն առկա են նշանները, ինչպես են նրանք փորձում սրբագրումներ մտցնել Ռուսաստանի հետ հարաբերություններում:

Այսպիսով, վերադառնալով մեր գլխավոր ասելիքին, արձանագրենք, որ արտաքին ու ներքին ճնշումների ավելացման և քաղաքական խուսափա-

վումների դաշտի սահմանափակման պայմաններում Փաշինյանի համար հիմնական խնդիր է դառնում համապետական ընտրություններում գալիք հաղթանակն ապահովելու համար հաղթանակի հասնելը մինչ այդ եղած բոլոր ընտրություններում, որպեսզի հետագա ընտրակեղծարարության համար հնարավորություն ունենա լիարժեքորեն օգտագործելու տեղական իշխանության լծակները: Հակառակ պարագայում որևէ պարտություն կարող է շղթայական ռեակցիա առաջացնել խանդավառելով հաղթանակի համար առած ժողովրդին: Այդ առումով նրա ամենամոտակա փորձությունը մարտի վերջին կայանալիք Գյումրիի ավագանու ընտրություններն են: Փաշինյանը հասկանում է, որ Հանրապետության երկրորդ քաղաքում պարտվելը կարող է դառնալ իր ընդհանուր պարտության սկիզբը: Այսօր այդ ուղղությամբ նա մոբիլիզացրել է իշխանական ողջ ռեսուրսը, պաշտոնյաներից և հիմնարկների աշխատողներից ոչ միայն անվերապահ կողմնորոշում է պահանջվում, այլև իշխանական թեկնածուի օգտին հավաքված ընտրողների ցանկեր: Ակնհայտ է, որ անգամ ընտրական աղաղակող կեղծարարությամբ փաշինյանական ռեժիմի համար դժվար է հանրապետության երկրորդ քաղաքում փոխել ուժերի հավասարակշռությունը: Կգնա՞ր այդպես նա ավելի մեծ ապօրինությունների՝ ընդհուպ մինչև հիմնական թեկնածուի կամ նորընտիր քաղաքապետի դեմ բռնկուտի բեմականացումների և՛ անգամ ձեռքակալության: Քայլեր, որոնց նա բազմիցս դիմել է մինչ այս: Այսօր նրա նկատմամբ արտաքին հովանավորությունը թուլացած է, սակայն դեռ պահպանվում է: Դեռ, որ նրան հանցավոր աջակցություն կարող են մատուցել որոշ դեսպանատների ու երկրում գործող միջազգային կազմակերպությունների ներկայացուցիչները: Ի դեպ ժամանակն է, որպեսզի ժողովուրդը համապատասխան երկրների և կազմակերպությունների ղեկավարությունից պահանջի, ետ կանչելու Հայաստանի կոռումպացված, ավտորիտար իշխանությանը հովանավորող իրենց պաշտոնյաներին:

Հայաստանում այսօր ավելի ու ավելի բարձր է հնչում ստվարացող զանգվածների ձայնը, ովքեր գիտակցել են դավաճան իշխանության պատճառով հայրենիքի գլխին կախված սպառնալիքի մեծությունը: Ստվարանում է ազգային արժանապատվություն ունեցող երիտասարդության բանակը, որը ցանկանում է կանխել հայրենիքին սպասվող ճակատագրական աղետը: Մինչ հիմա իր նախաձեռնողականությամբ փաշինյանական ռեժիմը միշտ մեկ քայլ առաջ է եղել իր դեմ պայքարողներից: Նրան հաջողվել է նաև ընդդիմադիր դաշտի էներգիան պառակտել, շեղել իրենից և ուղղել միմյանց դեմ: Մենք այժմ գտնվում ենք նման իրավիճակում, երբ կամա կամ ակամա ընդդիմադիր դաշտի որոշ ուժեր ժողովրդական ցասման էներգիան շեղում են հիմնական թիրախից և թուլացնում ազգային դաշտը: Բոլորը պետք է հասկանան, որ չսպանված արջի մորթին



չեն կիսում: Գալիք իշխանության հարցը, այսպես թե այնպես, լուծվելու է ընտրությունների միջոցով:

Այսպիսով կարելի է եզրակացնել, որ.

- Հայաստանի իշխանության ռեյտինգը գտնվում է անցնող 7 տարիների ամենացածր սահմանագծին,
- Հանրապետության մասշտաբով առավել ընդլայնված է իշխանությունների հրաժարականին ձգտող ժողովրդական զանգվածների շրջանակը,
- առավել մեծ և բազմաշերտ է ակտիվ պայքարի պատրաստ մարդկանց քանակը,
- սահմանափակված է իշխանության ապօրինի գործողությունների համար արտաքին աջակցության հնարավորությունը,
- ծրագրված, ճանապարհային հստակ քարտեզով պայքարի վերսկսումը կնվազեցնի տեղական և համապետական ընտրություններում իշխանությունների հաղթելու հավանականությունը, կկանխի ինքնափրկության համար հայրենիքի շահերը զոհաբերելու իշխանության հնարավորությունը,
- մինչ այս և սրան զուգահեռ պետք է կարևորել տեղական բոլոր ընտրությունները՝ այս շարքում կարևորագույններից մեկը համարելով մարտի 30-ին տեղի ունենալիք Գյումրիի ավագանու ընտրությունները,
- ընտրություններում ջլատված ազգային ուժերի դիմաց իշխանությունը կենտրոնացնելու է իր հնարավորությունները, հետևաբար, հաղթանակի երաշխիքը կարող է լինել միասնական թեկնածուի շուրջ ազգային ուժերի համախմբումը,
- բոլոր պարագաներում ազգային ուժերի հաղթանակը և հայրենիքի փրկությունը հնարավոր են ընդհանուր նպատակի շուրջ ազգային բոլոր ուժերի միասնական հանդես գալու դեպքում՝ մինչև իշխանափոխությունը:

Գալիք փորձություններին հանդիման մեր ժամանակը սահմանափակ է, և չպետք է այն մսխել սպասելով, թե երբ հեղափոխական իրավիճակն ինքն իրեն կվերաճի հեղափոխական պայքարի: ■

Լենին-Քենալ դաշինքից մինչև Էրդողան-Փաշինյան-Ալին դաշինք՝ ընդդեմ Հայաստանի

Անի Մելքոնյան
Պատմաբան

Մարտը հայոց պատմության մեջ նշանավորվում է մի շարք նշանակալի իրադարձություններով, որոնցից մեկն էլ 2021 թ. մարտի 16-18-ին կնքված խորհրդա-թուրքական բարեկամության և եղբայրության պայմանագիրն էր:

Թե ի՞նչ է իրենից ներկայացնում այս պայմանագիրը, բոլորս լավ գիտենք, բայց մինչև քննարկման բուն թեմային անցնելը, համառոտ խոսենք 1920 թ. Մոսկվայի պայմանագրի մասին:

Նախ մի փոքր, պայմանագրի կնքման ամսաթվի հետ կապված. մարտի 16, թե՛ մարտի 18:

«Նորահայտ փաստաթղթերի համաձայն՝ խնդրո առարկա պայմանագիրը ռուս-թուրքական շահերի շուրջ տեղի ունեցող «առևտրի» պատճառով իրականում կնքվել է ոչ թե մարտի 16-ին, այլ 18-ին:

Մասնավորապես թուրքերը պահանջել են նաև, որ ռուսական կողմը տարեկան վճարի իրենց 10 մլն ռուբլի՝ ոսկով:

Ռուսների գիշողականության դիմաց թուրքական կողմն իր պահանջների հարցում այնքան լկտի է գտնվել, որ, առաջադրելով «Ազգային ուխտի» համաձայն սահմանները գծել ըստ 1877-1878 թթ. պատերազմից առաջ եղած սահմանների, պահանջել է դրանում ներառել նաև Իգդիրն ու Մուրմալոն, այն դեպքում, երբ դրանք չեն մտել այդ սահմանների մեջ:

Դրանք թուրքական սահմաններում չեն ընդգրկվել նաև Բրեստի պայմանագրով...

Նույն 1921 թ. մարտի 16-ին Ռուսաստանի և Անգլիայի միջև կնքվել է տնտեսական համաձայնագիր:

Բանակցությունների ընթացքում անգլիացիները պահանջել են ռուսներից, որ որպես փոխհատուցում որոշ հողային գիշումներ արվեն Հայաստանին:

Գետրգի Չիչերինը Լոնդոնում Ռուսաստանի դեսպանին հրահանգում է փոխանցել անգլիացիներին, որ չեն կարող այլևս թուրքերի առջև նման պայման դնել, քանի որ երկու երկրների միջև մարտի 16-ին պայմանագիրն արդեն կնքվել է:

Իրականում ռուսները ձգձգել են պայմանագրի կնքումը՝ սպասելով անգլիացիների արձագանքին և այն մարտի 16-ի հետին ամսաթվով կնքել են մարտի 18-ին»¹:

Փաստորեն, Հայաստանի խորհրդայնացումից հետո, բոլշևիկներն ու թուրքերը պետք է որոշեին Հայաստանի ճակատագիրը, առանց հաշվի առնելու հայ ժողովրդի կարծիքը:

Որ հայ ժողովրդի կարծիքը հաշվի չառան, դրա մասին է վկայում նաև այն, որ խորհրդայնացված Հայաստանի արտաքին գործերի ժողովրդական կոմիսար



Ալեքսանդր Բեկզադյանին թույլ չտվեցին մասնակցել բանակցություններին կամ գոնե տեղեկանալ դրանց ընթացքի մասին:

Իսկ ընթացքն ու հետևանքը հայության համար ավելի քան բացասական էին, որովհետև Հայաստանը կորցրեց իր միջազգայնորեն ճանաչված տարածքի զգալի մասը:

Մոսկվայի բանակցությունների ժամանակ քենալական պատվիրակությունը պնդում էր, որ անհրաժեշտ է վերականգնել 1877 թ. ռուս-թուրքական նախկին պետական սահմանը, ինչը նշանակում էր, որ դեռևս 1920 թ. գարնանը Ազգերի Լիգայի (ՄԱԿ-ի նախակարապետը) կողմից ՀՀ սուվերեն տարածքում ճանաչված Կարսն ու Արդահանը փոխանցվելու էին Թուրքիային:

1920 թ. հունվարի 28-ին Կ. Պոլսի խորհրդարանը ընդունել էր «Ազգային ուխտ»² փաստաթուղթը, ըստ որի ենթադրվում էր, Օսմանյան կայսրության 1877 թ. սահմանների վերականգնում:

Այլ կերպ ասած. «Թուրքիայի անբաժան մաս էին հայտարարվում ոչ միայն Արևմտյան Հայաստանի նահանգները, այլև 1878 թվականից ի վեր Սան Ստեֆանոյի և ապա Բեռլինի պայմանագրերով շուրջ 40 տարի Ռուսական կայսրության և ապա Հայաստանի Հանրապետության օրգանական մաս հանդիսացող ամբողջ Կարսի մարզը (Կարսի, Արդահանի, Կադզվա-նի և Օլթիի օկրուգներով) 18784 քառ. կմ տարածք»³:

Մոսկվայի պայմանագրի շուրջ բանակցություններին ընթացքում խորհրդային կողմը ոչ միայն ընդունեց թուրքական «Ազգային ուխտը» և համաձայնեց Թուրքիային զիջել Կարսն ու Արդահանը, այլ նաև համաձայնեց «Ազգային ուխտի» մեջ չմտնող և երբևէ Օսմանյան կայսրության տարածքին մաս չկազմած Սուրմալույի գավառն ու Իգդիր քաղաքը ևս փոխանցել Թուրքիային:

«Սուրմալույի գավառը, հայ ժողովրդի համար խորհրդանշական Մեծ ու Փոքր Մասիսներով, Իգդիրով ու Կողբով, Հայաստանի մի քանի բաժանումներից ի վեր, հանդիսացել է Արևելյան Հայաստանի օրգանական մասը և տևականորեն չի մտել Օսմանյան կայսրության մեջ, իսկ Հայաստանի անկախության հռչակումից հետո այն ՀՀ անբաժանելի մաս էր»⁴ - բայց սա չխանգարեց, որ Լենինի կառավարությունը Թուրքիային նվիրի Սուրմալույի գավառը՝ 3174 քառ. վերստ տարածքով⁵ (մոտ 3688 քառ կմ - Ա.Մ.) և հայության համար ազգային խորհրդանիշ համարվող Արարատ լեռով:

Ստանալով Սուրմալույի գավառը, թուրքերը ընդհուպ մոտեցան հայկական Նախիջևանին, որը «Ազգային ուխտի» հետ որևէ կապ չունեւ, բայց պանթուրքիստական քաղաքականության տեսանկյունից, Թուրքիայի համար շատ կարևոր նշանակություն ուներ. Ադրբեջանի հետ միավորվելու և պանթուրքիզմի ծրագրի առաջին փուլն ավարտին հասցնելու առումով:

Ի վերջո, Թուրքիան հասավ իր նպատակին և պոկեց Նախիջևանի գավառը Ադրբեջանի համար, պայմանով, որ «Ադրբեջանի հովանու տակ անցնող Նախիջևանի ինքնավար մարզի հովանավորությունը չի զիջվի մի երրորդ պետության»⁶ - մեծ ջանքեր չեն պահանջվում հասկանալու համար, որ «երրորդ պետության» անվան տակ, հասկացվում էր Հայաստանը:

«Մոսկվայի պայմանագրով Նախիջևանի երկրամասի հանձնումը Ադրբեջանին, Հայաստանի համար տարածքային զգալի կորուստ (5500 քառ. կմ) լինելուց բացի, վնասակար էր նաև ռազմավարական տեսակետից:

Դրանով փաստորեն Հայաստանի թիկունքում՝ Արաքսի ձախ ափին, ստեղծվում էր թշնամական մի հենակետ, որը կապող օղակ էր դառնում Թուրքիայի ու Ադրբեջանի միջև և գործուն սպառնալիք՝ Զանգեզուրի ու Արցախի համար»⁷:

Այսպիսով, 1921 թ. մարտին կնքված խորհրդա-թուրքական պայմանագրով Թուրքիան ստացավ ոչ միայն «Ազգային ուխտով» սահմանվածը, այլ նաև Վրաստանին զիջելով Բաթումը, ստացավ Սուրմալույի գավառն ու, ի օգուտ Ադրբեջանի, Հայաստանից կորցրեց Նախիջևանի գավառը:

Բացի վերը նշվածից, խորհրդային իշխանությունները Հայաստանի անունից հրաժարվեցին 1920 թ. օգոստոսի 10-ին կնքված Սևրի պայմանագրից, այդ մասին Մոսկվայի պայմանագրի 1-ին հոդվածը սահմանում էր. «Կողմերից յուրաքանչյուրը սկզբունքորեն համաձայն է չճանաչել ոչ մի հաշտության պայմանա-



Խորհրդաթուրքական բանակցությունները, մարտ, 1921 թ.

գիր կամ միջազգային որևէ այլ ակտ, եթե կողմերից մեկին ուժով հարկադրեն ընդունել: Ռուսաստանի կառավարությունը համաձայն է չճանաչել Թուրքիային վերաբերող և այսօր Թուրքիայի Ազգային մեծ ժողովը ներկայացնող նրա ազգային կառավարության չճանաչած որևէ միջազգային ակտ»⁸:

Մոսկվայի 1921 թ. մարտի 18-ի պայմանագիրը կնքման պահից անօրինական է, և միջազգային իրավունքի տեսակետից իրավական որևէ ուժ չունի՝ առաջին հերթին այն պատճառով, որ կնքվել է երկու ապօրինի գործող կառավարությունների միջև, որովհետև «մինչև 1922 թ. նոյեմբերը՝ սուլթան Մեհմեդ 6-րդի կողմից Թուրքիան լքելը, սուլթանի կառավարությանն էր վերապահված Թուրքիայի անունից միջազգային հարաբերությունների մեջ մտնելու իրավունքը, և, ըստ Օսմանյան կայսրության Սահմանադրության 7-րդ հոդվածի, միայն սուլթանը կարող էր լիազորել որևէ անձի հանդես գալու երկրի անունից»⁹: Ինչ վերաբերում է ՌԽՖՍՀ-ին, ապա նրա միջազգային ճանաչման հիմքը դրվեց միայն 1924 թ. փետրվարի 1-ին, Մեծ Բրիտանիայի կողմից ճանաչմամբ:

Այս երկու հանգամանքից բացի, կա մեկ այլ փաստ, որն իրավական տեսանկյունից չափազանց կարևոր է՝ Մոսկվայի խորհրդա-թուրքական եղբայրության և բարեկամության պայմանագրի կնքումից՝ 1921 թ. մարտի 18-ից մեկ ամիս առաջ՝ 1921 թ. փետրվարի 18-ին Հայաստանում տեղի էր ունեցել հակախորհրդային ապստամբություն, Հայաստանը ազատագրվել էր խորհրդային լծից, և վերականգնվել էին ՀՀ անկախությունն ու ինքնիշխանությունը, այսինքն, Լենինն ու Քեմալը որոշում էին մի երկրի ճակատագիր, որի օրինական կառավարությունը կամ այդ կառավարության լիազորված ներկայացուցիչը չէին:

Մոսկվայի բոլշևիկյան կառավարության անօրինական պայմանագրի շղթաներից ազատվելու գործում մեզ կարող է օգնել միջազգային իրավունքը, մասնավորապես «Միջազգային պայմանագրի իրավունքի մասին» Վիեննայի կոնվենցիան (որի մասին խոսել ենք 2020 թ. մարտի «Դրօշակի» թիվ 3 համարում տպագրված հոդվածում):



Ինչ-ինչ քաղաքական պատճառներով, հետանկախական նախորդ երեք տասնամյակների ընթացքում Հայաստանի իշխանությունները Մոսկվայի պայմանագրի Հայաստանին վերաբերող կետերի չեղարկումը օրակարգ չեն բերել, իսկ այսօր՝ Նիկոլ Փաշինյանի կառավարման պայմաններում այդ մասին խոսելն անիմաստ է, քանի որ Փաշինյանն ինքը 2020 թ. նոյեմբերի 9-ին ստորագրեց մի համաձայնագիր, որը Մոսկվայի պայմանագրից ոչ պակաս խայտառակ ու հակահայկական է:

Եթե Մոսկվայի պայմանագրի դեպքում ասում ենք, որ այն կնքվեց Հայաստանի օրինական կառավարիչը չհամարվող և թաթարական (ժամանակակից եզրույթով ադրբեջանական) ծագում ունեցող Լենինի ու թուրք Քեմալի միջև, ապա 2020 թ. նոյեմբերի 9-ի Մոսկվայի համաձայնագիրը ստորագրողը Հայաստանի ղեկավարն է, որը սակայն, վերազանցել է իր լիազորությունները և նման փաստաթուղթ ստորագրելու, ինչպես նաև 2022 թ. Պրահայում Արցախը Ադրբեջանի տարածք ճանաչելու ժամանակ չի առաջնորդվել ՀՀ Սահմանադրությամբ և չի անցկացրել համաժողովրդական հանրաքվե, ավելի՛ն, այն չի քննարկվել պետության գլխավոր ներկայացուցչական մարմնում՝ ԱԺ-ում մինչդեռ, ըստ ՀՀ Սահմանադրության, Ազգային ժողովը վերահսկողություն է իրականացնում գործադիր իշխանության նկատմամբ...

Բացի այդ, այս դեպքում ևս, գործում է Վիեննայի կոնվենցիան, որովհետև փաստացի Նիկոլ Փաշինյանը Արցախի ժողովրդի ընտրված ներկայացուցիչը չէր և իրավունք չունեի Արցախի ժողովրդի անունից կամ նրա վերաբերյալ որևէ փաստաթուղթ ստորագրելու:

Փաստորեն, 1921 թ. մարտի 18-ի Մոսկվայի պայմանագրով Հայաստանը կորցրեց Կարսի մարզը, Սուրմալուի գավառն ու Նախիջևանը (շուրջ 27 972 քառ. կմ), իսկ Մոսկվայի 2020 թ. նոյեմբերի 9-ի համաձայնագրով՝ ազատագրված Արցախի (որը փաստացի ինքնիշխան պետություն էր, և ուներ իր օրինական ընտրված ղեկավարները) 75%-ը իսկ 2022 թ. Պրահայում Նիկոլ Փաշինյանի կողմից Արցախը Ադրբեջանի տարածք ճանաչելուց և բազմիցս այդ մասին հայտա-

րարելուց հետո՝ 2023 թ. սեպտեմբեր-հոկտեմբերին ամբողջ Արցախը՝ շուրջ 12,500 քառ. կմ, այնուհետև նույն Փաշինյանը 2023 թ. հոկտեմբերին Գրանադայում «Եվրոպական քաղաքական համայնքի գազաթնաժողովի շրջանակում ԵՄ-ի, Գերմանիայի և Ֆրանսիայի հետ հանդիպմանը ստորագրել է փաստաթուղթ, որով Ադրբեջանի տարածքը ճանաչել է 86,6 հազար քառակուսի կիլոմետր՝ ներառյալ Արցախը»¹⁰- հատկանշական է, որ այդ փաստաթուղթը ստորագրել է մեկը, ով Արցախի Հանրապետության ժողովրդի կողմից չի ընտրվել և լիազորված չէր նրան ներկայացնելու: Ի դեպ, Գրանադայի հանդիպմանը Ալիևը չի մասնակցել և փաստաթուղթը չի ստորագրել:

Նույն փաստաթղթում նշված է. «Կողմերը հավատարիմ են մնում Հայաստանի և Ադրբեջանի միջև հարաբերությունների կարգավորմանն ուղղված բոլոր ջանքերին՝ հիմնված Հայաստանի (29800 քառ. կմ) և Ադրբեջանի (86.600 քառ. կմ) ինքնիշխանության, սահմանների անձեռնմխելիության և տարածքային ամբողջականության փոխադարձ ճանաչման վրա»¹¹- այսինքն՝ Ալիևը չի ստորագրել այն փաստաթղթի տակ, որտեղ Հայաստանի տարածքը նշված է 29,800 քառ. կմ, Ադրբեջանինը՝ 86,600, իսկ Փաշինյանը Տավուշի գյուղերը հանձնելու նախօրյակին հայտարարեց, որ «ՀՀ տարածքի 29,800 ք/կմ-ն կլորացրած թիվ է, ճիշտը ուրիշ թիվ՝ 29,743 քկմ»¹²: Այլ կերպ ասած, հանուն ադրբեջանական շահերի Նիկոլ Փաշինյանը ևս մի քիչ կրճատեց ՀՀ տարածքը, ինչը նրա դեպքում անսպասելի չէ:

Ավելի՛ն, զարմանալի չի լինի, որ ասենք հաջորդ տարի (եթե իհարկե ընտրություններում կրկին վերարտադրվի) հայտարարի, որ ՀՀ տարածքը ասենք՝ 10 կամ 15 հազար քառ. կմ է, իսկ 29,743-ը «կլորացրած թիվ է»:

Հայաստանի ապագա ղեկավարները, քաղաքական բարենպաստ իրավիճակի պայմաններում Մոսկվայի պայմանագրի Հայաստանին վերաբերող կետերի չեղարկմանը կարող են հասնել՝ միջազգային իրավունքի նորմերին համապատասխան, բայց նախ և առաջ այսօր օրախնդիր անհրաժեշտություն է «մե-

բօրյա Լենինի», հայ ժողովրդի հայրենիքի տարածքները Ադրբեջանին նվիրող՝ Նիկոլ Փաշինյանի ձեռքը բռնել, որպեսզի Հայաստան պետությունը և հայ ազգը գոյություն ունենան ու կարողանան հետագայում պայքարել Մոսկվայի անօրինական պայմանագրի չեղարկման և դրա հետևանքների վերացման համար, քանի դեռ Նիկոլի՝ Մոսկվայի պայմանագրի «սինդրոմը» չի վերածվել Բեռլինի պայմանագրի «սինդրոմի», և նա Հայաստանի Հանրապետության տարածքը չի հայտարարել «Թուրքիայի հայաբնակ մարզ»։ Գաղափարական առումով, Փաշինյանի համար դժվար չէ այդ անելը, քանի որ դաժան ճակատագրի բերումով Հայաստանի ղեկավար դարձած անձը Քեմալից, Լենինից ու Էրդողանից (իհարկե երիտթուրքերին չհաշված) հետո հարյուրամյակի չորրորդ խոշոր պանթյուրքիստն է, և միանգամայն «բնական» է, որ նրա գաղափարական հենքը Մոսկվայի պայմանագիրն է (դեռևս), ոչ թե ասենք Սևրի պայմանագիրը։

Ինչ վերաբերում է հայությանը, որը միջազգայնորեն ճանաչված ՀՀ ավելի քան 70.000 քառ կմ տարածքից կորցրել է մոտավորապես 40,472 քառ/կմ-ը (Արցախի Հանրապետության տարածքը ներառյալ), ապա նա պետք է շատ լուրջ քննի իր պատմական սխալներն ու բացթողումները և մշակի ազգային ռազմավարություն՝ գոնե մինչև 1920 թ. թուրք-հայկական պատերազմը իր փաստացի տիրապետության տակ գտնված և միջազգայնորեն ՀՀ մաս ճանաչված տարածքները ՀՀ-ին վերադարձնելու վերաբերյալ։ Հակառակը՝ կամ այս ուղղությամբ ոչինչ չանելը, կարող է բերել Հայաստանի մնացած վերջին այս հողակտորը ևս կորցնելուն, ուստի հերթական անգամ կրկնում ենք այն, ինչ գրում ենք մեր վերջին շրջանի գրեթե բոլոր հոդվածներում՝ հայությունը ունի միայն երկու ընտրություն **վահանով կամ վահանի վրա**։ Այս սկզբունքը 135 տարի առաջ շատ պատկերավոր ձևակերպել են ՀՅԴ հիմնադիրները (որոնցից Քրիստափոր Միքայելյանի մահվան 120-րդ տարեիցը կլրանա 2025 թ. մարտի 17-ին)՝ **«Ազատություն կամ՝ մահ»**, և ճակատագրական այս օրերին հայ ազգն ինքը պետք է որոշի՝ մեռնում է՝ պարարտ հող դառնալով պանթյուրքիզմի ֆաշիստական գաղափարախոսության համար, թե՛ ի վերջո ազատություն է ձեռք բերում՝ վերատիրանալով իր կորսված հայրենիքին ու խլված իրավունքներին՝ փակելով Էրդողան-Ալիև-Փաշինյան պանթյուրքիստների ճամփան։

Ի յրոմն նշենք, որ հոդվածում «ռուս-թուրքական պայմանագիր» եզրույթը չենք օգտագործել, որովհետև այն ստորագրող կառավարությունը Ռուսաստանի օրինական կառավարությունը չէր, և այդ կառավարության ղեկավար Լենինն էլ ազգությամբ ռուս չէր ու Մոսկվայի պայմանագրից ոչ պակաս խայտառակ մի պայմանագիր էլ ռուս ժողովրդի վզին փաթաթեց՝ 1918 թ. մարտի 3-ին Բրեստ-Լիտովսկում։ ■

Ծանոթագրություններ

1. Մելքոնյան Ա., Ռուս-թուրքական «Եղբայրության և բարեկամության» պայմանագիրը, Դրօշակ, թիվ-3 (1637), մարտ 2020, էջ 36:
2. Սաֆրաստյան Ռ., Մուստաֆա Քեմալ. պայքար Հայաստանի Հանրապետության դեմ, Եր., 2019, էջ 64:
3. Конопка С.Р., Кавказ, Тифлис 1914, стр. 95.
4. Հակոբյան Ա., Մոսկվայի 1921 թ. մարտի 16-ի (18-ի) պայմանագիրը հայ ժողովրդի ճակատագրում, ՎԷՄ համահայկական հանդես, ԺԳ (ԺԺ) տարի թիվ 1(73), հունվար-մարտ, 2021, էջ 30:
5. Завриев Д., К новейшей истории северо-восточных вилайетов Турции, Тбилиси, стр. 69-70.
6. ՀԱԱ, ֆ., 114, ց 2, գ 132, թ. 12, Հայաստանի Հանրապետությունը 1918-1920 թթ., էջ 501:
7. Հակոբյան Ա., Մոսկվայի 1921 թ. մարտի 16-ի (18-ի) պայմանագիրը հայ ժողովրդի ճակատագրում, ՎԷՄ հունվար-մարտ, 2021, էջ 35-36:
8. Մելքոնյան Ա., Ռուս-թուրքական «Եղբայրության և բարեկամության» պայմանագիրը, Դրօշակ, թիվ-3 2020, էջ 37
9. Chen T.-C., The International Law of Recognition, London, 1951, էջ 138:
10. <https://hayastan.news/am/post/10816>:
11. Նույն տեղում:
12. <https://tert.am/am/news/2024/03/12/nikol-pashinyan/4091842>:

Օգտագործված գրականության ցանկ

ա) Գրականություն

1. Սաֆրաստյան Ռ., Մուստաֆա Քեմալ. պայքար Հայաստանի Հանրապետության դեմ, Եր., 2019:
2. ՀԱԱ, ֆ., 114, ց 2, գ 132, թ. 12, Հայաստանի Հանրապետությունը 1918-1920 թթ.:
3. Завриев Д., К новейшей истории северо-восточных вилайетов Турции, Тбилиси., 1947.
4. Конопка С.Р., Кавказ, Тифлис, 1914.
5. Chen T.-C., The International Law of Recognition, London, 1951

բ) Մամուլի նյութեր

1. Հակոբյան Ա., Մոսկվայի 1921 թ. մարտի 16-ի (18-ի) պայմանագիրը հայ ժողովրդի ճակատագրում, ՎԷՄ համահայկական հանդես, ԺԳ (ԺԺ) տարի թիվ 1(73), հունվար-մարտ, 2021:
2. Մելքոնյան Ա., Ռուս-թուրքական «Եղբայրության և բարեկամության» պայմանագիրը, Դրօշակ, թիվ-3 (1637), մարտ 2020:

գ) Համացանցի նյութեր

1. <https://hayastan.news/am/post/10816>
2. <https://tert.am/am/news/2024/03/12/nikol-pashinyan/4091842>

44-օրյա պատերազմի արյունոտ դասերը (Մաս 4)

Սարգիս Սարգսյան

Մոսկվայի Վ. Արծրունու անվան Սևծովյան-Կասպիական տարածաշրջանի ինստիտուտի առաջատար գիտաշխատող

Սույն հոդվածի առաջին մասը (տե՛ս «Դրօշակ»ի 2024 թ., իններորդ համարը, սեպտեմբեր, 2024 թ., Սարգիս Սարգսյան 44-օրյա պատերազմի արյունոտ դասերը (Մաս 1) (էջ 20-31), հիմնականում նվիրված էր 2005-2020 թվականների միջև ընկած ժամանակահատվածում աշխարհի տարբեր երկրների հետ Հայաստանի և Ադրբեյջանի ռազմաքաղաքական և ռազմատեխնիկական համագործակցությանը: Հոդվածի երկրորդ մասը (տե՛ս «Դրօշակ»ի 2024 թ., տասներորդ համարը, հոկտեմբեր 2024 թ., Սարգիս Սարգսյան 44-օրյա պատերազմի արյունոտ դասերը (Մաս 2) (էջ 10-22), նվիրված էր մարտական գործողությունների ընթացքին, կողմերի զինված ուժերի քանակին, մարտավարությանը, տեղադրությանը, ինչպես նաև պատերազմում Թուրքիայի ուղղակի ներգրավվածությանը: Հոդվածի երրորդ մասում (տե՛ս «Դրօշակ»ի 2024 թ., տասնմեկերորդ համարը, նոյեմբեր 2024 թ., Սարգիս Սարգսյան 44-օրյա պատերազմի արյունոտ դասերը (Մաս 3) (էջ 16-26), ներկայացել ենք այլազգի, հիմնականում արևմտյան ռազմական, անգլիալեզու մասնագետների տեսակետները: Նշենք, որ 44-օրյա պատերազմի թեմային անդրադարձել են լուրջ հետազոտական, ֆուտուրոլոգիական կենտրոններ տարբեր երկրներում, այդ թվում և՛ Ռուսաստանում: Այս մասում ներկայացնելու ենք ռուս ռազմաքաղաքական վերլուծաբանների տեսակետները 44-օրյա պատերազմի վերաբերյալ: Ներկայացվող նյութերը նաև ռուս վերլուծաբանների հետ հեղինակի առանձնագրույցների և հարցազրույցների հանրագումարն է:

Գրիմի դաշնային համալսարանի փիլիսոփայության ֆակուլտետի քաղաքագիտության և միջազգային հարաբերությունների ամբիոնի դոցենտ Անատոլի Ֆիլատովը գտնում է, որ շատ փորձագետներ (տարբեր ոճերի ու որակների) ի սկզբանե կանխատեսեցին Ադրբեյջանի անխուսափելի հաղթանակը: Այս սցենարի իրականացումը նշանակում էր և՛ նշանակում է Ռուսաստանի (այսինքն՝ պատմական Ռուսաստանի և, բնականաբար, նրա ներկայիս քաղաքական արտահայտության՝ Ռուսաստանի Դաշնության) պարտությունը: Նման պարտությունը խաբխուրում է ոչ միայն ռուսական քաղաքականության կառուցվածքը, այլև ներկայիս քաղաքական ռեժիմի այսօրվա պատկերը: Այս համատեքստում Ռուսաստանը կորցնում է իր կենսական դիրքը քաղաքականության շինարարության և միջքաղաքականության առճակատման մեջ, որտեղ նրա ակնհայտ հակառակորդները եվրոպական, կամ, ավելի ճիշտ, այժմ, եվրասիական քաղաքակրթության պետություններն են՝ ԱՄՆ-ը, Մեծ Բրիտանիան և Ֆրանսիան: Ռուսաստանին հակադրվում



է նաև Թուրքիան, որն այժմ փորձում է վերականգնել Մեծդուրեչենսկ-արաբական քաղաքակրթական մոդելը, վերադարձնելով օսմանյան իշխանության նշաններն ու պարամետրերը: Այս սցենարով Ռուսաստանի Դաշնությունը կորցնում է այն, ինչ կորցրեց Վրաստանի հանձնման դեպքում, որն այժմ եվրասիական տարածքի հակառուսական գործիքն է: Միգուցե ժամանակակից Ռուսաստանի Դաշնությունը կարող է դա իրեն թույլ տալ: Մեր իրավիճակում կարևոր է չթողնել, որ արդյունքում Հայաստանը պարտվի: Եվ եթե Ադրբեյջանը գնա Թուրքիայից կապերի և կախվածության հետագա խորացման ճանապարհով, ապա Ռուսաստանը պարտավոր է ամեն ինչ անել, որպեսզի Ադրբեյջանը կորցնի, այլ կերպ ասած՝ չլուծարվի Արցախը՝ որպես ֆորմալ անկախ պետություն և որպես Հայաստանի Հանրապետության դե ֆակտո մաս: Սա է քաղաքականության զարգացման և միջքաղաքականության դիմակայության տրամաբանությունը:

Այսպիսով, առաջին սցենարը մնում է այս կամ այն մոդիֆիկացիայի մեջ, գուցե նույնիսկ Արցախի կողմից որոշակի տարածքային զիջումներով, կամ կորստով:

Ո՞րն է ընդհանուր եզրակացությունը 2020 թվականի դարաբաղյան պատերազմի վերլուծությունից: Ռուսաստանը և՛ որպես քաղաքականության կոնստրուկտ,

և՛ որպես ներկայիս քաղաքական նախագիծ՝ Ռուսաստանի Դաշնություն, չի կարող Արցախը հանձնել Ադրբեյջանին, առաջին հերթին այն պատճառով, որ Ադրբեյջանը խորը գործարքի մեջ է մտել Թուրքիայի հետ, որն իր բնույթով Ռուսաստանի քաղաքակրթական և աշխարհաքաղաքական հակառակորդն է: Անկասկած է, որ Անկարայի ներկայիս քաղաքական դեմքին բացահայտորեն փորձում է վերարտադրել Օսմանյան իշխանության չափանիշներն ու ուղենիշները:

Այժմ՝ հանգուցյալ, ռուս ազդեցիկ ռազմական բլոգեր Վլադլեն Տատարսկին (2023-ի ապրիլին դարձավ ահաբեկչության զոհ) ներկայացնում է, թե ով և ինչպես է աջակցել Ադրբեյջանին: «Այսպիսով, տեսնենք, թե որ երկրներն են աջակցել Բաքվին Հայաստանի հետ ներկայիս բախումներում:

Թուրքիա. Ռազմական մատակարարումներ և դիվանագիտական աջակցություն: Թուրքիան Ադրբեյջանին տրամադրել է ռազմական խորհրդատուների, օպերատորների և Բայրաքթարի նման թանկարժեք ԱԹՄ-ների բանակ:

Պակիստան. դիվանագիտական աջակցություն:

Բոսնիա և Հերցեգովինա. դիվանագիտական աջակցություն երկրի առաջատար իսլամական կուսակցության առաջնորդից (որի հայրը ժամանակին գլխավոր դեր է խաղացել Բոսնիայի պատերազմի բռնկման գործում: - Խոսքը հայր և որդի Իգեթբեգովիչների մասին է- հեղ.):

Աֆղանստան. դիվանագիտական աջակցություն:

Ուկրաինա. ռազմական մատակարարումներ և դիվանագիտական աջակցություն: Լուրեր էին պտտվում Ղարաբաղի մարտական պայմաններում ուկրաինական անօդաչու թռչող սարքերի օպերատորների վերապատրաստման մասին: Կարծում եմ՝ շուտով կիմանանք մանրամասները:

Փաթար. ԶԼՄ-ների աջակցություն, առաջին հերթին ազդեցիկ Al Jazeera-ից:

Վրաստան. փակ օդային տարածք ռուսական մատակարարումների համար, և փակ սահմաններ հայ կամավորների համար: Հետագա էսկալացիայի դեպքում, ինչպես հստակ ակնարկել է ՆԱՏՕ-ի գլխավոր քարտուղար Յենս Սթոլթենբերգը, Վրաստանին արտերկրում գտնվող տերերի կողմից հանձնարարական կտրվել լուծել Օսիայի և Աբխազիայի հարցը:

Իրաք. դիվանագիտական աջակցություն:

Իսրայել. ռազմական մատակարարումներ: Ադրբեյջանն այժմ Իսրայելի գլխավոր գործընկերներից մեկն է: Երկու երկրների միջև իրականացվում է զգալի առևտուր և իսրայելական զենքի մատակարարումներ Բաքվին: Ըստ երևույթին, Բաքուն նաև ցատկահարթակ է Իսրայելի հետախուզական ծառայությունների համար Իրանի դեմ: Ամենայն հավանականությամբ, Ադրբեյջանում իսրայելցիների հիմնական աջակիցները լեռնային հրեաներն են՝ ազդեցիկ համայնք և՛ այնտեղ, և՛ այստեղ՝ Ռուսաստանում (լեռնային հրեաների մոսկովյան կլանը՝ Նիսանովներ, Իլիններ և այլն, շատ մեծ կշիռ և ազդեցություն ունի Մոսկվայի տնտեսության մեջ):



Սիրիա. դիվանագիտական և ռազմական աջակցություն սիրիական ընդդիմության կողմից: Բայց նույնիսկ այստեղ դա այնքան էլ պարզ չէ: «Rybar» տեղեկատվական ալիքն այդ օրերին գրեց. «Սեպտեմբերի 20-ին սոցիալական ցանցերում սկսեցին լուրեր շրջանառվել Սիրիայի թուրքամետ հատվածի ազգային բանակի զինյալների մոտալուտ ուղարկման մասին Անդրկովկաս»:

Թուրքիայի կողմից վերահսկվող տարածքներում վարձկանների հավաքագրման մեկնարկի մասին լուրերը շրջանառվեցին հայկական ԶԼՄ-ների հրապարակումներում, և նշվեց, թե սիրիացի զինյալներն արդեն Կովկասում են ու արդեն կորուստներ են կրում: Վարկածներից մեկի համաձայն՝ առաջին 150 մարդը սիրիական Աֆրինից գործուղվել է Ադանա քաղաքի թուրքական ավիաբազա, իսկ այնտեղից՝ Ադրբեյջան: Նույն աղբյուրները պնդում էին, որ սիրիացիները տեղակայվել են ոչ թե Լեռնային Ղարաբաղում, այլ Կասպից ծովի ռազմակայաններում, որտեղ ադրբեյջանական ստորաբաժանումների հետ միասին անցել են համակարգման և մարտական պատրաստության: Վերլուծաբան և Սիրիայում ԱՄՆ «Հատուկ վճռականություն» օպերացիայի նախկին խոսնակ Մզահեմ ալ-Սալումը՝ վկայակոչելով Լիբիայի հակամարտության վերաբերյալ իր իսկ աղբյուրները, պնդում էր, որ Թուրքիայի ազգային հետախուզական կազմակերպության (MIT) սպան, որը վերահսկում է սիրիացի զինյալների գործողությունները Լիբիայում՝ Աբու ալ-Ֆուրքանը, պետք է վերադառնա Սիրիա և փոխարինի իր գործընկեր Աբու Սաիդին: Աբու ալ-Ֆուրքանի «լիբիական փորձը» վճռական դեր է խաղացել նրան Սիրիա վերադարձնելու որոշման մեջ՝ «ադրբեյջանական գործի» հետագա վերահսկողության համար: Սիրիացիներին հավաքագրելիս առաջնահերթությունը տրվել է այն զինյալներին, ովքեր արդեն դրսևորել են իրենց Լիբիայում, ովքեր գիտեն, թե ինչպես պետք է կռվել, և որոնց հրամանատարները կարող են երաշխավորել նրանց մարտունակությունը»:

Համապարփակ եվրոպական և միջազգային հետազոտությունների կենտրոնի, Ազգային հետազոտական համալսարանի Տնտեսագիտության



բարձրագույն դպրոցի փորձագետ Վասիլի Կաշինը նկատում է, որ ռազմական հաշվեկշռի տեղեկատվության տվյալներն արտացոլում են կողմերի ռազմական ներուժի միայն մեկ բաղադրիչը, մինչդեռ ժամանակակից պատերազմի ամենակարևոր տարրը հետախուզական միջոցներն են: Փորձագետը վստահ է, որ դա էր Ադրբեյջանի գլխավոր առավելությունը. «դուք կարող եք հավասարություն ունենալ հրետանու, ծանր ցամաքային տեխնիկայի, տանկերի քանակի հարցում, բայց պոտենցիալը որոշվում է ոչ թե հրացանների քանակով, այլ հետախուզության արդյունավետությամբ»: Բացի այդ, նա ավելացնում է, որ տվյալները չեն արտացոլում երկրին ժամանակակից զինամթերքի մատակարարումները. «դուք ունեք նույն համագարկային կրակի հրթիռային համակարգը (ՀԿՀՀ-MLRS), կամ սառը պատերազմի շրջանի զինտեխնիկան, բայց մի կողմն ունի ժամանակակից կառավարվող զինամթերք, իսկ մյուսը՝ ոչ»:

«Բայրաքթար TB2»-ի նման հարձակողական անօդաչու թռչող սարքերի դերն այս պատերազմում խիստ ուռճացված էր, վստահ է Կաշինը, քանի որ կորուստներ պատճառելու հիմնական միջոցը եղել է հրետանին, որին օգնել է հետախուզությունը: Հայաստանը տեղեկատվական տեխնոլոգիաների ոլորտում առաջատար է տարածաշրջանում, և տեսակա՝ նորեն պետք է ունենար արդյունավետ տեխնիկական և կիբեր հետախուզություն, - ասում է նա: «Ադրբեյջանցիները, ըստ երևույթին, վախեցան դրանից և մեծ աշխատանք կատարեցին սոցիալական ցանցերի հետ (դրանք Ադրբեյջանում արգելափակված էին ողջ հակամարտության ընթացքում) և կարգապահության պահպանման հարցում: Բայց հայերն ակնհայտորեն շատ քիչ պատկերացում ունեին ադրբեյջանական ռազմական օբյեկտների գտնվելու վայրի մասին: Սա պարզ է, քանի որ նույնիսկ ծանր ՀԿՀՀ-ները, որոնք ունեին հայերը, չէին խոցում հակամարտության ողջ տարածքը», - իր տեսակետն է բացատրում փորձագետը: Հայաստանն անարդյունավետ գործեց հակաօդային պաշտպանության ոլորտում: «Ամբողջ պաշտպանությունը ներկայացված էր որոշ մեկուսացված ֆորտիֆիկացիոն կառույցներով և, առավել ևս, հնացած տեսակի սարքավորումներով», - բացատրում է Կա-

շինը: Վիետնամի պատերազմից ի վեր հակաօդային պաշտպանության համակարգերի գոյատևման բանալին մշտական մանևրներն են, և կրակոցից անմիջապես հետո դիրքերից արագ հետ քաշվելը: Բայց, ըստ երևույթին, խնդիր կար նաև տնօրինելու այն սուղ ուժերը, որոնց տիրապետում էին հայերը: Ընդհանրապես, ինձ թվում է, նրանք առանձնապես չեն խորացել վերջին տասնամյակների զինված հակամարտությունների փորձի մեջ»:

Հասարակական գիտությունների մասին գիտական տեղեկատվության ինստիտուտի Միջին և Հեռ-խորհրդային Արևելքի ամբիոնի կրտսեր գիտաշխատող, թուրքագետ Ռազիլ Գուզաերովը գտնում է, որ Ղարաբաղյան երկրորդ պատերազմը Թուրքիայի և Ադրբեյջանի միջև խորացող հարաբերությունների ցուցադրությունն էր: «Բաքուն ոչ միայն լավ գովազդ արեց թուրքական ռազմարդյունաբերական համալիրի համար, այլև օգնեց ընդլայնել Անկարայի ազդեցությունը տարածաշրջանում: Հատկապես հետաքրքրական է այն, թե ինչպես է Անկարան ռազմական ոլորտի միջոցով մեծացնում իր ազդեցությունը «եղբայրական հանրապետության» վրա: Ադրբեյջանական բանակը սկսել է թուրքական չափանիշներին անցնելու ակտիվ գործընթաց: 2022 թվականին թուրք գններով Բախտիար Էրսայը նշանակվել է Ադրբեյջանի պաշտպանության նախարարի խորհրդական: Երկու բանակների ինտեգրման շարունակությունը դարձավ HAKİM օդային հրամանատարության և կառավարման համակարգի ստեղծման հայտարարությունը, որը միավորում է Թուրքիայի և Ադրբեյջանի օդային տարածքի կառավարման համակարգերը: Թուրքիան սիստեմատիկ կերպով մեծացնում է իր ազդեցությունը ադրբեյջանական բանակի վրա: Թուրք-ադրբեյջանական համագործակցության փոխակերպումն ու զարգացումը հուշում են, որ պետությունները ձգտում են ստեղծել ռազմաքաղաքական միություն: Իհարկե, այս համատեքստում Մոսկվայի և Անկարայի շահերը կարող են չհամընկնել: Մեծացնելով իր ազդեցությունը Հարավային Կովկասում՝ Թուրքիան ավելի շատ հնարավորություններ կունենա համագործակցության/առճակատման նոր կետեր ստեղծելու տարածաշրջանային այլ խաղացողների հետ: Այս պահին Ռուսաստանը և Թուրքիան փոխգործակցում են ճգնաժամի կարգավորման շրջանակներում: Ղարաբաղում գործել է ռուս-թուրքական մոնիտորինգի կենտրոն: Հենց նման երկխոսությունը կօգնի ապահովել, որ Հարավային Կովկասը չդառնա կռիվախոս երկրների միջև: Հաճախ ռուս-թուրքական համագործակցության/մրցակցության համատեքստում մենք ակտիվորեն չենք նշում Կենտրոնական Ասիան: Երբեմն ավելի մեծ ուշադրություն է դարձվում ԱՄՆ-ի, Եվրամիության և Չինաստանի ներթափանցմանը տարածաշրջան:

Այնուամենայնիվ, Անկարան չափազանց շահագրգռված է այս ռազմավարական կարևոր տարածաշրջանով, այդ թվում՝ ենթակառուցվածքային նախագծերի միջոցով: Սրան զուգահեռ, Թուրքիայի հետ ծայ-

րահեղ սերտ հարաբերություններն Ալիևին դարձնում են մի քանի հակամարտությունների պատանդ»։ Բացի Մերձավոր Արևելքից, որտեղ Անկարան իրեն ինչ-որ կերպ դրսևորեց, քիչ հայտնի դիմակայություն կա Միջերկրական ծովի շելֆի շուրջ Թուրքիայի և Ֆրանսիայի միջև։ Այստեղից, ըստ ամենայնի, պարոն Փաշինյանի փորձերը՝ Ֆրանսիայում անվտանգության երաշխավոր փնտրելու։ Այս ամբողջ քաղաքականությունը շարունակվելու է և հետագայում։

Ալիևը հասկանում է, որ Ադրբեյջանի և տարածաշրջանի շուրջ ամեն ինչ է, որ պարզ է։ Սկսենք նրանից, որ խաղաղության պայմանագիր կնքելիս Հայաստանը փորձում է օգտագործել միջնորդության տարբեր ձևաչափեր, այդ թվում՝ եվրոպական պետությունների մասնակցությամբ, իսկ Ադրբեյջանը ձգտում է ապահովել, որ ամեն ինչ արվի առանց միջնորդների։ Եվ այս առումով, հասկանալով, որ կարող է բախվել նաև միջազգային ճնշման, Ադրբեյջանի ղեկավարը փորձում է նաև ավելի լեգիտիմացնել իրեն։ Հայաստանի և Ադրբեյջանի միջև շատ բարդ իրավիճակ է ստեղծվում։ Ի վերջո, հարցերը հեռու են փակ լինելուց։ Այո, Արցախի հարցը փակ է թվում, բայց այս ամենը նույնպես շատ պայմանական է, քանի որ մենք չգիտենք, թե ինչ կլինի Հայաստանում 10-15 տարի հետո։ Կլինե՞ն այնտեղ ուժեր, որոնք կցանկանան վրեժ լուծել։ Ո՞րն է լինելու այդ ուժերի ռեսուրսային բազան, ի՞նչ վիճակում է լինելու Հայաստանը մինչ այդ և այլն։ Այժմ առաջանում է խաղաղության պայմանագրի և սահմանների հարցը։ Ինչպես հասկանում ենք, այս սահմանները բավականին անորոշ են։ Յուրաքանչյուր կողմն ունի իր պատկերացումները, թե ինչպես և որտեղով պետք է դրանք անցկացվեն։ Բացի այդ, Ալիևը տարածաշրջանում բոլոր ճանապարհների ապաշրջափակման մասին կետը հասկանում է որպես «Զանգեզուրի միջանցքի» կառուցման հնարավորություն։ Այսպիսով, առաջանում է հայ-ադրբեյջանական նոր կարճատև պատերազմի հավանականությունը, որի կենտրոնը կլինի Հարավային Հայաստանը՝ Սյունիքի մարզը։ Այս իրավիճակում Ալիևը ևս մեկ անգամ կցանկանա լեգիտիմանալ։ Այլ ուղղություններով որևէ քայլ անելու համար Ալիևին այժմ առաջին հերթին անհրաժեշտ է փակել հայկական հարցը, այն էլ՝ իր պայմաններով։ Նա շատ է ուզում դա լուծել ուժի իրավունքով և ուրիշ ոչինչ։ Ռուսաստանի հետ կապված սա կլինի այն երկակի քաղաքականությունը, որն արդեն իսկ իրականացնում է Ալիևը շատ կոնկրետ ձևով։ Մի կողմից՝ նա շատ բարեկամական է Մոսկվայի հետ, բայց մյուս կողմից՝ մենք արդեն գիտենք, որ Ալիևի ռեժիմի և Կիևի ռեժիմի միջև համագործակցության փաստեր կան, այդ թվում՝ զենքի որոշակի տեսակների մատակարարում։ Իր ուրույն դիրքորոշումն այս հարցերում ունի Իրանը՝ իր 25-30 տոկոս ադրբեյջանցի բնակչությամբ։

Սա, այսպես ասած, Իրանի կառավարության «սիրելի» ազգային փոքրամասնությունն է։ Ադրբեյջանցիները լուրջ դիրքեր են զբաղեցնում այնտեղի կառավարական ապարատում և քիզնետում։ Բայց իրանցիներն



իսկապես չեն ցանկանում, որ իրենց ադրբեյջանցիներն ակտիվորեն շփվեն հյուսիսի ադրբեյջանցիների հետ, քանի որ վախենում են Բաքվի ազդեցությունից։ Եթե հիշում եք, 2023 թվականը սկսվեց իրանա-ադրբեյջանական հարաբերությունների կտրուկ վատթարացմամբ, որի պատճառը Իրանում Ադրբեյջանի դեսպանատան դեմ իրականացված ահաբեկչությունն էր։ Որոշ «առաջադեմ» փորձագետներ նույնիսկ ասում էին, որ եթե Ադրբեյջանը հարձակվի Հայաստանի վրա, Իսլամական հեղափոխության պահապանների կորպուսն անմիջապես կպատասխանի, բայց իրականում դա տեղի չունեցավ։ Արցախի հայաթափումը սահուն ընթացավ։ Այնուամենայնիվ, Իրանի և Ադրբեյջանի հարաբերությունները լարված են։ Այն, որ այս լարվածությունը երբեմն փոխարինվում է ամենաբարձր մակարդակով ինչ-որ փոխադարձ հաճոյախոսություններով, էական ոչինչ չի նշանակում։ Սրա վրա ուշադրություն դարձնելու կարիք չկա։ Միանգամայն ակնհայտ է, որ Իրանն Ադրբեյջանում ընկալվում է որպես առավել բարդ և անկանխատեսելի հարևան։

Ռուսաստանի ռազմավարական հետազոտությունների ինստիտուտի Կովկասի բաժանմունքի առաջատար փորձագետ Կոնստանտին Տասիցը նկատում է, որ 44-օրյա պատերազմի թեմայով արդեն արվել են մեծ թվով թե՛ ռուսական, թե՛ արտասահմանյան հրապարակումներ։ Դրանցից պետք է առանձնացնել «Փոթորիկ Կովկասում» գիրքը, որը պատրաստել են Ռազմավարությունների և տեխնոլոգիաների վերլուծության կենտրոնի (ИВАС) փորձագետները։ Դեռևս 2018 թվականին հրապարակման հեղինակները «Սպասելով փոթորիկին. Հարավային Կովկաս» իրենց աշխատության մեջ կանխատեսել էին իրադարձությունների նման ընթացք, մինչդեռ շատ քաղաքագետներ, նույնիսկ 2020 թվականի աշնանը զինված դիմակայության սկզբնական փուլում, չհավատացին «ստեղծված» իրավիճակը փոխելու հավանականությանը, դիվանագետների հետևից կրկնելով այն մանտրան, որ «միջազգային հանրությունը դա թույլ չի տա», և որ «հակամարտությունը կարող է լուծվել միայն խաղաղ ճանապարհով»։ Պետք է ասել, որ դարաբաղյան պատերազմը պարարտ հող էր ստեղծում նման համապարփակ մոտեցման համար։



Հակամարտությունը հասկանալու համար այն պետք է դիտարկել լայն պատմական տեսանկյունից: Հակասությունների արմատները հասնում են հին ժամանակներից, երբ Հարավային Կովկասը կայսրությունների բախման, օտար նվաճումների օբյեկտի, ժողովուրդների վերաբնակեցման և զանգվածային գաղթի թատերաբեմ էր: Հռոմեացիներին և հույներին, որոնք հնում հակադրվել են պարսիկներին (Աքեմենյաններ, Պարթևներ, Սասանյաններ), միջնադարում և նոր ժամանակներում փոխարինել են Սեֆյան Իրանը, Օսմանյան և Ռուսական կայսրությունները: Տարբեր ժամանակներում գերիշխող էթնիկ և կրոնական խմբերի (հայեր և թուրքեր, քրիստոնյաներ և մահմեդականներ) ստեղծած մշակութային և պատմական ժառանգությունը հնարավորություն տվեց երկու կողմերին հավակնելու իրենց «բնօրրան» տարածքին: 20-րդ դարի սկզբին՝ Ռուսական կայսրության փլուզումից և Խորհրդային Միության կազմավորումից հետո, երբ Անդրկովկասում սկսեցին ստեղծվել ժամանակակից ազգային պետություններ, հայերի և ադրբեջանցիների միջև ձևավորվեց հակասությունների խճճված հանգույց, որը հանգեցրեց առաջին Արցախյան պատերազմին 1990-ական թթ: 21-րդ դարի 20-ականներին պարզվեց, որ Հայաստանը բավականաչափ պատրաստ չէ Ադրբեջանի հետ լայնամասշտաբ ռազմական հակամարտությանը: Երևանը պատշաճ ուշադրություն չդարձրեց 1990-ականներին կառուցված պաշտպանության հիմնական գծի ամրապնդմանը և հակաօդային պաշտպանության համակարգի արդիականացման համար անհրաժեշտ քանակությամբ հակաօդային սարքավորումներ ձեռք չբերեց՝ չնայած 2016 թվականի ապրիլին ռազմական բախումների բացասական փորձին: Իրավիճակը սրվեց վարչապետ Նիկոլ Փաշինյանի կառավարման սխալների, և սխալ հաշվարկների պատճառով, որոնք հանգեցրել են գործադիր իշխանության, այդ թվում՝ իրավապահ մարմինների աշխատանքի կազմալուծմանը: Գրքի հեղինակները վերլուծում են 2020 թվականի «աշնանային պատերազմի» հետևանքները միջազգային համատեքստում՝ գնահատելով Հարավային Կովկասում ուժերի աշխարհաքաղաքական հավասարակշռության փոփոխության հեռանկարները:

Նրանց կարծիքով՝ խիստ կմեծանա Հայաստանի խոցելիությունը և կախվածությունն արտաքին խաղացողներից, առաջին հերթին՝ Ռուսաստանից: Ադրբեջանը հավասարակշռության է ձգտելու Մոսկվայի և Անկարայի հետ հարաբերություններում: Թուրքիայի միջամտությունը կմեծացնի նրա նշանակությունը ոչ միայն Կովկասում, այլև Կենտրոնական Ասիայի թյուրքալեզու հանրապետություններում տեղի ունեցող գործընթացներում: Տարածաշրջանում արևմտյան երկրների ազդեցությունը որոշակիորեն կնվազի, թեև նոր պայմաններում դրանք չպետք է հաշվարկից հանվեն: 44-օրյա պատերազմի հետևանքները Ռուսաստանի համար այնքան էլ պարզ չեն, որքան թվում է առաջին հայացքից: Ֆորմալ առումով Մոսկվան դարձավ ռազմական գործողությունների դադարեցման և հետևոնֆիլիտային կարգավորման գլխավոր միջնորդը (տրանսպորտային հաղորդակցությունների բացում և տնտեսական կապերի վերականգնում): Միաժամանակ, սակայն լրջորեն տուժել են ռուսական ռազմաքաղաքական շահերը: Այն փաստը, որ «ռուս հաճախորդն ու դաշնակիցը պարզվեց, որ պարտվող է, իսկ թուրք դաշնակիցը համոզիչ հաղթանակ տարավ», կարող է հանգեցնել հետխորհրդային տարածքում ռուսական ազդեցության ընդհանուր անկման: Պատերազմի ելքը հարվածեց Ռուսաստանի իմիջին Հայաստանում, քանի որ հայ հասարակությունն ավելի մեծ աջակցություն էր սպասում Ռուսաստանից: Խաթարվեց ՀԱՊԿ-ի հեղինակությունը, որն իրեն ոչ մի կերպ չդրսևորեց, թեև զինված հակամարտության ընթացքում հարվածներ էին հասցվում, այդ թվում՝ Հայաստանի տարածքին: Ադրբեջանի օրինակը ոգեշնչեց Կիևի «բազեներին»՝ մղելով Դոնբասում նմանատիպ սցենար իրականացնելու գայթակղությանը:

Ռուսաստանի հրթիռային և հրետանային գիտությունների ակադեմիայի (RARAN) տեղեկատվական քաղաքականության գծով նախագահի տեղակալ, ռազմական գիտությունների դոկտոր Կոնստանտին Վալենտինովիչ Միվկով

Ըստ էության Հայաստանի և Լեռնային Ղարաբաղի զինված ուժերի ընդհանուր ներուժը մոտավորապես հինգ անգամ գիջում էր Ադրբեջանի ընդհանուր ռազմական ներուժին: Ադրբեջանցիները ռազմական գործողություններ են սկսել երկու ուղղությամբ՝ հյուսիսարևմտյան և հարավարևելյան: Նման գերազանցությամբ նրանք կարողացան պատերազմի առաջին յոթ օրերի ընթացքում ընդամենը մի քանի կիլոմետր քայլել՝ հսկայական կորուստներով:

Լեռնաշրջայում ելնելով Լեռնային Ղարաբաղի պաշտպանության երկրորդ գծի դեմ՝ նրանք հասկացան, որ չեն կարող այսպես շարունակել առաջխաղացումը: Ուստի մեկ շաբաթ անց՝ նրանք վերախմբավորեցին ուժերը՝ կենտրոնանալով հարավ-արևելյան մեկ ուղղությամբ: Այս ուղղությամբ ադրբեջանցիները կարողացան ուժերի 10-12 անգամ գերազանցություն ստեղծել: Մտածեք այս թվերի մասին՝ ունենալով

այսպիսի գերազանցություն՝ նրանք մեկ ամսվա ընթացքում 30-40 կմ տարածություն են հաղթահարել: Երբ նրանք ճեղքեցին բոլոր պաշտպանական գծերը և մտան օպերատիվ տարածք, շարունակեցին հանդիպել հայերի կատաղի դիմադրությանը: Հայերն ամեն գյուղ, ամեն կիրճ, ամեն արահետ դարձրել էին հենակետ... Նույնիսկ այս ցուցանիշներով պարզ է դառնում, որ ադրբեջանցիները հսկայական կորուստներ են կրել: Ըստ ՌԴ ԳԾ հետախուզության, ադրբեջանական բանակը մինչև 25000 անդառնալի սանիտարական կորուստ է տվել (զոհեր է ունեցել): Ադրբեջանական ռեսուրսները, մասնավորապես զինամթերքի պաշարները, հատկապես հրետանու համար, հիմնականում սպառվել էին:

Իսկ հիմա՝ ռազմավարական-մարտավարական-նրբերանգները: Ադրբեջանը զինված էր մեծ թվով բազմակի հրթիռային համակարգերով և 50-90 կմ հեռահարությամբ հրետանիով: Հայերի դաշտային հրետանին ուներ առավելագույնը 15-20 կմ հեռահարություն: Ադրբեջանցիներն ունեցել են մոտ 50-70 անօդաչու թռչող սարք, որոնք ձեռք են բերել արտասահմանում: Այս անօդաչու թռչող սարքերը հրետանու համար ապահովեցին թիրախային կրակոցներ: Հայերն անօդաչու սարքեր չեն ունեցել: Օգտագործել են համակարգեր, որոնք թույլ են տվել կրակելուց հետո մարտկոցը ցածր ճշգրտությամբ ճանաչել: Այսպես կոչված հրետանային հետախուզական համակարգերով ադրբեջանցիները կարող էին խորը հարվածներ հասցնել, որոնց հայերը չկարողացան պատասխանել: Եթե առաջին օրերին ադրբեջանցիները ցույց էին տալիս, թե ինչպես են աշխատում անօդաչու թռչող սարքերը, ինչպես են ոչնչացնում թիրախները, նկարում էին ջարդված տանկեր, ապա այս ամենը դադարեց, քանի որ այս անօդաչու թռչող սարքերից ոչինչ չմնաց՝ 60-ից 46-ը ոչնչացվեցին: Ադրբեջանցիները բավականաչափ հակաօդային պաշտպանության համակարգեր ունեին անօդաչու թռչող սարքերի դեմ պայքարելու համար, Լեռնային Ղարաբաղն ուներ ընդամենը վեց «Շիլկա» տիպի ավտոմատ ինքնազնաց հրացաններ պաշտպանության ամբողջ գծի համար: Իսկ այս կայանքների կրակելու հեռահարություն հասնում է 2-2,5 կմ: Դրանցից ոչնչացվել է երեքը: Մտածեք այս թվերի մասին՝ ունենալով այսպիսի գերազանցություն՝ նրանք մեկ ամսվա ընթացքում 30-40 կմ ճանապարհ են անցել: Նման գերազանցությամբ ադրբեջանցիները դժվարությամբ գրավեցին Շուշի քաղաքը: Պատկերացնո՞ւմ եք, թե Ստեփանակերտի ուղղությամբ ինչպես կրգկտվեին: Այնքան դիակներ կլինեին, որոնց մասին մտածելը սարսափելի է:

Ադրբեջանցիներն ունեին 100 ժամանակակից S-90 տանկ, իսկ Հայաստանը՝ մեկ: Մնացած S-72 տանկերը առաջին մոդիֆիկացիաներից են, որոնք կարող են պայքարել S-90-ի դեմ միայն շատ բարենպաստ պայմաններում: Տանկերի ընդհանուր քանակը հայերի մոտ 200 էր, իսկ ադրբեջանցիներն ունեին 444 տանկ: Պարզապես համեմատեք այս փաստերը: Միայն մի բան կարող եմ ասել՝ Լեռնային Ղարաբաղի գործերի

հրամանատարական կազմի և՛ օպերատիվ արվեստը, և՛ մարտավարական պատրաստվածությունը ամենաբարձրն էր: Ամենաբարձր քաջությունը: Այն պայմաններում, որում նրանք կռվել են, ուժերի ու միջոցների հրեշավոր գերազանցության պայմաններում, որ ունեին ադրբեջանցիները, հայերը ցույց տվեցին զանգվածային հերոսության հրաշքներ: Այլ կերպ չեմ կարող ասել: Թուրք զինվորականները զինյալներ են ուղարկել Սիրիայում գտնվող Իդլիբի շրջանից, որպեսզի նրանք կարողանան հավասար պայմաններում դիմակայել Լեռնային Ղարաբաղի մարտիկներին: Այս զինյալները մարտական նշանակալի փորձ ունեին, ինչպես նաև մոլեռանդ հավատք ունեին իսլամի նկատմամբ: Առաջին օրերին տեղափոխվեց մոտ 300-400 մարդ, որոնցից 50-ը սպանվեցին առաջին օրը: Մյուսը հսկայական կորուստներ են, և դա արեցին հայկական բանակի զինվորները:

Ռազմավարությունների և տեխնոլոգիաների վերլուծության կենտրոնի փոխտնօրեն Կոնստանտին Մակիենկոն (տաղանդաշատ քաղաքագետը և ռազմական վերլուծաբանը մահացել է 2021-ի մայիսին՝ քրոնսաժահից) նկատում է, որ Արցախյան երկրորդ պատերազմի աշխարհաքաղաքական հետևանքներն աղետալի են ոչ միայն Հայաստանի, այլև Ռուսաստանի համար: Արտաքին քաղաքականության խաբուսիկ հաղթանակի բարան շղարշի հետևում՝ հաջող միջնորդությունը և խաղաղապահների (թե՛ պատանդների) ներմուծումը տարածաշրջան, շատ շուտով կառերեսի դաժան իրականության (հանգուցյալ Մակիենկոն այս տողերը գրել է մինչև ռուս խաղաղապահների դուրսբերումը Արցախից՝ հեղ.) հետ: Եվ դա այն է, որ Մոսկվայի ազդեցությունն Անդրկովկասում կտրուկ նվազել է, իսկ հաջողակ և հավակնոտ Թուրքիայի հեղինակությունը, ընդհակառակը՝ անհավատալիորեն աճել: Ըստ էության, ինչո՞ւ պետք է Բաքուն այժմ շարունակի հավասարակշռված քաղաքականությունը՝ հավասարակշռելու երեք կայսերական ազգերի՝ Ռուսաստանի, Թուրքիայի և Իրանի միջև, որոնք վերջին երեք դարերի ընթացքում այստեղ եղել են հիմնական խաղացողները: Համագային գլխավոր խնդիրը՝ 1994-ին կորցրած տարածքների վերադարձը, լուծված է, ապահովվել է անմիջական շփումը Թուրքիայի հետ, իսկ ռուսների հետ այժմ կարելի է խոսել բոլորովին այլ տոնով: Կենտրոնական Ասիայի թյուրքալեզու հանրապետություններում ազդեցության հավասարակշռությունը նույնպես կտրուկ կփոխվի հոգուտ Անկարայի: Ռուսի դաշնակիցը պարտվողն էր, թուրքի դաշնակիցը համոզիչ հաղթանակ տարավ:

Սա առիթ չէ՝ մտածելու, թե ո՞ր նախագիծն է ավելի հեռանկարային՝ հետխորհրդային ինտեգրացիա՞ն, թե՛ պանթուրքական վերածնունդը: Կասկածից վեր է, որ բուն Ռուսաստանում ակտիվանում են թյուրքական ազգայնական և անջատողական խմբերը: Հզոր ազդակ ստացան նաև ուկրաինացի ռևանշիստները, որոնք, իհարկե, այժմ անփոփոխ կերպով կհարմարեցնեն դարաբաղյան սցենարը՝ 2020 թվականը Դոնբասի իրավիճակին:



Ինչո՞ւ հաղթեց Ադրբեջանը.

Եթե արցալայան երկրորդ պատերազմը դիտարկենք որպես արտաքին քաղաքական և ռազմական գործողություն, ապա կենթադրենք, որ սա 21-րդ դարի ամենագեղեցիկ օպերացիան է, հավանաբար, Ղրիմի հանպատրաստից գործողությունից հետո: Ավելին, նույնիսկ նեղ ռազմատեխնիկական տեսանկյունից մենք ականատես եղանք, եթե ոչ հեղաշրջման, ապա գոնե պրոհեղափոխության: Դրա էությունը անօդաչու թռչող սարքերի և թափառող զինամթերքի (կամիկաձե անօդաչու թռչող սարքերի) բոլորովին նոր դերի մեջ է, ադրբեջանական բանակի տպավորիչ հաջողությունների հիմնական պատճառը անհերքելի գերակայությունն էր օդում: Նորույթը, սակայն, այն է, որ այդ գերիշխանությունը ձեռք է բերվել ոչ թե մարդատար, այլ անօդաչու ինքնաթիռների միջոցով: Ընդհանուր առմամբ, վերջին մեկ տարվա ընթացքում բազմիցս ապացուցվել է, որ անօդաչու թռչող սարքերը կարող են խնդիրներ լուծել նույնիսկ ռազմավարական մակարդակում: Անցյալ սեպտեմբերին հուբիների անօդաչու թռչող սարքի պարզունակ հարձակումը մի քանի ամսով շուկայից դուրս հանեց օրական 5 միլիոն բարել Սաուդյան Արաբիայի նավթի արդյունահանումը (թեև կարճ ժամանակով): Այս (2021-հեղ.) տարվա հունվար և փետրվար ամիսներին թուրքական անօդաչու թռչող սարքերն առանցքային դեր խաղացին Իդլիբում սիրիական բանակի հարձակումը հետ մղելու գործում, այնուհետև օպերատիվ մակարդակի արդյունքներ գրանցեցին Լիբիայում, որտեղ մեկ հաղթանակից մյուսին անցնող ֆեյդմարշալ Խալիֆա Հաֆթարը հետ շարավեց Տրիպոլիից: Բայց այս բոլորը շատ եզակի դեպքեր էին. հակամարտության կողմերից առնվազն մեկը (իսկ Լիբիայի դեպքում երկուսն էլ) ներկայացված էին ենթապետական դերակատարներով, անօդաչուները գործել են գրեթե փորձնական պայմաններում՝ տեղանքի և թշնամու առումով: Այժմ մենք ականատես եղանք անօդաչու թռչող սարքերի օգտագործմանը երկու կանոնավոր բանակների միջև պատերազմում՝ այդ թվում լեռնային և անտառապատ տարածքներում: Հայերն, իհարկե, չունենին հակաօդային պաշտպանության համակարգ, այլ միայն դրա առանձին տարրերը: Այնուամենայնիվ, վերջիններիս

մեջ կային նաև բավականին ժամանակակից մոդելներ, որոնք, սակայն, չէին կարող դիմակայել թշնամու համակարգային ազդեցությանը: Հետևանքը եղավ այն, որ ռազմական գործողությունների երկրորդ շաբաթվա վերջում ադրբեջանցիները վերստեղծեցին 1941 թվականի ամռան իրավիճակը, երբ գերմանական «Մեսսերշմիթները» հետապնդում էին առանձին խորհրդային բեռնատարներ: Կարծես թե ադրբեջանական անօդաչու թռչող սարքերը նույն որսն էին իրականացնում բառացիորեն յուրաքանչյուր զենքի և հայ կործանիչների յուրաքանչյուր խմբի նկատմամբ: Հենց այն պահին, երբ օդում հակառակորդի անօդաչուների ամբողջական գերիշխանությունից առաջացած հուսահատության զգացումը պատեց հայկական ուժերին, ճակատը սկսեց քանդվել: Ադրբեջանցիների կողմից իրականացված անօդաչու գործողությունը հավանաբար դեռ կրկնությունը չէր 1941 թվականի դեկտեմբերի 7-ի Փերլ Հարբորի դեպքերի, բայց հաստատ նման էր 1940 թվականի նոյեմբերի 12-ի Տաբանտոյի գրոհին (1940 թ. նոյեմբերի 12-ին, բրիտանական օդանավը պատկերավոր կերպով հարվածել է Հարավային Իտալիայի Տաբանտոյում գտնվող խալական ռազմածովային բազային, խորտակելով մեկ զծանավ, և լուրջ վնասելով ևս երկուսը – հեղ.):

Գեորգի Գնեդիչ Սանկտ Պետերբուրգի հանքարդյունաբերության համալսարան Կայսրուհի Եկատերինա II

2020 թվականի հոկտեմբերին Հարավային Կովկասում տեղի ունեցած պատերազմի ամենակարևոր հետևանքը Ռուսաստանի ռազմավարական պարտությունն էր, որը չկարողացավ իր դաշնակցին փրկել պարտությունից: Սա մեծապես պայմանավորված է Մոսկվայի խոշոր ռազմավարական սխալ հաշվարկներով, որը նախ թերագնահատեց ադրբեջանական բանակի ռազմական հզորությունը և, երկրորդ՝ հույս ուներ օգտագործել այս պատերազմը՝ թուլացնելու համար Հայաստանի առաջնորդ Նիկոլ Փաշինյանի քաղաքական դիրքերը: Բաբուն չէր կարող չհետազոտել Ռուսաստանի դիրքորոշումը ռազմական գործողությունների մեկնարկից առաջ:

Ամենայն հավանականությամբ, նման զոնդավորումն անցել է տարբեր ուղիներով, դրա բովանդակության մասին ոչինչ հայտնի չէ. բայց մեկ իրադարձություն չի կարող ուշադրություն չգրավել: Սեպտեմբերի 21-23-ը, այսինքն՝ մարտերի մեկնարկից մեկ շաբաթ չանցած, Մոսկվա է այցելել Ադրբեջանի խորհրդարանի նախագահ Սահիրա Գաֆարովան: Նա հանդիպել է Վալենտինա Մատվիենկոյի, Վյաչեսլավ Վոլոդինի և Սերգեյ Լավրովի հետ և «ընդգծել», ինչպես նշվում է ադրբեջանական դեսպանատան կայքում, «ռազմավարական գործընկերության բարձր մակարդակը», ինչպես նաև նախագահներ Ալիևի և Պուտինի կանոնավոր շփումները: Լավրովն իր հերթին հյուրերին «մանրամասն տեղեկացրել է» բանակցային գործընթացի պատմությանը, Մադրիդյան սկզբունքների ստեղծման աշխատանքներին և ևս մեկ

անգամ հայտնել Ռուսաստանի դիրքորոշումը՝ հակամարտությունը բանակցությունների միջոցով լուծելու ցանկությունը: Միաժամանակ ՌԴ ԱԳ նախարարը ոչ մի խոսք չի ասել ռազմական լուծման անընդունելիության մասին: Բնականաբար, Ռուսաստանը կարող է ձգտել քաղաքական լուծման, բայց դա չի խանգարում Բաքվին օգտագործել ոչ խաղաղ միջոցներ: Սակայն պատերազմի նախօրեին ՌԴ ԱԳ-ն հայտարարեց «ռուս-ադրբեջանական հարաբերությունների առաջանցիկ զարգացման մասին»: Կարծես թե Մոսկվան կանաչ լույս է վառել Լեռնային Ղարաբաղում ադրբեջանական գործողության համար: Փաշինյանին դաս տալու համար ադրբեջանական բանակն օգտագործելու Մոսկվայի ծրագիրը ձախողվեց պատերազմի մեկնարկից ընդամենը մի քանի օր անց, երբ պարզ դարձավ, որ Հայաստանը լուրջ պարտություն է կրում և կարող է ամբողջությամբ կորցնել Լեռնային Ղարաբաղը, իսկ Ռուսաստանը դա կանխելու համար չունի ռազմական ուժեր: Ռուսական միջամտությունը ռազմական գործողություններին անմիջապես կիրառելի Թուրքիայի պատասխան միջամտությունը, իսկ Հարավային Կովկասում Ռուսաստանի ռազմական դիրքերը համեմատելի չեն Թուրքիայի դիրքերի հետ: Այսպես, Հայաստանում ռուսական 102-րդ բազան՝ Գյումրիում, մոտ 4000 հոգանոց մոտոհրաձգային բրիգադ է և 18 մարտական ինքնաթիռով ավիացիոն էսկադրիլիա, իսկ թուրքական բանակի 9-րդ կորպուսը, որը տեղակայված է Հայաստանի և Վրաստանի հետ սահմաններին, ներառում է տանկ, վեց մեքենայացված և չորս հետևակային բրիգադ: Եթե Ռուսաստանը միջամտի պատերազմին, ապա Գյումրի-Երևան ուղղությամբ կարող է ստեղծվել թուրքական 40-50 հազարանոց հարվածային ուժ՝ մոտ 370 տանկով: Թուրքիան գալիս է Ռուսաստան, ձևավորվում է ոչ պաշտոնական աշխարհաքաղաքական քառանկյուն Անկարա-Բաքու-Կիև-Թբիլիսի՝ ուղղված Մոսկվայի դեմ: Սա Վլադիմիր Պուտինի քաղաքականության տրամաբանական հետևանքն է, ով չի կարողանում իր ռազմավարական հավակնությունները փոխկապակցել նյութական հնարավորությունների հետ:

Պատմական գիտությունների թեկնածու, Ազգային հետազոտական համալսարանի Տնտեսագիտության բարձրագույն դպրոցի Համապարփակ Եվրոպական և Միջազգային Հետազոտությունների Կենտրոնի ավագ գիտաշխատող Անդրեյ Ֆրոլովը Արցախյան երկրորդ պատերազմը դիտարկում է, որպես ռազմավարական պլանները քողարկելու աննախադեպ միջոցառումների ապոթեոզը, սահմանամերձ շրջաններից ցանկացած տեղեկատվության ու ապատեղեկատվության խիստ գրաքննությունը հույս-օգոստոս ամիսներին, ադրբեջանա-թուրքական համատեղ զորավարությունների ժամանակ: Դրանք հնարավորություն տվեցին առանց ցավի վերախմբավորել զորքերը, «թաքցնել» առանձին ստորաբաժանումներ և ստեղծել սահմանին հարվածային խմբեր: Հավանաբար, վերջնական նախապատրաստական աշ-



խատանքները տեղի են ունեցել բառացիորեն գործողության նախօրեին, ինչը հնարավորություն է ընձեռել նվազագույնի հասցնելու տեղեկատվության հնարավոր արտահոսքերը, ինչպես նաև հայերին մթության մեջ պահել իրական ծրագրերի հարցում: Հասկանալի պատճառներով Հայաստանը չունի տիեզերական և ավիացիոն հետախուզական միջոցներ՝ վերահսկելու համար նման նախապատրաստական աշխատանքները: Անհնար է գերազնահատել հայերի գործակալական հնարավորությունները: Պարադոքսալ է, որ ադրբեջանական զինուժի համար հակահետախուզության ռեժիմի պահպանման խնդիրը մեծապես պարզեցվել է կորոնավիրուսի համաճարակի պատճառով: Գարնանից երկրում բնակչության տեղաշարժը խիստ սահմանափակվել է: Այն նաև նվազեցրեց երթի ժամանակ բջջային հետախուսների տեսախցիկներով զինված հետաքրքրասեր քաղաքացիների և ռազմական տեխնիկայի շարապյունների անցանկալի հանդիպումների հնարավորությունը: Պատերազմը ցույց տվեց երկարաժամկետ պլանավորման, նյութատեխնիկական ապահովման և զենքի կուտակման կարևորությունը, քանի որ երկու կողմից էլ զինամթերքի սպառումն ակնհայտորեն շատ մեծ էր:

Անհնար է չգնահատել ադրբեջանական պաշտոնական, քաղաքացիական բեռնափոխադրումների «Silk Way Airlines» ավիաընկերության ռազմավարական նշանակությունը, որի ծանր տրանսպորտային Boeing 747 և IL-76TD/MD ինքնաթիռների պարկը ռազմավարական փոխադրումներ է իրականացրել Իսրայելից, Թուրքիայից և Վրաստանից առաջինից մինչև վերջին օրը: Ըստ ամենայնի, ադրբեջանական կողմը զինամթերքի պակաս չի զգացել: Օդային տրանսպորտի ոլորտում Հայաստանի հնարավորությունները շատ ավելի սահմանափակ էին, սակայն նույնիսկ այս դեպքում հիմնական բեռն ընկավ չարտերային ընկերությունների ֆորմալ քաղաքացիական ինքնաթիռներ լրա (օրինակ՝ «Atlantis European Airways» և «Klas Jet»):

Կարելի է ենթադրել, որ նրանք տեղափոխել են հիմնականում համեմատաբար մեծ չափերի բեռներ (բացառությամբ Իլ-76-ի) և զինամթերք: Ուշադրություն է գրավել նաև Ադրբեջանի կողմից անօդաչու թռչող



սարքերի օգտագործումը: Նրանք սկսեցին խոսել ռազմական գործերում գրեթե հեղափոխության մասին, որը սկսվեց հենց Արցախից: Իրոք, Ադրբեջանը շատ ակտիվորեն կիրառում էր հարձակողական և հետախուզական անօդաչու թռչող սարքեր և թուրքական ու իսրայելական արտադրության թափառող զինամթերք, որոնց կիրառման հետևանքն էր հայկական զորքերի ոչնչացված ծանր տեխնիկայի զգալի մասը: Այնուամենայնիվ, այս հաջողությունը չպետք է չափազանցնել: Ադրբեջանական զինտեխնիկայի ժամանակակից համակարգերին հակադրվում էին խորհրդային արտադրության հնացած հակաօդային պաշտպանության համակարգերը, որոնք ստեղծվել էին բոլորովին այլ թիրախներ ոչնչացնելու համար, էլ չասած այն փաստի մասին, որ Հայաստանի կողմից Հորդանանում գնվել էին Օսա-ԱԿ հակաօդային պաշտպանության բավականին շատ համակարգեր, որոնց տեխնիկան վիճակը բավարար չէր: Ռազմական հնարքը՝ անօդաչու Ան-2 ինքնաթիռը որպես խաբեք, արեց իրավիճակը բացելով հայկական հակաօդային պաշտպանության համակարգը, սակայն դա հիմնովին չփոխեց իրավիճակը, և միայն արագացրեց ճանաչված ՀՕՊ համակարգերի ոչնչացումը անօդաչու թռչող սարքերի զանգվածային հարվածների միջոցով: Հայերը չունեին հակաօդային պաշտպանության ժամանակակից շերտավոր համակարգ, չէին օգտագործում օդաչուական ինքնաթիռներ, չէին գրոհում ադրբեջանցիների կառավարման կետերի ու օդանավակայանների վրա, որտեղ տեղակայված էր ադրբեջանական ավիացիան: Նման պայմաններում հակաօդային պաշտպանության համակարգերի ոչնչացումն ընդամենը ժամանակի հարց էր: Իհարկե, ուշագրավ փաստ է ցամաքային թիրախները ոչնչացնելու համար կառավարվող ինքնաթիռների օգտագործումից կողմերի հրաժարումը, բացառությամբ ոչ այնքան հստակ դրվագի, որի ժամանակ հայկական օդուժը կորցրեց Սու-25 գրոհային ինքնաթիռ՝ առանց թշնամու ներգործության: Ընդ որում, այս մերժումը տեղի է ունեցել բավականին լուրջ ավիացիոն խմբավորումների համատեքստում, որոնք ուներ Ադրբեջանը, իսկ ավելի քիչ՝ Հայաստանը: Պատերազմը ևս մեկ անգամ ցույց տվեց անօդաչու թռչող սարքերի համատարած օգտագործման, կամ կողմերից մեկի օդային գերակայության պայմաններում որակյալ ինժեներական

ամրությունների և քողարկման կարևորությունը: Ըստ երևույթին, 21-րդ դարում հակամարտության ավելի թույլ կողմը կարող է հենվել տանկերի և հրետանու ստորգետնյա ապաստարանների և կապոնիքների (տանկի թաքստոց) ցանցի վրա, ինչը կարող է նվազագույնի հասցնել կորուստները թեթև անօդաչու թռչող սարքերից, որոնց զինամթերքը չունի անհրաժեշտ հզորություն: Սա պահանջում է շինանյութերի, մարդկային և ժամանակային ռեսուրսների զգալի օգտագործում, սակայն, ինչպես ցույց է տալիս Մերձավոր Արևելքում և Աֆղանստանում ոչ կանոնավոր զինյալ ուժերի փորձը, դա անհաղթահարելի խնդիր չէ: Միևնույն ժամանակ, հյուսիսում հայերի զարգացած ամրությունները թույլ չտվեցին ադրբեջանական բանակին առաջ խաղալ այս ուղղությամբ, թեև իրականում այդ ամրությունների գրոհ կամ բեկում չի եղել: Այս հակամարտության ընթացքում ակնհայտ դարձավ հրթիռային համակարգերի հարաբերական անարդյունավետությունը: Չնայած նման կարճատև և սահմանափակ հակամարտության չափանիշներով բավականին զանգվածային հարձակումներին, հրթիռակիրները չուժեցին ոչ օպերատիվ խնդիրները, ոչ էլ խաղաղ բնակիչներին վախեցնելու խնդիրը: Թեև եղել են ռազմական թիրախների հաջող ոչնչացման առանձին դեպքեր, սակայն դրանք չեն ազդել հակամարտության ընդհանուր ֆոնի վրա: Որոշակի եզրակացություններ կարելի է անել ռազմական տեխնիկայի մշակման հետ կապված: Եվս մեկ անգամ հարց ծագեց համեմատաբար էժան հակաօդային պաշտպանության համակարգի անհրաժեշտության մասին էժան և առատ զինամթերքով՝ անօդաչու թռչող սարքերի «ոհմակը» ջախջախելու համար, որն ինքնին կլիներ նրանց հիմնական թիրախը: Նման համակարգի զինամթերքի ծանրաբեռնվածությունը պետք է ներառի առնվազն 30 հրթիռ, առնվազն մեկ զույգ հակաօդային զենք: Նրան անհրաժեշտ է էլեկտրոնային պատերազմի սեփական համակարգ, ինչպես նաև անձնակազմի կորուստները նվազեցնելու համար ինքնավար ռեժիմով աշխատելու հնարավորություն: Համակարգը պետք է լինի մոդուլային, որը կարող է տեղադրվել կամ անիվավոր, կամ հետագծով շասսիի վրա: Անձնակազմի կորուստները նվազեցնելու զարմանալիորեն արդյունավետ միջոց կարող է լինել առաջնագծում գտնվող բոլոր մեքենաները զրահապատ խցիկներով հագեցնելը, քանի որ դա թույլ է տալիս նվազեցնել կորուստները նույնիսկ ուղիղ հարվածի դեպքում: Օպտիմալ է այս նույն մեքենաները հագեցնել լազերային ճառագայթման մասին նախագգուշացման և դրան հակազդելու համակարգով, ինչը զգալիորեն կնվազեցնի լազերային կառավարվող ինքնաթիռների զենքի արդյունավետությունը: Նույնը վերաբերում է տանկերին և հրետանուն: Հայաստանը սպասում էր պատերազմի, բայց իրականում պատրաստվում էր բոլորովին այլ հակամարտության, և իր քաղաքական քայլերով իրականում միայն մոտեցրեց դա: Անսպասելի գործողությունների համակարգվածության բացակայությունն էր: Չնայած Արցախի պաշտպա-

նության բանակի և բուն հայկական բանակի ֆորմալ տարանջատմանը, հասկացողություն կար, որ սա մեկ ռազմական օրգանիզմ է: Բայց հետևանքն այն էր, որ դարաբաղյան ճակատը գրեթե չզգաց Երևանի վերջին տարիների ռազմական ջանքերի արդյունքները՝ ժամանակակից զինտեխնիկայի գնման տեսքով: Ամեն ինչ սահմանափակվում էր սերբական թեթև զենքով և զինամթերքով, ինչպես նաև շարժիչներով, անհատական հակաօդային պաշտպանության համակարգերով և դյուրակիր հակաօդային հրթիռային համակարգերով: Միննույն ժամանակ, հակառակ կողմում եղել է նպատակային ռազմական շինարարություն՝ ենթակա մեկ կոնկրետ առաջադրանքի և գործողության:

Ռազմական վերլուծաբան Եվգենի Կրուտիկովը կատարել է հայկական կողմի թույլ տված թերությունների և բացթողումների լուրջ վերլուծություն: Եթե նայեք տարածաշրջանի քարտեզին, ապա Կարկառ գետի (Կուրի աջ վտակը-հեղ.) երկայնքով կենտրոնական գոտին նման էր Ադրբեջանի կողմից հնարավոր հարձակման հիմնական ուղղությանը: Հարձակումը կընթանար ուղղակի Ադդամով Խոջալու, այնտեղից՝ Ստեփանակերտ: Հենց այս տարածքում էլ քառորդ դար կազմակերպվեց հայության պաշտպանության հիմնական գիծը: Բայց հենց կենտրոնական հատվածում ադրբեջանցիները նույնիսկ չփորձեցին գոնե հարձակման իմիտացիա անել: Այնտեղ նույնպես համախմբված հարձակողական կորպուս չի կազմավորվել: Ճակատի այս հատվածում ինտենսիվ հրետանային մենամարտ էր, բայց ոչ ավելին: Բայց հայկական կողմը կենտրոնական տարածքում անընդհատ մեծ ուժեր է պահել: Հայաստանի պաշտպանության նախարարությունը չի կարողացել հաշվարկել կամ գոնե նախապես հայտնաբերել ադրբեջանական ուժերի կենտրոնացվածությունը հարավային թևում: Ըստ այդմ, Հայաստանի զինված ուժերի գլխավոր շտաբը ռազմավարական սխալ հաշվարկ է կատարել՝ որոշելով Ադրբեջանի ԶՈՒ հարձակման հիմնական ուղղությունը: Ստեփանակերտը և Երևանը շարունակում էին գլխավորը և ամենավտանգավորը համարել ռազմաճակատի Ադդամի շրջանի կենտրոնական հատվածը, նույնիսկ այն ժամանակ, երբ ադրբեջանական ստորաբաժանումները մեծ առաջխաղացումներ կատարեցին հարավում: Ակնհայտ է, որ այս ամբողջ ընթացքում Բաքուն հակառակորդին ապատեղեկացնելու միջոցներ էր ձեռնարկում, և դա արեց արդյունավետ:

Ադրբեջանական բանակի ընդհանուր ներուժը տափաստանային գոտում հաջող առաջխաղացումից հետո, չնայած որոշակի կորուստներին, պահպանվել է: Բաքուն հաշվարկել էր, որ հայկական ռեզերվները սպառվել են, իսկ մոբիլիզացիայի ծրագիրը խափանվել է: Միաժամանակ խելամոռներն օգտագործվեց հրետանու ռետուրսը, որը շատ հաջողությամբ ոչնչացրեց թշնամու պահեստները, ինչը հանգեցրեց հայկական կողմի ռետուրսների կրճատմանը և վճռական ազդեցություն ունեցավ հայության պաշտպանական ներուժի վրա:



Տպավորություն է ստեղծվում, որ Հայաստանի գլխավոր շտաբը կամ ընդհանրապես գորահավաքային ծրագիր չի ունեցել, կամ հաշվի չի առել առկա իրողությունները, թեև ռազմական գործողությունների բռնկման ժամանակ 18-ից 55 տարեկան հայ տղամարդկանց արգելվել է լքել երկիրը: Հայկական զինված ուժերի ստորաբաժանումները Լեռնային Ղարաբաղում զինամթերքի, վառելիքի, սննդամթերքի և դեղորայքի սուր պակաս են զգացել: Հայկական զորքերը հիմնականում պասիվ են գործել՝ պարզապես իրավիճակային պայքարելով ի հայտ եկած սպառնալիքների դեմ: Ադրբեջանական կողմն իր ձեռքում ուներ լիակատար օպերատիվ նախաձեռնություն և ուժերը վերաբաշխեց առաջնագծի ողջ երկայնքով, ձևավորեց նոր խմբեր և համալրեց ռեզերվները: Հայերը, կորցնելով հարավային «անվտանգության գոտու» մեծ մասը, չեն էլ մտածել որևէ հակահարձակողական գործողության մասին:

«ԼՂՀ-ում մոբիլիզացիայի միջոցով բանակի համալրումը կազմել է 78 տոկոս, իսկ Հայաստանում՝ 52 տոկոս, թեև ընդհանուր մոբիլիզացիա էր պահանջվում իրականացնել պատերազմից 48 ժամ անց: Բացի այդ, ռազմական գործողությունների երրորդ օրը Փաշինյանը հրամայեց դադարեցնել զորամասերի համալրումը պահեստագորայիններով, հրամայեց հավաքագրել չպատրաստված կամավորների:

Երբ Երևանի համար պարզ դարձավ, որ պատերազմն իրականում պարտված է, Հայաստանի տարածքից մի քանի գիշերային հրթիռային հարձակումներ իրականացվեցին առաջնագծից հեռու գտնվող ադրբեջանական քաղաքների վրա: Մասնավորապես, Գյանջան (ադրբեջանական երկրորդ խոշոր քաղաքը) և Մինգչաուրը ենթարկվել են հրթիռային հարձակումների՝ օգտագործելով «Տոչկա-Ու» և «Էլբրուս» օպերատիվ-մարտավարական հրթիռային համակարգերը՝ նպատակ ունենալով սադրել Ադրբեջանին նման ռազմական պատասխանի, այնուհետև դիմել Ռուսաստանին օգնության համար և ՀԱՊԿ-ին որպես «ագրեսիայի գոհ»: Այս մարտավարությունը, սակայն Հայաստանին հաջողություն չբերեց. Բաքուն հայտարարեց, որ իրենք թշնամու դեմ կովելու են միայն մարտի դաշտում և չեն հարձակվելու հայկական քաղաքների վրա: ՀՀ ՊՆ, գեներալ-գնդապետ Մովսես Հակոբյանը (մինչև 2018 թ. ՀՀ ԶՈՒ գլխավոր շտաբի

պետ), ով վարչապետ Փաշինյանին մեղադրել է դա-
րաբաղյան պատերազմին անպատրաստ լինելու, մո-
բիլիզացիայի և ռազմական գնումների հարցում ստի
և կոպիտ սխալների, ռազմավարության և մարտա-
վարության բացակայության մեջ, խոսեց նաև դա-
սալքության և ակտիվ զորակոչի բացակայության հետ
կապված խնդիրների մասին:

Ըստ Հակոբյանի՝ «պատերազմի հինգերորդ օրը
մենք արդեն ունենք 1500 դասալիք: Նրանց հետ չեն
ուղարկել Երևան, որպեսզի խուճապ չառաջացնեն»:
Ռուսաստանի Դաշնությունից Հայաստանի կողմից
գնված բազմաանպատակային Սու-30Մ կործանիչնե-
րը չէին կարող օգտագործվել մարտական գործո-
ղություններում, քանի որ դրանց համար հրթիռային
զենք չի գնվել:

Մովսես Հակոբյանը հայտարարեց, որ պատերազմի
ողջ ընթացքում ՀՀ ԶՈւ տեղեկատվական կենտրոնի
հաղորդագրությունները կեղծ տեղեկություններ են
հաղորդել ռազմական գործողությունների ընթացքի
մասին և խորը ճգնաժամ են առաջացրել հայ հասա-
րակության մեջ: «Սուտը չպետք է գերազանցի իրակա-
նության 30 տոկոսը, բայց մեր սուտը գերազանցեց 100
տոկոսը», - ասաց գեներալը: 2019 թվականին՝ Նիկոլ
Փաշինյանի իշխանության գալուց հետո, Հայաստանը
Ռուսաստանից գնեց չորս Սու-30Մ 4+ սերնդի կործա-
նիչ: Մինչ այս երկիրն արդեն ուներ առնվազն 15 Սու-
25 գրոհային ինքնաթիռ՝ տարբեր մոդիֆիկացիանե-
րով, ուղղաթիռներից՝ առնվազն յոթ Մի-24 գրոհային
ինքնաթիռ և տասը բազմաֆունկցիոնալ Մի-8 և այլն:
Հայաստանն ուներ նաև սեփական «Կոունկ» հետա-
խուզական անօդաչու թռչող սարքեր: Ադրբեջանն
ուներ առնվազն 37 կործանիչ և գրոհային ինքնաթիռ՝
16 տարբեր մոդիֆիկացիաների Միգ-29, ինչպես նաև
19 Սու-25 և մի քանի Սու-24 մարտավարական ուժա-
կոծիչներ, 26 Մի-24 հարվածային ուղղաթիռ և ավելի
քան 20 բազմաֆունկցիոնալ Մի-8: Բացի այդ, երկիրը
2019 թվականին ունեցել է առնվազն 16 իսրայելական
արտադրության հետախուզական անօդաչու թռչող
սարք՝ Herons, Aerostar և Hermes: 2020 թվականի
ամռանը տեղեկություններ հայտնվեցին «տասնյակ»
թուրքական Bayraktar TB2 հարվածային անօդաչու
թռչող սարքեր գնելու Ադրբեջանի պլանների մասին:
Վերջիններս ի վերջո ակտիվորեն օգտագործվեցին
2020 թվականին: ՀՕՊ-ից Հայաստանն ուներ մի
քանի U-300 զենիթահրթիռային համալիրների (ԶՀՀ)
անձնակազմ: Ծառայության մեջ գտնվող այլ զինա-
տեսակներից էին «Կոուդ», «U-75» «Դվինա», «Բուկ»,
«Կուր», U-125 «Պեչորա», «Օսա» հին հակաօդային
պաշտպանության ավելի կարճ հեռահարության հա-
մակարգերը և այլն:

Բացի այդ, բանակը գինված էր Igla և Verba դյուրա-
կիր հակաօդային հրթիռային համակարգերով: Լեռ-
նային Ղարաբաղը նույնպես ուներ իր հակաօդային
պաշտպանության ուժերը՝ գրեթե նույն տիպի: Սակայն
մասնագետները նշում են, որ այդ սարքավորումների
մի մասը կարող է լինել հայկական:

Եզրակացություն. Արցախյան երկրորդ պատե-
րազմը դարձավ առաջին լիարժեք պատերազմը կո-
րոնավիրուսի դարաշրջանում, ինչպես նաև երկար
տարիների ընթացքում առաջին հակամարտությունը,
որտեղ բախվեցին մոտավորապես հավասար
մրցակիցներ: Այն ունեցավ մի շարք յուրահատուկ
առանձնահատկություններ, որոնք արժանի են առա-
վել ուշադիր ուսումնասիրության և ըմբռնման: Կարև-
որ է, որ ռազմական տեխնիկայի և դրա կիրառման
մեթոդների հետ կապված նորարարությունները չեն
կիրառվել առանձին-առանձին, ինչպես նախորդ հա-
կամարտությունների ժամանակ, այլ մեկ տեղում և
մեկ ժամանակ: Սա նման է «iPhone-ի էֆեկտին», որի
ստեղծողները ստեղծագործաբար կիրառել են գո-
յություն ունեցող անհատական զարգացումները և
դրանք սինթեզել նոր արտադրանքի մեջ: Չի կարելի
բացառել, որ աշնանային կովկասյան պատերազմի
որոշ մարտավարական և օպերատիվ լուծումների դա-
սերն առաջիկա տարիներին կդառնան բոլոր հակա-
մարտությունների անբաժանելի մասը:

Միջազգային համատեքստում ռուս վերլուծաբան-
ները, գնահատելով Հարավային Կովկասում ուժե-
րի աշխարհաքաղաքական հավասարակշռության
փոփոխության հեռանկարները, կարծում են, որ
խիստ կմեծանա Հայաստանի խոցելիությունը և
կախվածությունը արտաքին խաղացողներից, առա-
ջին հերթին՝ Ռուսաստանից: Ադրբեջանը հավասա-
րակշռության է ձգտելու Մոսկվայի և Անկարայի հետ
հարաբերություններում: Թուրքիայի միջամտությունը
կմեծացնի նրա նշանակությունը ոչ միայն Կովկասի,
այլև Կենտրոնական Ասիայի թյուրքալեզու հանրապե-
տությունների գործընթացներում: Արցախյան երկ-
րորդ պատերազմի աշխարհաքաղաքական հետևանք-
ներն աղետալի են ոչ միայն Հայաստանի, այլև Ռու-
սաստանի համար: Արտաքին քաղաքականության
խաբուսիկ հաղթանակի բարակ շղարշի հետևում
հաջող միջնորդությունը և խաղաղապահների (թե՛
պատանդների) ներմուծումը տարածաշրջան, շատ
շուտով կառնրեմի դաժան իրականության հետ: Եվ
դա այն է, որ Մոսկվայի ազդեցությունն Անդրկովկա-
սում կտրուկ նվազել է, իսկ հաջողակ և ինքնահավան
Թուրքիայի հեղինակությունը, ընդհակառակը, անհա-
վատալիորեն աճել է: Ըստ էության, ինչու՞ պետք է Բա-
քուն այժմ շարունակի հավասարակշռված քաղաքա-
կանությունը՝ հավասարակշռելու երեք կայսերական
ազգերի՝ Ռուսաստանի, Թուրքիայի և Իրանի միջև,
որոնք վերջին երեք դարերի ընթացքում այստեղ եղել
են հիմնական խաղացողները: Համազգային գլխա-
վոր խնդիրը՝ 1994-ին կորցրած տարածքների վերա-
դարձը, լուծված է, ապահովվել է անմիջական շփումը
Թուրքիայի հետ, իսկ ռուսների հետ այժմ կարելի է
խոսել բոլորովին այլ տոնով: Կենտրոնական Ասիայի
թյուրքալեզու հանրապետություններում ազդեցության
հավասարակշռությունը նույնպես կտրուկ կփոխվի
հոգուտ Անկարայի: Ռուսի դաշնակիցը պարտվողն էր,
թուրքի դաշնակիցը համոզիչ հաղթանակ տարավ: ■

Ինչ են իրենցից ներկայացնում ամերիկյան փոքր մոդուլային ատոմային ռեակտորները

Ամերիկյան հետազոտությունների հայկական կենտրոն

Վերջին շրջանում Հայաստանում քննարկումների առարկա են դարձել Հայաստանի ատոմակայանի, դրա ապագայի և անվտանգության խնդիրներին վերաբերող հարցերը: Ատոմակայանի վերաբերյալ քննարկումները դիտարկվում են նաև այն արտաքին ճնշման համատեքստում, որը կիրառվում է Հայաստանի նկատմամբ, մասնավորապես՝ Թուրքիայի և Ադրբեջանի կողմից: Միաժամանակ, Հայաստանի իշխանություններն ամերիկացի գործընկերների հետ քննարկում են ամերիկյան մոդուլային ատոմակայանի կառուցման հեռանկարը: Ընդունված է կարծել, որ ամերիկյան մոդուլային ատոմային կայաններն առավել արդյունավետ են, էժան, անվտանգ և նվազ ազդեցություն են ունենում շրջակա միջավայրի վրա: Սույն հոդվածը նպատակ չի հետապնդում համեմատել ատոմակայանների տեսակները, քանի որ դա նեղ մասնագիտացում է պահանջում: Փոխարենը կփորձենք ներկայացնել ամերիկյան մասնագիտական շրջանակների մոտեցումներն ամերիկյան մոդուլային ատոմակայանների վերաբերյալ՝ պարզելու համար դրանց որակական և անվտանգային հատկանիշները:

ԱՄՆ վարչակազմի դիրքորոշումը փոքր մոդուլային միջուկային ռեակտորների հարցում

Հայաստանում փոքր մոդուլային միջուկային ռեակտորների հարցը մեծապես բարձրաձայնվել է ԱՄՆ նախկին նախագահ Զո Բայդենի վարչակազմի կողմից: Դա պայմանավորված էր նրանով, որ ԱՄՆ նախկին վարչակազմի քաղաքական կարևոր առաջնահերթությունների թվում էր ածխածնի արտանետումներ չպարունակող էլեկտրաէներգիայի սեկտորի ձևավորումը մինչև 2035 թվականը: Այս նպատակին հասնելու համար ԱՄՆ իշխանությունները դիտարկում էին միջուկային էներգիան, որը 2023 թ. կազմել է ԱՄՆ-ում արտադրված էներգիայի 19%-ը: Այդուհանդերձ, նոր ռեակտորների կառուցումը բավական ծախսատար և երկար գործընթաց է, ինչի պատճառով ԱՄՆ-ը փնտրում է այլընտրանքներ: Նման մի տարբերակ, որն ակտիվորեն աջակցություն էր ստանում և խթանվում ԱՄՆ նախկին իշխանությունների կողմից, այսպես կոչված, փոքր մոդուլային միջուկային ռեակտորներն էին (ՓՄՄՌ): Այժմ ողջ աշխարհում ՓՄՄՌ-ներ հաջողությամբ կառուցել են միայն Չինաստանը և Ռուսաստանը: Հաշվի առնելով նաև այս հանգամանքը, որ գործող ՓՄՄՌ-ները ԱՄՆ աշխարհաքաղաքական երկու հիմնական մրցակից երկրներում են, ԱՄՆ-ի համար առավել կարևոր էր դառնում կառուցել իր առաջին ՓՄՄՌ-ը, չնայած ըստ մասնագետների՝ ՓՄՄՌ-ները չեն հասնի իրենց կոմերցիոն փուլին մինչև 2030 թվականը:



Հաշվի առնելով հարցի առաջնահերթությունը Բայդենի վարչակազմի համար՝ ԱՄՆ-ում ՓՄՄՌ-ների գաղափարը լայնորեն խթանվում էր, մասնավորապես, ԱՄՆ էներգետիկայի դեպարտամենտի կողմից: Նախ, անդրադառնալով Բայդենի վարչակազմի օրոք ԱՄՆ էներգետիկայի դեպարտամենտի միջուկային էներգիայի գրասենյակի կողմից ՓՄՄՌ-ների նկատմամբ պաշտոնական դիրքորոշմանը:

ՓՄՄՌ-ները դեպարտամենտի քաղաքական ծրագրի կարևոր բաղկացուցիչն էին՝ ձևավորելու համար ապահով, մաքուր և հասանելի միջուկային էներգիա: ԱՄՆ-ում այժմ ձևավորման փուլում են գտնվում տարբեր չափերի և կարողությունների ՓՄՄՌ-ներ: Ընդհանրապես, ՓՄՄՌ-ները կարող են լինել մի քանի տասնյակից մինչև 300 մեգավատտ հզորությամբ:

ՓՄՄՌ-ների պարագայում, որպես դանդաղարար կարող են կիրառվել ինչպես թեթև ջուրը, այնպես էլ գազը և հեղուկ մետաղը: Ըստ դեպարտամենտի, ՓՄՄՌ-ներն օժտված են մի շարք առավելություններով՝ չափերով ավելի փոքր են և կարող են զբաղեցնել այնպիսի փոքր տարածք, ինչպիսիք հնարավոր չեն խոշոր ատոմակայանների պարագայում, ինչպես նաև պահանջում են ավելի քիչ ներդրումներ: Բացի այդ, ունեն ավելի մեծ առավելություններ անվտանգային առումով: Այդ իսկ պատճառով դեպարտամենտը զգալի աջակցություն է տրամադրել ձևավորման փուլում գտնվող ՓՄՄՌ-ներին, որոնք գտնվում են լիցենզավորման դիտարկման փուլում Միջուկային կարգավորող հանձնաժողովի կողմից, և հավանաբար հնարավոր կլինի գործարկել 2020-ականների վերջից մինչև 2030-ականների սկիզբն ընկած ժամանակահատվածում:



Ինչ վերաբերվում է ԱՄՆ 47-րդ նախագահ Դոնալդ Զ. Թրամփի էներգետիկ քաղաքականությանը, ապա, պետք է շեշտել, որ վերջինիս հունվարի 20-ի երդմանակալության ելույթը զգալիորեն կենտրոնացած էր էներգետիկ քաղաքականության վրա, ու ելույթի ժամանակ նա խոստացավ էներգետիկ արտակարգ դրություն հայտարարել երկրում, ինչը և իրականացրեց իր առաջին օրն ընդունած նախագահական հրամանագրերի շարքում³։ Միացյալ Նահանգները «վերստին էներգետիկ գերտերություն» դարձնելը Թրամփի չորս առաջնահերթություններից երկրորդն է։ Նախագահ Թրամփի էներգետիկ քաղաքականությունը երկու հիմնական նպատակ է հետապնդում՝ նվազեցնել էներգիայի գները՝ «ռեկորդային գնաճը հաղթահարելու և ծախսերն ու գներն արագորեն նվազեցնելու համար» և վերստին խթանել ամերիկյան արտադրությունը։ Իր փետրվարի 14-ի հրամանագրով Դոնալդ Թրամփը ստեղծեց «էներգետիկ գերակայության ազգային խորհուրդը»⁴։ Խորհրդին նախագահի կողմից հանձնարարված է 100 օրվա ընթացքում իրեն ներկայացնել առաջարկներ՝ այդ թվում ՓՄՄՌ-ների գործարկման հնարավորությունների վերաբերյալ։ Այսինքն, Դոնալդ Թրամփը այս փուլում առնվազն հետաքրքրված է ՓՄՄՌ-ների արդյունավետությամբ, դրանց հնարավոր զարգացմամբ և արտադրությամբ։

Շատերի կողմից ակնկալվում է, որ ՓՄՄՌ-ները կունենան ավելի պարզ դիզայն, կառուցման կարճ ժամկետներ և տեղակայման ծախսերի կրճատում։ Շատերը կարող են նաև անվտանգ լինել խափանումների պարագայում։ Բացի այդ, մեծ մասը նախատեսված է հողի մակարդակից ցածր տեղադրելու համար՝ որպեսզի ավելի ապահով լինեն ահաբեկչական սպառնալիքներից։ Ամերիկյան միջուկային ընկերության կողմից հրավիրված հատուկ հանձնա-

ժողովի կազմած՝ 2010 թվականի զեկույցում նշվում էր, որ անվտանգության շատ մեխանիզմներ, որոնք անհրաժեշտ են մեծ ռեակտորների պարագայում, անհրաժեշտ չեն առաջիկայում ստեղծվելիք փոքր ռեակտորների նախագծերում⁵։

ԱՄՆ փորձագետների դիրքորոշումը ՓՄՄՌ-ների հարցում

Քանի որ էներգետիկ ոլորտը զարգանում է, մաքուր և ավելի էժան, էներգետիկ լուծումների անհրաժեշտությունն ու պահանջը գնալով աճում է։ Դա է պատճառը, որ ներկայումս ՓՄՄՌ-ները դարձել են լայն քննարկման առարկա։ ՓՄՄՌ-ների կողմնակիցները պնդում են, որ միջուկային էներգետիկայի ոլորտում դրանք հեղափոխական դեր կարող են խաղալ՝ դառնալով ավելի անվտանգ այլընտրանք ավանդական ռեակտորներին։ Այնուամենայնիվ, որոշ փորձագետների կողմից առավել խոր հետազոտությունը լիովին այլ պատկեր է ներկայացնում՝ լի տնտեսական, անվտանգային և գործնական մարտահրավերներով։

Տնտեսական մարտահրավերներ

ՓՄՄՌ-ների դեմ առաջնային փաստարկներից մեկը կապված է դրանց ծախսարդյունավետության հետ։ Հետազոտությունները ցույց են տալիս, որ ավելի մեծ ռեակտորները, ընդհանուր առմամբ, նվազ ծախսատար են էլեկտրաէներգիա արտադրելու ժամանակ, քան դրանց փոքր այլընտրանքները։ Օրինակ՝ ներկայումս արդեն չգործող «NuScale» նախագիծը, ըստ որի՝ նախատեսվում էր Այդահո նահանգում կառուցել 460 մեգավատտ հզորությամբ վեց միավոր ՓՄՄՌ, գնահատվում էր ավելի քան 20,000 ԱՄՆ դոլար մեկ կիլովատտի համար։ Այս ցուցանիշը զգալիորեն գերազանցում է «Vogtle» խոշոր ռեակտորի նախագծին, որը կազմում է մոտավորապես 15,000 ԱՄՆ դոլար մեկ կիլովատտի համար՝

շատ ավելի էժան, քան փոքր ռեակտորի այդ նախագծի պարագայում:

Ենթադրվում է նաև, որ էլեկտրաէներգիայի ավելի քիչ ծավալների արտադրությունը կրերի ավելի քիչ եկամուտ, իսկ շինարարության ծախսերը շատ ավելի թանկ կարծենան⁶: Ոչ շահավետ լինելու պատճառով ՓՄՄՌ-ները փակվում են նախքան դրանք գործարկվելը և չեն կարող մտնել կոմերցիոն փուլ: Պատահական չէ, որ ամբողջ աշխարհում կառուցման փուլում գտնվող մոտ 80 նախաձեռնություններից գրեթե բոլորը դեռ նախագծման փուլում են գտնվում⁷:

Անվտանգային մարտահրավերներ

Անվտանգության հարցը միջուկային ռեակտորի նախագծման հիմնաքարն է, և ՓՄՄՌ-ները հաճախ ներկայացվում են որպես ավելի անվտանգ և ապահով այլընտրանք խոշոր ռեակտորներին: Այնուամենայնիվ, այս պասիվ անվտանգային հատկանիշները կարող են չգործել այնպես, ինչպես ակնկալվում է այնպիսի աղետների ժամանակ, ինչպիսիք են խոշոր երկրաշարժերը, ջրհեղեղները կամ անտառային հրդեհները: Թեև ՓՄՄՌ-ների նախագծերն առաջ մղելու նպատակն է բարձրացնել անվտանգության մակարդակը, իրական կյանքում պասիվ անվտանգության համակարգերի արդյունավետությունը մնում է անորոշ: Ի լրումն անվտանգության հնարավոր մտահոգությունների՝ ՓՄՄՌ-ներն առավել անվտանգ չեն ավանդական մեծ ռեակտորների համեմատ: Դրանց փոքր չափը չի նշանակում բնական կամ մարդածին աղետների դեմ ուժեղացված դիմադրողականություն, ինչը նրանց խոցելի է դարձնում նույն մարտահրավերների նկատմամբ, որոնք ազդում են ավելի մեծ օբյեկտների վրա:

Ռադիոակտիվ թափոնների հետ կապված մարտահրավերներ

ՓՄՄՌ-ների օգտին տարածված մյուս փաստարկը ռադիոակտիվ թափոնների նվազեցումն է: Այնուամենայնիվ, ուսումնասիրությունները ցույց են տալիս, որ ՓՄՄՌ-ները կարող են մեծացնել միջուկային թափոնների ծավալը՝ համեմատած ավելի մեծ ռեակտորների հետ: ՓՄՄՌ-ներն արտադրում են նույն քանակությամբ ռադիոակտիվ իզոտոպներ՝ գեներացված ջերմության մեկ միավորի համար, ինչպես իրենց ավելի մեծ տարբերակները, և որոշ նախագծեր նույնիսկ կարող են վատթարացնել թափոնների կառավարման մարտահրավերները⁸:

ԱՄՆ մեկ այլ փորձագետ՝ Լինդսի Կրալը, որը Սթենֆորդի համալսարանի միջազգային անվտանգության և համագործակցության կենտրոնի նախկին ղեկավար Մակարթորի հետդոկտորանտն է, իր հետազոտության մեջ ցույց է տալիս, որ ՓՄՄՌ-ի նախագծերի մեծ մասը կարող է հանգեցնել միջուկային թափոնների ավելի մեծ ծավալի: Այս բացահայտումը հակասում է այն պնդումներին, որ ՓՄՄՌ-ները



զգալի օգուտներ կրերեն թափոնների կրճատման առումով: Թափոնների հեռացումը շարունակում է մնալ լուրջ խնդիր՝ անկախ ռեակտորի չափից⁹:

Վառելիքի արդյունավետության և ռեսուրսների օգտագործման մարտահրավերներ

ՓՄՄՌ-ները քննադատության են ենթարկվում նաև վառելիքի օգտագործման արդյունավետության տեսանկյունից: Միջուկային տրոհման համար ուրանի անհրաժեշտ քանակը գրեթե նույնն է՝ ինչպես մեծ, այնպես էլ փոքր ռեակտորների դեպքում, ինչը նշանակում է, որ ՓՄՄՌ-ներն առավել արդյունավետ չեն վառելիքի օգտագործման առումով, քան մեծ ռեակտորները:

Որոշ ՓՄՄՌ նմուշներ օգտագործում են «բարձր գնահատման ցածր հարստացված ուրան» (HALEU), որը պարունակում է «ուրան-235» իզոտոպի ավելի բարձր կոնցենտրացիաներ, քան սովորական թեթև ջրային ռեակտորի վառելիքը: Թեև դա նվազեցնում է ռեակտորի համար անհրաժեշտ վառելիքի ընդհանուր զանգվածը, դա չի նշանակում, որ այն օգտագործում է ավելի քիչ ուրան և հանգեցնում է ավելի քիչ թափոնների առաջացմանը. իրականում ավելի հավանական է ճիշտ հակառակը¹⁰:

Չնայած այս մարտահրավերներին, ՓՄՄՌ-ների կողմնակիցները պնդում են, որ երբ մեկնարկային ծրագրերն իրականացվեն և ծախսերն ավելի լավ կառավարվեն, այդ ռեակտորները կարող են դառնալ էներգետիկ ոլորտի հուսալի և արժեքավոր մասը: Էրիկ Կարը՝ «Dominion Energy»-ի միջուկային օպերացիաների նախագահը, կիսում է այս լավատեսությունը՝ կարծելով, որ վաղ ՓՄՄՌ նախագծերի հաջողությունը կարող է ճանապարհ հարթել դրանց ավելի լայն ընդունման համար: Ըստ նրա՝ «Ոչ ոք չի ցանկանում լինել առաջինը, բայց ինչ-որ մեկը պետք է լինի... Հենց որ սկսի գործել, այն էներգիայի հիանալի, հուսալի աղբյուր կդառնա ողջ մոլորակի համար»¹¹:



Այնուամենայնիվ, փորձագետները շարունակում են զգուշավոր լինել: Քանի որ ՓՄՄՌ-ների հարցը դեռևս մնում է բարձր ծախսատարության, երկարատև շինարարական աշխատանքների, անվտանգության և թափոնների կառավարման չունեցող խնդիրների առջև, նրանց դերը հանաժող վառելիքից անցում կատարելու հարցում, հաջորդ տասնամյակում դեռևս մնում է անորոշ: Կարևորագույն կոնսենսուսն այն է, որ չնայած ՓՄՄՌ-ներն ունեն ներուժ, զգալի խոչընդոտները պետք է հաղթահարվեն նախքան դրանց խոստացված առավելություններին հասնելը:¹²

ԱՄՆ-ում ՓՄՄՌ-ների կառուցման նախագծերը

ԱՄՆ-ում առավել թարմ գործարկված խոշոր միջուկային ռեակտորները «Vogtle 3» և «Vogtle 4»-ն են: Ակնկալվում էր, որ ռեակտորները կգործարկվեն 2016 թ., սակայն «Vogtle 3»-ի գործարկումը ձգձգվեց մինչև 2023 թ. հուլիս, իսկ «Vogtle 4»-ինը՝ 2024 թ.: Երկուսի կառուցման վրա ծախսվել է շուրջ 34 միլիարդ ԱՄՆ դոլար: Այս պատկերը ցույց է տալիս, որ ԱՄՆ-ում կտրուկ նվազել է նոր կառուցվող ատոմակայանների թիվը: Եթե 1950-ականներին կառուցվել է մոտ 130 կայան, ապա 1990-ականներից մինչև օրս գործարկվել է մեկ տասնյակից էլ քիչը: ՓՄՄՌ-ները նոր և այժմ մեծ քննարկման առարկա դարձած տեխնոլոգիա են, և այնուամենայնիվ, ԱՄՆ-ում դեռևս չկա գործարկման կամ կառուցման փուլում գտնվող անգամ մեկ ՓՄՄՌ: Այդ իսկ պատճառով շատ դժվար է հստակ պատկերացում կազմել իրական և վերջնական արժեքի և կառուցման ժամկետների մասին:¹³

Այժմ ՓՄՄՌ-ների մասին շատ են քննարկումները նաև այն պատճառով, որ ավանդական ռեակտորների կառուցման ծրագրերը ձախողվում են: Օրինակ՝ վերոհիշյալ «Vogtle 3» և «Vogtle 4» ռեակտորների կառուցման համար նախապես հաշվարկված գումարը 14-15.5 միլիարդ ԱՄՆ դոլար էր, վերջում այդ թիվն ավելի քան կրկնապատկվեց՝ հասնելով 34 միլիարդ դոլարի:

ԱՄՆ-ում ՓՄՄՌ-ների նախագծերի դիտարկման համար կարելի է անդրադառնալ երկու ծրագրի «NuScale Power» և «Generation mPower»:

Երկու նախաձեռնություններն ընտրվել էին ԱՄՆ Էներգետիկայի դեպարտամենտի կողմից՝ ստանալու համար մինչև 452 միլիոն ԱՄՆ դոլարի աջակցություն՝ սուբսիդավորելու «ինժեներական, նախագծման, հավաստագրման և լիցենզավորման ծախսերը»:

«NuScale Power»-ին հաջողվել էր ստանալ շուրջ 4 միլիարդ ԱՄՆ դոլարի օգնություն ԱՄՆ կառավարությունից, որից 1.4 միլիոնը՝ սուբսիդիա ԱՄՆ Էներգետիկայի դեպարտամենտի կողմից, և 30 ԱՄՆ դոլար մեկ մեգավատտ/ժամի համար Գնաճի կրճատման ակտի շրջանակներում: Եվ չնայած կառավարության զգալի ներգրավմանը՝ սուբսիդավորման տեսքով, այդուհանդերձ, հաջողվեց ապահովել բավարար ֆինանսավորում ծրագրի իրականացման համար:

Վերջին հաշվարկները ծրագրի համար բավական բարձր էին՝ 9.3 միլիարդ ԱՄՆ դոլար 462 մեգավատտ ատոմակայանի համար, որը կունենար 6 հատ 77 մեգավատտ հզորության ռեակտորներ: Արդյունքում մեկ կիլովատտի արժեքը կազմելու էր 20,100 ԱՄՆ դոլար և 89 ԱՄՆ դոլար մեկ մեգավատտ/ժամի համար՝ հաշվի առնելով կառավարության սուբսիդավորումը: Առանց դրա արժեքը կհասներ 129 ԱՄՆ դոլարի: Ընկերությունը դեռ հույս ունի կառուցել ՓՄՄՌ-ներ, բայց, ըստ շատերի բնորոշման, ընկերությունը պարզապես «գումար է քանդում տալիս»:¹⁴

«Generation mPower» նախաձեռնությունը ՓՄՄՌ-ների ոլորտում մեկ այլ նշանակալի ծրագիր էր, որով նախատեսվում էր կառուցել 195 ՄՎտ ճնշմամբ թեթև ջրի ռեակտոր: 2012 թվականին ԱՄՆ Էներգետիկայի դեպարտամենտը հայտարարեց նախագծին իր աջակցության մասին՝ հնգամյա ծախսերի բաշխման համաձայնագրի միջոցով՝ խոստանալով մինչև 226 միլիոն ԱՄՆ դոլար, որից 111 միլիոնը հատկացվեց:

Այնուամենայնիվ, չնայած այս աջակցությանը, ընկերությունը պայքարում էր լրացուցիչ ներդրողներ ներգրավելու կամ հիմնական ինժեներական և շինարարական պայմանագրեր ապահովելու համար: Մինչև 2013 թվականը ընկերությունը ձգտում էր վաճառել ձեռնարկության բաժնետոմսերի մեծ մասը, բայց գնորդներ չգտնվեցին: 2014 թ. ֆինանսական մարտահրավերները շարունակվեցին, ինչը ստիպեց ընկերությանը կրճատել իր ներդրումները «mPower»-ում՝ տարեկան հասցնելով մինչև 15 միլիոն ԱՄՆ դոլարի: 2017 թ. «mPower» նախագիծը պաշտոնապես դադարեցվեց: Համատեղ վեներալային ընկերությունները ծրագրի վրա ծախսել են ավելի քան 375 միլիոն ԱՄՆ դոլար՝ ի լրումն ԱՄՆ Էներգետիկայի դեպարտամենտի 111 միլիոն դոլարի ներդրման, ինչը նշանակալի ներդրում է, սակայն չի ավարտվել գործող ռեակտորների ստեղծմամբ:¹⁵

2024 թ. սեպտեմբերի 18-ին Հայաստանի վարչապետը հաստատեց, թե ռազմավարական որոշում է կայացվել, որ Հայաստանը պետք է ունենա ՓՄՄՌ: Վարչապետն իր խոսքում նշեց, որ Հայաստա-



նը մի քանի առաջարկներ է ստացել տարբեր երկրներից¹⁶։ Բայց, ըստ երևույթին, Հայաստանի իշխանություններն առավել հակված են այս հարցում համագործակցելու ԱՄՆ-ի հետ՝ հիմնականում հիմնվելով աշխարհաքաղաքական նկատառումների վրա։ Սա կարող է լինել Արևմուտքի հետ ավելի սերտ հարաբերություններ կառուցելու և էներգետիկ ոլորտը դիվերսիֆիկացնելու միջոց՝ այդպիսով նվազեցնելով Հայաստանի էներգետիկ կախվածությունը Ռուսաստանից։ Մյուս կողմից, ԱՄՆ-ում փոխվել է վարչակազմ, որի հետ Հայաստանի հետագա համագործակցության հարցը դեռ հստակ չէ՝ հաշվի առնելով, որ Հայաստանի ներկայիս իշխանություններն առավել լավ հարաբերություններ կարողացել են նախկինում հաստատել միայն ԱՄՆ Դեմոկրատական վարչակազմի հետ, իսկ ԱՄՆ-Հայաստան հարաբերությունները Թրամփի նախկին նախագահության տարիներին չեն առանձնացել հատուկ ակտիվությամբ ու ԱՄՆ Հանրապետական կուսակցության հետ սերտ կապերով։ Ուստի, ՓՄՄՌ-ների առումով ՀՀ-ԱՄՆ համագործակցությունը նաև մեծապես կախված է լինելու նրանից, թե ինչքանով ՀՀ այսօրվա իշխանությունները կկարողանան արդյունավետ աշխատել նախագահ Թրամփի ներկայիս վարչակազմի հետ։

Այնուամենայնիվ, կարևոր է նաև ընդգծել, որ ԱՄՆ-ն առաջինը չէր, որը Հայաստանին առաջարկել է կառուցել ՓՄՄՌ։ Նման առաջարկ էր արել նաև Ռուսաստանը, սակայն հայ փորձագետները հետազոտությունների արդյունքում հանգել էին այն եզրակացության, որ Հայաստանը պետք է ձեռնպահ մնա Մեծամորի ատոմակայանի փոխարեն ՓՄՄՌ կառուցելուց, քանի որ Հայաստանին հզոր ատոմակայան է անհրաժեշտ։ Այսօր Մեծամորի ատոմակայանը նաև «վահան է Հայաստանի համար», քանի որ ոչ մի պետություն, այդ թվում՝ Ադրբեջանը, պատրաստ չէ հարձակվել Հայաստանի վրա¹⁷։ Պատահական չէ, որ Թուրքիան և Ադրբեջանը մեծ գումարներ են ծախսում՝ փորձելով ավելի շուտ փակել Մեծամորի ԱԷԿ-ը, քան այդ մասին հայտարարվում է։ Հզոր էլեկտրակայան ունենալը Հայաստանի համար աշխարհաքաղաքական նշանակություն ունի՝ որպես ագրեսիայի զսպող մեխանիզմ։ Սակայն Հայաստա-

նի վարչապետի ելույթից ակնհայտ է դառնում, որ Հայաստանի որոշումը՝ կառուցելու ՓՄՄՌ-ը, նշանակում է բավարարել Մեծամորի ատոմակայանը փակելու Թուրքիայի և Ադրբեջանի պահանջները։ Նրա խոսքով, նոր ՓՄՄՌ-ը պետք է «շրջակա երկրների համար որևէ կերպ չգնահատվի որպես սպառնալիք» (ակնհայտորեն նկատի ունենալով Ադրբեջանին և Թուրքիային)¹⁸։ Այս առումով, սակայն, առաջնահերթությունը պետք է լինի Հայաստանի անվտանգությունն ու բարեկեցությունը, այլ ոչ թե մրցակից ու ոչ բարեկամ երկրների պահանջները։ ■


Հղում

- Kimball S., Cortes G., , Small nuclear reactors could power the future — the challenge is building the first one in the U.S., <https://www.cnn.com/2024/09/07/how-small-modular-reactors-could-expand-nuclear-power-in-the-us.html>, (03.03.2025).
- Advanced Small Modular Reactors (SMRs), <https://www.energy.gov/ne/advanced-small-modular-reactors-smrs>, (04.03.2025).
- Declaring a National Energy Emergency, <https://www.whitehouse.gov/presidential-actions/2025/01/declaring-a-national-energy-emergency/>, (04.03.2025).
- Establishing the National Energy Dominance Council, Executive order, <https://www.whitehouse.gov/presidential-actions/2025/02/establishing-the-national-energy-dominance-council/>, (10.03.2025).
- Small Nuclear Power Reactors, <https://world-nuclear.org/information-library/nuclear-fuel-cycle/nuclear-power-reactors/small-nuclear-power-reactors>, (05.03.2025).
- Five Things the “Nuclear Bros” Don’t Want You to Know About Small Modular Reactors, <https://blog.ucsusa.org/edwin-lyman/five-things-the-nuclear-bros-dont-want-you-to-know-about-small-modular-reactors/>, (05.03.2025).
- Small Modular Reactors (SMRs): Why on the Agenda? How Realistic?, <https://sefia.org/en/policy-analysis/small-modular-reactors-smrs-why-on-the-agenda-how-realistic/#>, (06.03.2025).
- Five Things the “Nuclear Bros”, նշվ. աշխ.
- Stanford-led research finds small modular reactors will exacerbate challenges of highly radioactive nuclear waste, <https://news.stanford.edu/stories/2022/05/small-modular-reactors-produce-high-levels-nuclear-waste>, (07.03.2025).
- Five Things the “Nuclear Bros”, նշվ. աշխ.
- Kimball S., Cortes G., նշվ. աշխ.
- Schlissel D., Wamsted D., Small Modular Reactors: Still too expensive, too slow and too risky, <https://ieefa.org/resources/small-modular-reactors-still-too-expensive-too-slow-and-too-risky>, (10.03.2025).
- Finkel A., The big problem with small modular nuclear reactors, <https://360info.org/the-big-problem-with-small-modular-nuclear-reactors/>, (10.03.2025).
- Green J., Small modular nuclear reactors: a history of failure, <https://www.climateandcapitalmedia.com/small-modular-nuclear-reactors-a-history-of-failure/>, (11.03.2025).
- Green J., նույն տեղում։
- Պետք է ունենանք մոդուլային ատոմակայան. Նիկոլ Փաշինյանը՝ էներգետիկ անկախության մասին, <https://www.youtube.com/watch?v=rYhefvCDY90>, (12.03.2025).
- Մոդուլային ռեակտորները չեն կարող այլընտրանք լինել ՀԱԷԿ-ին. էներգետիկ անվտանգության փորձագետ, <https://hy.armradio.am/archives/494743>, (12.03.2025).
- Պետք է ունենանք մոդուլային ատոմակայան, նշվ. աշխ.։

Ինչո՞ւ է մեր հանրությունը դժվար կենտրոնանում

Մանվել Մկրտչյան
Հրապարակախոս

Խելացի մարդիկ, ովքեր կյանքի մեծ փորձ ունեն, իրավացիորեն կասեն, որ մեր լրջագույն խնդիրներից մեկը հանրության դժվար կենտրոնանալու և միասնական չլինելու իրողությունն է: Կյանքում առանց կենտրոնացման որևէ լավ բան չի ստացվում, նույնիսկ՝ ոչինչ չի ստացվում: Բայց ինչո՞ւ հայ հանրությունը արդեն քանի տարի է, չի կարողանում կենտրոնանալ և պետության կառավարման համակարգից դուրս շարտել մի ստորակարգ ու ցինիկ անձնավորության, որը կառչել է վարչապետական այբոռից ու շարունակում է իր քստմունքի գործերը: Ումանք ասում են, որ դրա հիմքում արտաքին վախերն են: Դա ճիշտ է, բայց արդյո՞ք միայն դա: Վախն ուժեղ գործոն է, սակայն այն չի կարող ճակատագրական դեր խաղալ, եթե իհարկե, բանականությունը մեզ վերջնականապես չի լքել: Այս հարցի վրա լույս է սփռում մի խոսուն արևելյան առակ: Ուրեմն, **պատահում է այնպես, որ ջունգլիների արքա առյուծը մի բարձր քերծից մյուսը թռչելու պահին, հենց օդում ծննդաբերում է: Ձագն ընկնում է ձորը, որը շատ խորն էր: Այդ պահին ձորով անցնում էր ոչխարների հոտը, և ձագն ընկնում է ուղիղ հոտի մեջ, բրդոտ ոչխարների վրա: Ձագն աչքը բացելով ոչխարների մեջ՝ սկսում է իրեն պահել նրանց պես՝ ոչխարի նման սկսում է խոտ ուտել, խաղալ, մկկալ և այլն: Այսպես կենդանական աշխարհի արքայի ձագը մեծանում է իբրև ոչխար: Անցնում են տարիներ, այս տարօրինակ «ոչխարը» դառնում է գեղեցիկ, ուժեղ ու վայելչակազմ: Տարեց ոչխարները հիացմունքով նայում են նրան և ասում՝ «մեր գենոֆոնդն էլ է փոփոխությունների ենթարկվում, լավ սերունդ է տալիս և ինչո՞ւ են մեր մասին այդքան արհամարհանքով խոսում...: Մի օր մի ուրիշ առյուծ իջնում է ձորը, որ նախաճաշի համար ոչխար որսա: Այդ պահին նա հոտի մեջ տեսնում է տարօրինակ «ոչխարին»: Ա՛յ քեզ զարմանք բան՝ ինչպե՞ս կարող է առյուծի ձագը խոտ ուտել: Այնքան է զարմանում տեսարանից, որ մոռանում է նախաճաշի մասին և ուզում է պարզել, թե դա ինչ բան է: Հետապնդում է երիտասարդ առյուծին, գցում ծուղակը: «Ոչխարը» սկսում է աղաչել, որ ահեղ գազանն իրեն չուտի, թեև կարող էր նրանից ոչ վատ կովել ու պաշտպանվել, բայց քանի որ «էությանը ոչխար» էր, չի էլ փորձում: «Լսի՛ր, հիմար, ես քեզ չեմ ուտի, բայց պիտի գաս ինձ հետ, - ասում առյուծը»: Առջևը գցած, բերում է նրան լճակի մոտ, մոտեցնում ջրին ու ասում՝ «նայիր քեզ ջրի մեջ և ապա նայիր ինձ..., էլի նայիր, ևս մեկ անգամ»: Նայում է «ոչխարը» ու տեսնում իր իսկական պատկերը: Եվ նույն պահին էլ լեռներով,**



ձորերով ու կիրճերով մեկ լավում է մի ահեղ մոնչոց: Մեռնում է ոչխարը և ծնվում է առյուծը...»:

Այս երևույթը պատահում է անհատի և հանրության կյանքում: Այդպես եղավ Վանում, Սարդարապատում, այսպես պատահեց անցած դարի 90-ականների սկզբին, երբ պայթեց արցախյան պատերազմը: Հայոց պատմությունն իր էջերում ունի նմանօրինակ հզոր ու գեղեցիկ դրվագներ: Այս իրողության ականատեսն ենք նաև մեր օրերում, երբ ստահակների յոթամյա մղձավանջից հետո, ժողովուրդը կարծես ուզում է սպանել իր միջի «ոչխարին» և դիմավորել ծնվող առյուծին: Համենայնդեպս, դրա ծիլերն այսօր տեսանելի են: Նախ փորձենք հասկանալ՝ ինչն է խանգարում կենտրոնանալուն: Նույնիսկ կենցաղային իրադրություններում, մարդը չի կենտրոնանում աղմուկի պատճառով: Դա վերաբերում է թե՛ արտաքին և թե՛ ներքին ձայներին: Մենք նույնիսկ մեր ներքին ձայնը չենք լսում, քանի որ անցյալի հոգեմաշ հուշերը, բազմաթիվ կեղծ մտքերն ու գաղափարները, արժեքավոր և անարժեք բաները, և հատկապես, մեզ հրամցված օրվա լրատվական հեղեղը, ասես, թանձր ամպերի պես փակում են ճշմարտության հորիզոնը: Իսկ ծուռ հայելիների մեջ հայտնված ձևախեղումները, աղավաղում են ճշմարտության իրական պատկերը:



րը: Համաձայնեք, սա մի սոսկալի տեղոր է մարդու և հասարակության կյանքում: Բանական մարդն այս իրադրության մեջ դառնում է կեղծ, իմպուլսիվ, շփոթված: Մեծ հայտնագործություններն արվել են մենության մեջ, ներքուստ խաղաղ վիճակներում, երբ այդ աղմուկը թեկուզ մի կարճ ժամանակով լռել է, և մարդը մենության մեջ գտել է իր կենտրոնացումը: Դրանք այն սքանչելի պահերն են, երբ էներգիան չի մսխվում զանազան անպետք բաներ հասկանալու կամ դրանց դեմ պայքարելու, դրանք հաղթահարելու վրա: Մենք մեզ չեն վատնում անմիտ և գրեթե ոչինչ նշանակող պրոբլեմներ լուծելու վրա: Բավական է ուշադիր նայել մեր և մեր մտերիմների արարքներին, կտեսնենք, որ մարդը չի կարող ապրել առանց պրոբլեմների: Լուծիր մարդու մի պրոբլեմը, նա իսկույն կստեղծի ևս երեքը, այս երեքը հաղթահարելուց հետո ի հայտ կգա ևս տասը նմանատիպ խնդիր: Մի անեկդոտ կա այս մասին: Մի տարեց կին գալիս է բժշկի մոտ ու գանգատվում, թե արյան ճնշում ունի: Բժիշկը նրան դեղեր է նշանակում, սակայն մի քանի օրից նա կրկին գալիս է բժշկի մոտ, հիմա էլ գանգատվելով գլխացավերից, իսկ մեկ-երկու օրից հետո՝ ստամոքսի խանգարումներից և այսպես շարունակ: Բժիշկը հոգնում է տիկնոջ այս անմիտ այցելից և հրաժարվում է նրան «բուժել»: «Չհասկացա, ձեզ թվում է միայն դժոք եք բժիշկ, կգնամ մեկ ուրիշի մոտ», - ըմբոստանում է «հիվանդ» տիկինը: Մա նշանակում է, որ մենք ասես մեզ դատարկ ենք զգում առանց պրոբլեմների, մարդիկ նույնիսկ պատրաստ են

լինելու դժբախտ, միայն թե իրենց կյանքից պրոբլեմներ չանհետանան: Առանց պրոբլեմի մարդը հայտնվում է խուճապի մեջ, խեղճանում, պրոբլեմը մարդկային էգոյի սնունդն է, նրա թթվածինը: Իբրև թե լուծելով կամ հաղթահարելով այս կամ այն պրոբլեմը, մարդն իրեն զգում է նշանակալից և ուժեղ: Սա մարդու բնույթին հարազատ բան է, և իր ուժեղ արտահայտությունը գտավ ամերիկյան լիբերալ գաղափարախոսության մեջ: Ըստ վերջինիս՝ կայացած է համարվում այն մարդը, ով կարողանում է լուրջ պրոբլեմներ լուծել: Արևելքում մոտեցումը տրամագծորեն հակառակն է՝ հատկապես միստիկների ընկալմամբ՝ պետք է ոչ թե պրոբլեմները լուծել, որոնք վերջ չունեն, այլ բուժել պրոբլեմ **ՍՏԵՂԾՈՂԻՆ**, մարդուն, կարգի բերել նրա ներքին կառույցը, հոգևոր ինժեներիան: Գալով մեր բուն խնդրին՝ նշենք հետևյալը. պրոբլեմներ ստեղծելու օգնությամբ քաղաքական գործընթացներ կառավարելը դարձել է հուժկու զենք՝ քաղաքական կենտրոնների համար: Այս տեխնոլոգիաները թշնամական երկրների կողմից ներմուծվել են նաև Հայաստան և կիրառվում են մեծ հաջողությամբ: Շատերին կարող է խիստ տարակուսելի թվալ, թե ինչու հենց հիմա, այս խիստ անբարենպաստ իրադրության մեջ ստահակները սկսեցին նորանոր սոցիալ-տնտեսական պրոբլեմների տարափ տեղալ հասարակության գլխին: Անգլոսաքսոնական քաղտեխնոլոգիական փորձված միջոցները հասցեագրված են պարզունակ, հեշտ մանիպուլացվող զանգվածներին, նրանց հիմարացնելուն: Հրապարակ հա-



նելով կենցաղային կամ նույնիսկ կենսական պրոբլեմներ, մարդկանց փորձում են շեղել պետության առջև ծառացած և գոյաբանական սպառնալիքներից: Սրա մշակողները լավ գիտեն, որ երբ մեծ խնդիրը տրոհվում ու ջլատվում է, հասարակությունը, ինչպես նաև՝ լրատվամիջոցները, անմտորեն, սկյուռիկի պես, ասես կադին ծամելով, այս ու այն կողմ են ցատկոտում: Այստեղ է գլխավոր հնարքը. քիչ թե շատ խելամիտ մարդիկ չեն կարող դեմ լինել օգտակար բարեփոխումներին, որոնց պահանջն իրոք կա: Բայց ներկա մասնիկայլատորների բարեփոխումներն արվում են այնքան անմտորեն, անհաշվարկ, որ վերածվում են հակասությունների կծիկների: Արդյունավետ բարեփոխումը, որն առաջընթացի անբաժան մասն է, չպետք է երկիրը հասցնի նոր աղետների դուռը, մարդկանց գցի ջղաձգումների մեջ: Այն շատ նման է սիմֆոնիայի, որտեղ ամեն մի գործիք, նոտա, ամեն հնչյուն և ելևէջ, իր տեղն ու նշանակությունն ունի: Այս դրվագը ինձ պատմել է նախագահ Ռոբերտ Քոչարյանի կաբինետի նախարարներից մեկը, «Այդ օրերին կառավարությունը՝ նախագահ Քոչարյանի ուղիղ հսկողության ներքո, հաճախ էր լինում Ադետի գոտում, հետևում բնակարանաշինության ընթացքին: Գյումրիում նախագահը կանգ առավ մի երկհարկանի տան մոտ և սկսեց ուշադիր նայել, և ապա՝ հետաքրքրվեց, թե ում տունն է: Արագ գտան տանտիրոջը: Վաթսուսն անց, ողջ կյանքում շինարարության մեջ աշխատած ազնիվ մարդ էր, անցել էր թոշակի և սեփական ձեռքերով կառուցել էր իր տունը: Նա պարծենալով ասաց, թե հատկապես ինչով է առանձնանում իր տունը: «Եթե հնարավոր լինի վերամբարձ կոունկով ծխնելույզից բարձրացնել տունը, - ասաց նա, - ապա նրա որևէ մաս չի

պոկվի մյուս մասերից: Հիմքը, սյուները, տանիքը, բազրիքները, պատշգամբները, դռներն ու պատուհանները, աստիճանները, կից շինությունները և այլն, առանց քանդվելու ու վնասվելու, ամբողջությամբ վեր կբարձրանան, քանի որ ամեն բան միաձուլվել է, ճիշտ է հաշվարկված և որակով կառուցված»: Սա լսելով, Քոչարյանն իրեն բնորոշ սուր հայացքով շուտ եկավ նախարարների կողմը ու ասաց՝ «սա միայն տուն չի, սա լավ պետության մոդել է, խելամիտ ռեֆորմների լավագույն օրինակ»: Իսկ այժմ «բարեփոխումները» դեռ չսկսած, հանրությունը տագնապների ու ցնցումների մեջ է: Նախագահի խոսքերը վկայում են, թե ինչքան հեռու են այս մարդուկները բարեփոխումներ իրականացնելուց, և պատահական չէ, որ ինչին էլ ձեռք են տալիս, միանգամից ապականվում է: Եթե սխալ եմ, նշեք գոնե մի չտապալված ոլորտ: Միշտ այսպես է լինում, երբ գործը ձեռնարկում են տգետ ու այլասերված մարդիկ: Կեղծիքը և անհեթեթությունները, ինչպես ասացինք, տրոհում և քայքայում են կենտրոնացման ձգտող հասարակական էներգիան: Պարզից էլ պարզ է, որ երբ հասարակությունը գիտի ինչ անել, տեղնուտեղը գուլավում է: Մյուս հարցը՝ ինչպես պետք է դա անել: Ու, միամիտ չլինենք, չպատճառաբանված պրոբլեմալույտերը բարեփոխումների անվան տակ ժողովրդի գլխին լցնելու երևույթի թիկունքում վստահաբար կա մեկ այլ, առավել նենգ մտադրություն՝ երկիրը ներքաշել քառսի մեջ և, անհրաժեշտության դեպքում՝ բացել դարպասները թշնամու առաջ: Դա արվեց Արցախում և ինչո՞ւ պիտի չարվի նաև Հայաստանում: Ի վերջո, Նիկոլի մեծագույն «սլաճումներից» մեկը իր նման՝ մինչև վերջ ծախսու մարդկանց ներգրավումն է իշխանական համակարգ, որպեսզի հնարավոր լինի իրականություն դարձնել ցանկացած այլանդակ գործ: Սա, իրոք, ֆենոմենալ բան է՝ նա հաջողել է իր շուրջը հավաքել իր նման մարդուկների: Նույնիսկ հին գվարդիայի որոշ ծախսու գործիչներ չդիմացան նորաթուխ քաղականների հետ մրցավազքին: Այս ամենի մասին շատ է խոսվել, հետևաբար ժամանակ և բառեր չվատենք ակնհայտը ապացուցելու համար: Հիմա մենք գործ ունենք մարդկանց ներքին շփոթի հետ, որը ևս վտանգավոր է: Առաջին հերթին կենտրոնացումից գուրկ մարդը շատ հեշտ տրվում է մանիպուլյացիաների: Նա նման է հոսանքի անջատիչին, որին ցանկացած պահի կարելի է միացնել ու անջատել: Ուզո՞ւ ես, որ մարդն իրեն վեհ ու վսեմ զգա, գովիր ու փառաբանիր, իսկ եթե պետք է, որ նա իրեն համարի ոչնչություն՝ փնտվիր: Օրինակ, երբ Նիկոլ ստախոսը սկսում է իր բարբառանքները, նա լավ էլ գիտի դրանցից սպասվող արձագանքների մասին: Դա նրան ապահովում է մանիպուլյատիվ դաշտ, որտեղ անհեթեթ մտքերը գովքի գնդակների պես այս ու այն կողմ են գլորվում՝ իրենց հետևից տանելով բազմաթիվ մարդկանց ուշադրությունը: Մեկ այլ

իրադրության մեջ կարելի էր արհամարհել դրանք, և մանիպուլյատորը տեղում կոչնչանար, բայց մենք գործ ունենք քաղաքականության հետ, որտեղ ասված ամեն խոսք լսում է նաև թշնամին, լսում և օգտագործում է մեր ազգի ու պետության դեմ: Չէ՞ որ սա էլ տեսանք: Մոտվի, պայմանաբար ընտրենք տաս-քսան հայ մարդու և նրանց միայն մեկ հարց տանք, թե ի՞նչ են նրանք ուզում, ու խնդրենք, որ լինեն անկեղծ: Նրանց կեսը կասի, որ ուզում է բարձր աշխատավարձ, մի քանիսը կասեն՝ թե լավ կլիներ, եթե շահությաբեր բիզնես ունենային, կլինեն նաև այնպիսիները, որոնք շքեղ մեքենա և առանձնատուն են տենչում, որպեսզի հարևաններն ու կոլեգաները նախանձից տրաքվեն: Հավանաբար մեկ երկուսն էլ կասեն, որ անվտանգ երկիր են ուզում, և միայն շատ քչերը կնշեն, որ ուզում են ունենալ լավ պետություն, պետական կազմակերպված համակարգ: Սա ցավալի բան է, հենց այն է, ինչն անվանում են **«եզները սայլի առջևից կապել»**: Փաստորեն, սա ինքն իրեն անգիտակցաբար ոչնչացնելու հակված հասարակություն է: Ինչ էք կարծում, շատ մի դժվար է Թուրքիայի կամ Ադրբեջանի համար, ասենք մի 100 կամ 50 միլիոն դուլար զգել Հայաստանի քաղաքական ու լրտեսական շուկա՝ սեփական դրածոյին պաշտպանելու, ռստիկանական պատժիչ համակարգը յուրաքանչյուր վիճակում պահելու և բռնաճշմունքներն անվրեպ իրականացնելու համար: Բոլորովին էլ դժվար չէ: Սրան հակազդող որևէ անվտանգային համակարգ չկա, նույնիսկ, հակառակը, նպաստող ուժեր և օղակներ՝ ինչքան ուզեք: Կենտրոնացումից զուրկ մարդն անվերջ վիզը ծռում է տեսնելու, թե որտեղից է գալու փրկությունը: Հենց դա էր պատճառը, որ մարդկանց մի զանգված էլ սկսեց հավատալ Եվրամիություն գնալու անմիտ պատրանքին: Ըստ մյուս առասպելի էլ՝ Ռուսաստանը ուր որ է գետնին կփռի Ուկրաինային և փոթով կշտապի հայությանը օգնության: Ուռճացված ակնկալիքներ կան նաև Իրանից՝ հայկական Սյունիքն իր համար իբրև կարմիր գիծ ճանաչելու նրա պնդումներից: Թուրքական թշնամական օղակն ակամայից հային ստիպում է ապրել այս միջերի գերության մեջ: Այսօրինակ պատրանքների մեջ ապրելը նույնիսկ անհեռատեսություն չէ, այլ հիմարություն: Կարող է չէ՞, իրավիճակն ավելի վատ ու օրհասական լինել: Հետևաբար, մենք ունենք միայն մեկ հուսալի հենարան, որը ոչ ոք չի կարող մեզնից խլել, դա մենք ենք, մեր ուժը և խոհեմությունը: Շատերն այդպես էլ չեն փորձում խորանալ ավելի լայն իմաստով **«խորքային պետություն»** հասկացության մեջ, դրանից հետևություններ անել, հասկանալ, որ յուրջ պետություն ունենալ, նշանակում է հույսը դնել ոչ թե անձերի ու լիդերների վրա, ոչ թե ապավինել դաշնակիցներին, այլ առաջինը հենվել սեփական ինստիտուտների, պետական օղակների հնարավորությունների վրա: Երբ ազգի հենվելու կետը պետությունն է, անհանգստանալու պատճառներ



ըր քիչ են լինում, որովհետև մեկ մարդը, նույնիսկ հանճարեղ, չի կարող իմանալ և անել ավելին, քան պետական համակարգն իր դիվանագիտական, ռազմական, տնտեսական, ֆինանսական, կրթամշակութային օղակներով: Մեր պապերից եկած լավ խոսք կա՝ **«մի թոչունը չգիտի հարավի տեղը, իսկ թոչունների երամը գիտի»**: Ահա ճիշտ այսպես էլ հասարակությունը՝ ոլորտների փորձառու իր մասնագետներով դառնալով այդ «թոչունների երամը», գիտի որտեղ է հարավը, որոնք են ճիշտ ելքերը: «Ո՞րն է ելքը» հարցը հաճախ կեղծիքների և մտավարժանքների տեղիք է տալիս: Սա նույնն է, երբ, ասենք, տունն այրվում է, իսկ ոմանք զբաղված են կրակը մարելու «ստրատեգիա և տակտիկա» մշակելով և դրանց շուրջ բանավիճելով: Իր ազգային շահերը լավ չգիտակցող հասարակությունը թույլ է, խեղճ ու մոլորված, այն իրեն բաշխում է ամենուրեք, կորցնում ներքին էներգիան և շփոթում կարևորի և անկարևորի, առաջնայինի ու երկրորդականի տեղերը, կորցնում է իր մարտունակ կարողությունները, իր կենտրոնացումը: Սա այն է, ինչի մեջ մենք դեռ ապրում ենք, սա այն է, ինչը հանգեցնում է կոլեկտիվ անպատասխանատվության: Այս անպատասխանատվությունը սկսեց իր ավերները, երբ հնարավոր եղավ Հայաստան ներմուծել և ներդնել «նիկոլայիստը»: Իսկ այս համաճարակին վերջ կդրվի համախմբվելու ճանապարհով: Մի բժիշկը, նույնիսկ հանճարեղ, միայնակ չի կարող ժանտախտի դեմն առնել: Առակի առյուծը մոնչաց, երբ գիտակցեց, որ ինքը ոչխար չէ, ընկալեց իր առյուծ լինելը, իր ուժը: Հակված ենք հավատալու, որ այս զարնարը վերջապես կլսենք **«հայկական առյուծի»** մոնչոցը: ■

Հայաստանի Հանրապետությունը Վրաց-Ադրբեջանա-Թուրքական ռազմապաշտպանական համադաշնության համատեքստում 1918-1920 թթ.

Վահիկ Հրանտի Վիրաբյան

Պատմ. գիտ. դոկտոր, Խ. Աբովյանի անվան հայկական պետական մանկավարժական համալսարանի հայոց պատմության ամբիոնի պրոֆեսոր

Առաջին աշխարհամարտի վերջում՝ 1917-1918 թթ., Գերմանիային և Թուրքիային տարածքային զիջումները բոլշևիկյան կառավարության համար ունեցան որոշակի հետևանքներ: Վ. Լենինը իր չարադետ դերը խաղաց դրանում, սակայն իրավիճակը փոխվեց 1919-1920 թթ. սահմանագծին և դրանից հետո, երբ հաղթանակած բոլշևիկներն և աստիճանաբար երկրորդ պլան մղված Վ. Լենինին փոխարինելու եկավ Ի. Ստալինը: Վերջինիս առջև կարևորագույն պատմաքաղաքական խնդիր դրվեց՝ չեզոքացնել գերմանական լրտես Վ. Ի. Լենինի գլխավորությամբ իրագործված Հոկտեմբերյան ավերիչ հեղաշրջման ծանրագույն հետևանքները, որոնց հետևանքով ի չիք էին դարձել Առաջին համաշխարհային պատերազմում ռուսական հաղթարշավի պտուղները՝ այդ թվում՝ Կովկասում և Առաջավոր Ասիայում: Ռուսաստանը վերածվել էր երկրորդական երկրի, և «Իմպերիայի» վերականգնումը, թեկուզ բոլշևիկյան զգեստավորմամբ՝ դյուրին խնդիր չէր: Ի դեպ, կարելի է ասել, քիչ այլ ձևով նույնը կրկնվեց Գորբաչովյան տխրահռչակ վերակառուցման ժամանակ, երբ իրողություն դարձավ արևմտյան տերությունների պատվերով գերիգործ համարվող Խորհրդային Միության փլուզումը: Ռուսական իմպերիան ոչ միայն կազմալուծվեց ու մասնատվեց, այլև որոշակիորեն թուլացավ: Այն կրկին ոտքի են կանգնեցնում Վ. Պուտինն ու նրա զինակիցները իսկ Հայաստանի երրորդ Հանրապետությունն անմասն չէ այդ բարդ և խճուղված գործընթացներից՝ դառնալով համաշխարհայնացման արդի հոլովույթի մասնակիցն ու զոհը: Կարծես թե պատմությունը կրկնվում է՝ միայն այլ նրբերանգներով և նոր աշխարհաքաղաքական վերածնունդներով:

1919-1920 թթ. սահմանագծին ակնհայտ դարձավ, որ բոլշևիկյան նոր Ռուսաստան է ասպարեզ գալիս «իմպերիական» հեռահար ծրագրերով: Արդեն 1920 թվականի աշնանը բոլշևիկյան Ռուսաստանը այլևս մտադրություններ չունեւ հաշտվելու նախկինում թույլ տրված տարածքային կորուստների հետ և իր ռազմավարության առաջնահերթ խնդիրը համարում էր նոր ռուսական՝ բոլշևիկյան, կայսրության վերստեղծումը: Նրանում տեղ էր հատկացվում նաև Հայաստանին՝ որոշակի վերաբերմունքով:

Ակնհայտ էր ևս մենկ կարևոր ռազմաքաղաքական հանգամանք: Դեռևս 1918 թվականին, երբ թուրքական զորքերը սանձագերծեցին ագրեսիա դեպի Անդրկովկաս, Ադրբեջանն անվերապահորեն թեքվեց դեպի թուրքերը, իսկ Վրաստանը, որոշակի վերապահումներով հանդերձ, հակվեց դեպի ընդհանուր ճա-



կատի ստեղծումը՝ ընդդեմ բոլշևիկյան Ռուսաստանի, և նրանք համատեղ ձգտեցին փոխշահավետ հարաբերություններ հաստատել Թուրքիայի հետ: Այլ էր իրավիճակը Հայաստանի պարագայում, քանզի հայ քաղաքական-ռազմական շրջանակներում չկային ազդեցիկ ուժեր, որոնք ձգտեին հարաբերությունների սրմանը և վատթարացմանը Ռուսաստանի հետ՝ դա լինել «Կարմիր», թե՛ Մայիտակ Ռուսաստան»: Հայաստանը որպես այլընտրանք Թուրքերի դիրքերի ուժեղացումն Անդրկովկասում դիտում էր ոչ միայն վտանգավոր, այլև մահացու իր գոյության համար¹:

1918 թվականի հունիսի 4-ին Ադրբեջանը և Թուրքիան ստորագրեցին խաղաղության և բարեկամության պայմանագիր, որով Թուրքիան պարտավորվեց ռազմական օգնություն ցուցաբերել Ադրբեջանին նրա անվտանգությանը սպառնացող վտանգի դեպքում: Թուրք-ադրբեջանական ռազմաքաղաքական «մերձեցումից» հետո երկու երկրների կառավարող շրջանակները կոնկրետ խնդիր դրեցին գրավել Բաքուն, որն այդ ժամանակ դեռ Ադրբեջանի Դեմոկրատական Հանրապետության մաս էր կազմում, իսկ պետության մայրաքաղաքը Գյանջան էր (Գանձակը): Դեռևս 1918 թ. գարնանը Էնվերը մշակել էր Բաքուն գրավելու ծրագիր, որի համաձայն Նուրի փաշան պետք է Պարսկաստանով անցներ Այսրկովկաս և այնտեղ գործող Մուսավաթ կուսակցության ջոկատներից ու թուրք ռազմագերիներից ձևավորեր Կովկասի իսլամական բանակը և շարունակեր առաջխաղացումը դեպի Այսրկովկասի խորքերը: 1918 թվականի սեպտեմբերի 15-ին Ադրբեջանի ապագա մայրաքաղաք Բաքուն

«ազատագրվեց» Թուրքական և ադրբեջանական զորամասերի միջոցով²: Համաձայնագրի 4-րդ կետով Թուրքիան պետք է ռազմական օժանդակություն ցույց տար Ադրբեջանին (թեև առանց այդ համաձայնագրի էլ Նուրի փաշան իր բանակով անարգել գործունեություն էր ծավալում Ադրբեջանում), իսկ ԱԴՀ-ն պարտավորվում էր երկրից վտարել Թուրքիայի հետ պատերազմի մեջ գտնվող երկրների բոլոր սպաներին ու պաշտոնյաներին, ԱԴՀ սահմանամերձ տարածքներից՝ զինված ռազմական խմբավորումները: Պայմանագրի կնքումից անմիջապես հետո ադրբեջանական բանակն ակտիվորեն սկսեց համալրվել թուրքական արտադրության զենք-զինամթերքով, համազգեստով, սպաներով, իսկ Գյանջայում թուրքերի օժանդակությամբ բացվեց սպայական դպրոց, որտեղ սկսեցին դասավանդել թուրք հրահանգիչներ, սովորեցնելով ռազմական գործ, զենքին տիրապետելու ունակություններ³:

Այս պատմափուլում Օսմանյան կայսրությունը որոշիչ դեր խաղաց Ադրբեջանի, Վրաստանի և Հայաստանի սահմանների որոշման հարցը ուղղորդելու գործում: 1918 թ. հունիսի 4-ի Բաթումի պայմանագրի համաձայն՝ Թուրքական հրամանատարության կողմից յուրաքանչյուր հանրապետության հետ առանձին կնքված պայմանագրով, նրանց սահմանները որոշվում էին միայն Օսմանյան կայսրության հետ ընդհանուր պայմանավորվածության համատեքստում: Մնում էր սահմանել ու հստակեցնել հանրապետությունների փոխադարձ սահմանները: Բաթումի պայմանագրի III հոդվածի համաձայն նախատեսվում էր, որ Ադրբեջանի և Հայաստանի միջև փոխադարձ սահմանները կհաստատվեն երկրների կողմից կնքված արձանագրությունների հիման վրա, որոնք կազմում էին այս համաձայնագրի մի մասը⁴: Բաթումում, սակայն, փոխադարձ սահմանների վերաբերյալ արձանագրություններ այդպես էլ չկնքվեցին: Միաժամանակ, ինչպես նշվել է 1918 թ. հունիսի 14-ին Թիֆլիսում Հայոց ազգային խորհրդի ներկայացուցիչների հետ համատեղ հանդիպման ժամանակ արված հայտարարության մեջ, բանավոր համաձայնություն է ձեռք բերվում տարածքների սահմանազատման հարցի վերաբերյալ⁵: Նենգափոխելով պատմական իրողությունները և խեղաթյուրելով փաստերը՝ ադրբեջանցի պատմաբանները այնպես են, թե այն ժամանակվա Ադրբեջանի քաղաքական առաջնորդները դեմ չեն եղել, որ Երևանը Հայաստանի մայրաքաղաք հռչակվի, և իբր թե, ի պատասխան ադրբեջանական կողմի «այս բարի կամքի ժեսի», Հայաստանը պատրաստակամություն է հայտնել հրաժարվելու Ելիզավետպոլի նահանգի մի մասից, այսինքն՝ Ղարաբաղի լեռնային մասի նկատմամբ իր հավակնություններից⁶:

Ադրբեջանցի իսկ պատմաբանների կողմից շրջանառված տվյալների համաձայն, 1918 թվականի հունիսի 21-ին Վրաստանի վարչապետ Ն. Ռամիշվիլին Մ. Յ. Ջաֆարովին առաջարկում է նախկին հարավկովկասյան կառավարության ունեցվածքը բաժանել Ադրբեջանի և Վրաստանի միջև: Վրացական կողմն առաջարկը հիմնավորում է նրանով, որ Հայաստանն



Նուրի Ռամիշվիլի

արդեն ստացել է իր մասնաբաժինը և այն տեղաբաշխել այն տարածքներում, որոնք, սակայն, անցել են օսմանյան վերահսկողությանը: Ըստ այդ տվյալների, նույն օրը Մ. Ջաֆարովը գաղտնի ծանուցում է ուղարկում Վրաստանի կառավարությանը՝ հարաբերությունները բարելավելու ձգտման վերաբերյալ, պատրաստակամություն հայտնելով ամրապնդել կապերն Ադրբեջանի հետ և փոխշահավետ համաձայնության գալ գույքի բաժանման վերաբերյալ առաջարկության հարցում⁷:

Իրականում Ադրբեջանի կառավարությունը փորձել է վերահսկողության տակ առնել տարածաշրջանային իրավիճակը՝ ագրեսիվ քայլերով հաստատվելով Շուշիում, Աղդամում և Կարյազինում, ու այնտեղ գտնվող մուսուլմանական զորամասերի թուրք սպաներին հրամանատարներ նշանակելով: Նրանք իրավագոր լիազորությունները չեն ունեցել և ճանաչված չեն եղել տեղի հայության և հայ ղեկավարների կողմից: Ինչպես նշում են հենց ադրբեջանական աղբյուրները, թուրքական զորքերի Շուշի մտնելու նախօրեին ադրբեջանական իշխանությունների կողմից պարտադրաբար այնտեղ են ուղարկվել հայերի և ադրբեջանցիների պատվիրակներ՝ բնակչությանը նախապատրաստելու թուրքական զորքերի առաջիկա մուտքին: Ինչպես գրում է «Ադրբեջան» թերթը 1918 թվականի հոկտեմբերի 19-ի համարում, քաղաքի մահմեդականները, իմանալով որ թուրքական զորքերը շուտով ժամանելու են, սկսել են հապճեպ նախապատրաստվել «այսպես կոչված ազատագրողների» հանդիսավոր հանդիպմանը, և Շուշիի մուտքի մոտ հաղթական կամարներ են կանգնեցվել Շահի կամրջի

վրա՝ շուկայի սկզբում՝ Մայդան տանող ճանապարհի վրա և շատ այլ վայրերում: Նույն հեղինակի համաձայն, Թուրքական զորքերը՝ Ջեմիլ Ջևադ բեյի գլխավորությամբ, 1918 թվականի հոկտեմբերի սկզբին մտնում են Շուշի: Քաղաքի տագնապած հայ ղեկավարներն անմիջապես հրավիրում են արտակարգ ժողով, որը միայն հինգերորդ օրն է որոշում ճանաչել Ադրբեջանի կողմից պարտադրված իշխանությունը⁸: Արդեն հասկանալի է, թե ինչ լարված մթնոլորտում է այդ ամենը տեղի ունեցել:

«Մշակ» թերթը 1918 թվականի հոկտեմբերի 22-ի համարում թուրքական բանակի մուտքը Շուշի քաղաք նկարագրել է այսպես. «Ջևադ բեյն առաջարկում է հայերին հանձնել գեներալը, հայերը հանձնում են մոտ 150 հրացան»⁹: Լարվածությունը Ղարաբաղում և այլուր չհանդարտվեց և մնաց մինչև թուրքական զորքերի հեռանալը, որից հետո շրջանի վերահսկողությունն անցավ 1918 թվականի նոյեմբերի երկրորդ կեսին Ադրբեջանի ժամանած բրիտանական զորքերին, որոնք կարճ ժամանակում բացահայտ թուրքամետ-ադրբեջանամետ քաղաքականություն որդեգրեցին, նավթային շահը բարձր դասելով իրենց հավատարիմ դաշնակից Հայաստանի կենսական շահերից: Թեև Առաջին համաշխարհային պատերազմում գերմանա-թուրքական դաշինքի պարտության և 1918 թվականի նոյեմբերին Օսմանյան կայսրության պատերազմից դուրս գալու պատճառով թուրքական զորքերը ստիպված եղան առժամանակ լքել Դադստանի և Հարավային Կովկասի տարածքը, սակայն ամենևին էլ չհրաժարվեցին իրենց նպատակադրումներից: 1918 թ. հոկտեմբերի 30-ին Թուրքիան ստորագրում է Մուդրոսի զինադադարը՝ պարտավորվելով դուրս բերել զորքերը Հարավային Կովկասից: Այն հայտարարվում է Մեծ Բրիտանիայի ազդեցության գոտի, սակայն թուրք-ադրբեջանական ուժերը շարունակում են խորքային խարդավանքները, և Ադրբեջանի (Արևելա-Կովկասյան մուսուլմանական հանրապետություն) և Հյուսիսային Կովկասի ազգային ուժերին աջակցելու համար Էնվեր փաշան թուրք սպաներ է նշանակում ադրբեջանական բանակում և Հյուսիսային Կովկասի Լեռնականների Հանրապետությունում՝ դրանք թողնելով Նուրի փաշայի տրամադրության տակ¹⁰:

Ադրբեջանի Դեմոկրատական Հանրապետության կառավարության արտաքին քաղաքականության հիմնական նպատակը դարձավ նպաստելը նորաստեղծ մուսուլմանական պետական կազմավորումների կայացմանը և նրանց միջև ռազմաքաղաքական դաշինքների ձևավորմանը: Ուստի նորաստեղծ Ադրբեջանի կառավարությունը ձևավորման պահից սկսեց ակտիվորեն վարել արտաքին նախաձեռնողական քաղաքականություն:

Միայն ազգամիջյան բախումները չէ, որ խոչընդոտում էին կովկասահայության բնականոն կյանքին և իրավիճակի կայունացմանը՝ Հայաստանում, Վրաստանում և Ադրբեջանում: 1918 թ. վերջին և ողջ 1919 թ. ընթացքում անդրկովկասյան թե՛ մուսուլմանական, և թե՛ քրիստոնյա պետական նոր կազմավորումները ներգրավվեցին գեներալ Ա. Դենիկինի՝ այդ ժամա-

նակ Ռուսաստանի գրեթե ողջ հարավը և Հյուսիսային Կովկասը գրաված Կամավորական բանակի կողմից զինված ներխուժման վտանգի՝ Անտանտի դրսից ուղղորդվող միավորիչ գործողությունների դեմ: Դենիկինի զորքերը գրավեցին Կովկասի մերձսևծովյան ափերը, մինչև իսկ Մոչին, և միայն դաշնակիցների՝ անգլիացիների միջամտությունը հարկադրեց կամավորականներին կանգնելու Վրաստանի սահմանների մոտ: Դրանով բրիտանացիները խոչընդոտեցին դենիկինյան ռազմավարության իրականացմանը, չնայած միաժամանակ աջակցում էին Ա. Դենիկինին գեներալ ու ռազմամթերքով՝ ընդդեմ բոլշևիկյան Կարմիր Ռուսաստանի: Դրանով նրանք ցանկանում էին հյուծել Ռուսաստանը՝ այն էապես թուլացնել ու անդամահատել իրենց կողմից խրախուսվող քաղաքացիական և այլ կոիվներով՝ այն վերածել երկրորդական տերության: Իրականում գեներալ Դենիկինի արշավանքի նպատակն էր նոր հիմքերի վրա վերականգնել Ռուսաստանը և Ռուսական կայսրության գերագույն իշխանությունը Անդրկովկասում, ինչի մասին գեներալն իր հուշերում գրել է. «Կովկասում պայքարի գլխավոր, կամ ավելի շուտ միակ պատճառը եղել է միասնական Ռուսաստանի և կովկասյան նոր կազմավորումների լիակատար անկախության գաղափարների միջև բախումը: Ողջ մնացածը ընդամենը եղել է միայն խոշոր կամ մանր, նշանակալից կամ ոչ նշանակալից շարժառիթ»¹¹:

1918 թ. Ռուսաստանում ընթանում էին արյունահեղ քաղաքացիական կռիվներ, համառ պայքար՝ բոլշևիկների և սպիտակգվարդիականների միջև:

Ստեղծված բարդ և խճճված իրավիճակում Հայաստանի Հանրապետության քաղաքական առաջնորդները հարկադրված էին հաշվի նստել թե՛ մեկ, և թե՛ մյուս կողմի հետ՝ աշխատելով հասնել նրանց քաղաքական-դիվանագիտական ճանաչմանը: Որոշակի հանգամանքներում ակնկալելով նաև նրանց ռազմաքաղաքական աջակցությանը՝ մասնավորապես այդպիսի ակնկալիքներ ունենալով Դենիկինի Ռուսաստանից: 1918 թ. սեպտեմբերին գեներալ Ա. Դենիկինը փոխարինեց գեներալ Մ. Ալեքսեևին՝ ստանձնելով Կամավորական բանակի ղեկավարությունը: Ա. Դենիկինը ոչ միայն Դոնի և Կուբանի հացառատ երկրամասերի ողջ քաղաքացիական և ռազմաքաղաքական իշխանությունը կենտրոնացրեց իր ձեռքում, այլև իրականացրեց վերադասավորումներ հրամանատարության կազմում և փոփոխություններ մտցրեց զորքի ղեկավարման, ռազմավարական ծրագրերում: Ռուսաստանի Հարավի զինված ուժերի կենտրոնացումով գեներալ Դենիկինը ձեռնամուխ եղավ վճռական քայլերի՝ միավորելով բոլոր հակախորհրդային ուժերին: Ա. Դենիկինի գլխավորած զորքերի հրամանատարությանն առընթեր ստեղծվեց մի կարևոր կառույց՝ «Հատուկ խորհրդակցություն», որն ուներ քաղաքական-հետախուզական գործառնություններ և, ի դեմս Հայաստանում ռազմաքաղաքական շրջաններում հայտնի գնդապետ Մ. Զինկևիչի և մի շարք այլ ռուս սպաների՝ Հայաստանի Հանրապետությունում ունեցավ իր ներկայացուցիչն ու

հենարանը: Վերջինս արդեն 1920 թ. կեսերին դարձավ Հարավի զինված ուժերի՝ Կամավորական բանակի զինվորական-քաղաքական ներկայացուցիչը ՀՀ-ում և բազմիցս աջակցեց հայկական կողմին զենքի ու զինամթերքի հայթայթման, այլուրի և պարենի պաշարներ ստանալու հարցում, ունենալով հստակ բացասական-ժխտողական դիրքորոշում Ադրբեջանին տրամադրվող ռազմական աջակցության խնդրում:

Հայաստանի Հանրապետությունը Կամավորական բանակի կողմից դիտարկվում էր որպես բարեկամ պետաքաղաքական կազմավորում, այն դեպքում, երբ Վրաստանը և Ադրբեջանը ոչ բարեկամ, թշնամական կազմավորումների ցուցակում էին: Բացի այդ, Ա. Դենիկինը Վրաստանի հետ սահմանային-տարածքային հարցերում գտնվում էր պատերազմական իրավիճակում, և այդ հակամարտությունը առավել ցայտուն արտահայտվեց 1918 թ. վրաց-հայկական պատերազմի ժամանակահատվածում: Ոչ վաղ, քան 1918 թ., ինչպես փաստում է Ն. Սամխարաձեն, Վրաստանը բանակցություններ սկսեց Սպիտակ գետերալ Դենիկինի հետ՝ վերջինիս կողմից կազմված Կուբանի Հանրապետության և Վրաստանի սահմանները որոշելու համար: Կուբանի Հանրապետությունը պահանջում էր Մոզիի և Արխագիայի շրջանը և նույնիսկ ռազմական գործողություններ էր ձեռնարկել Գագրան գրավելու համար, սակայն ետ վանվեց վրացական զորքերի կողմից, որոնք հսկողություն էին սահմանել Մոզիի շրջանի վրա և կանգնեցրել էին Դենիկինին: Վարվող բանակցությունները ձախողվեցին¹²: Այդ հարցում կարևոր դեր խաղացին Անտանտի ռազմաքաղաքական ներկայացուցիչները, որոնք աշխատում էին թույլ չտալ, որ Դենիկինը դուրս պրծնի իրենց ռազմավարական հաշվարկների շրջանակից՝ Դենիկինի համար գերխնդիր սահմանելով բոլշևիկյան Ռուսաստանի ջախջախումը: Այսպես թե այնպես, Վրաստանը և Ադրբեջանը, որոնք բարեկամական եզրեր ունեին միմյանց հետ, Ա.Դենիկինի Հարավի զինված ուժերի հետ գտնվում էին թշնամական հակադրության վիճակում:

Իրավիճակը լուրջ էր: Դենիկինի զորքերը գրավելով Հյուսիսային Կովկասը, կանգնեցին Ադրբեջանի և Վրաստանի սահմանագծին: Ըստ Մ. Բախտաձեի՝ Հայաստանի որդեգրած դիրքորոշումը, տվյալ իրավիճակում, ճիշտ չէր և անընդունելի էր հակաբոլշևիկյան-հակառուսական դիրքորոշում որդեգրած Վրաստանի և Ադրբեջանի համար: Իհարկե, ըստ Սամխարաձեի, Դենիկինն ուղղակի չէր սպառնում Հայաստանին: Սակայն Ն. Սամխարաձեն պնդում է, թե պետք չէր մեծ մարգարե լինել՝ կանխատեսելու համար, թե Հայաստանի ճակատագիրը Վրաստանի և Ադրբեջանի հնարավոր զավթումից հետո ինչ էր լինելու¹³, ինչում նա սխալվում էր, քանզի հետագա պատմաընթացքը նման ապացույցներ չտվեց: Դեռ ավելին, ի պատասխան Վրաստանի և Ադրբեջանի միացյալ ընդհանուր ճակատի՝ զենեքալ Ա. Դենիկինը տնտեսական բլոկադա հայտարարեց այդ երկու երկրներին, և իր 1919 թ. նոյեմբերի 19-ի № 171 հրամանում հայտարարագրեց հետևյալը. «Ես չեմ կարող թույլ տալ Վրաստանի և Ադրբեջանի ինքնակոչ կազմավորումներին,



Աստուր Դենիկին

որոնք առաջացել են ի վնաս Ռուսաստանյան պետության շահերի, և հանդիսանում են Ռուսական պետության բացահայտ թշնամի, ստանալ պարենամթերք բոլշևիկներից ազատագրված շրջաններից»¹⁴: Ֆ. Կազեմզադեն այդ առումով նշել է, թե Հայաստանի Հանրապետությունը շարունակեց մնալ Դենիկինի գործոն-սաթելիտը Հարավային Կովկասում¹⁵: Իսկ արդեն Ադրբեջանի արտգործնախարար Մ. Յու. Ջաֆարովը ելույթ ունենալով պառլամենտում նշել է. «Հայկական հանրապետության վերաբերմունքը ռազմական պաշտպանական կոնվենցիայի կնքման նկատմամբ քիչ այլ էր: Նրա կառավարությունը ենթադրում էր, որ մինչև անկախությունը՝ անհրաժեշտ է լուծել ընդհանուր պաշտպանության հարցը, անհրաժեշտ է առաջին հերթին պարզել տարածքային վեճերը և հարցերը... Հայկական պատգամավորների այդ վերաբերմունքը դրդեց Վրաստանին և Ադրբեջանին գնալու միմյանց հետ սեպարատ համաձայնության»¹⁶:

Ադրբեջանը, Ա. Դենիկինի տեսանկյունից կրոնական միավոր էր¹⁷, որի ճանաչման խնդրում բացասական դիրքորոշում էր իշխում: Ա. Դենիկինի Կամավորական բանակի հզորացման մեջ թե՛ Վրաստանը, և թե՛ Ադրբեջանն իրենց սպառնացող վտանգ էին տեսնում: Ելնելով դրանից այս երկու երկրները քայլեր էին ձեռնարկում ընդդեմ Դենիկինի՝ ստեղծելու ռազմաքաղաքական պաշտպանական դաշինք, չնայած վերջիններիս հավաստիացրել են, որ իրենց գլխավոր թշնամին բոլշևիկյան Ռուսաստանն է: Իր հերթին, Հայաստանի Հանրապետությունը Ռուսաստանի հարավի զինված ուժերի հետ պահպանում էր հնարավորինս բարյացակամ ռազմաքաղաքական հարաբերություններ: Ի տարբերություն Հայաստանի Հանրապե-

տության հետ մշտապես տարածքային սահմանազատման հարցերում լարվածության մեջ գտնվող Ադրբեջանի և Վրաստանի՝ Ա. Դենիկինը ռազմական և պարենային-տնտեսական բնույթի աջակցություն էր ցուցաբերում Հայաստանի Հանրապետությանը։ Ա. Դենիկինի գլխավորած հրամանատարությանն առընթեր ստեղծված «Հատուկ խորհրդակցությունը» ևս Հայաստան-Կամավորական բանակ հարաբերությունների կիզակետում էր։ Բացի այդ, «Հատուկ խորհրդակցությանը» կից գործում էր ՀՀ դիվանագիտական ներկայացուցիչ Հովհաննես Սադաթյանը¹⁸։

Այդուհանդերձ, 1919 թ. հունիսի 16-ին Վրաստանի և Ադրբեջանի միջև ձևավորվեց ռազմաքաղաքական դաշինք, որի սուր նետերն անմիջականորեն ուղղված էին ընդդեմ Ա. Դենիկինի գլխավորած Կամավորական բանակի։

Հարաբերություններն ավելի զարգացան սպասելով գեներալ Դենիկինի ռուսական սպիտակ զորքերի հարձակմանը, երբ երկու երկրների արտաքին գործերի նախարարները 1919 թվականի հունիսի 16-ին Թբիլիսիում ստորագրեցին ադրբեջանա-վրացական փոխադարձ պաշտպանության պայմանագիր։ Այդ համաձայնագրի կնքումից հետո զգալի քանակի զինամթերք և բանակային ճութակոշիկներ տեղափոխվեցին Վրաստանից Ադրբեջան, մինչդեռ վերջինս վրացական բանակին մատակարարում էր հացահատիկ նավթ ու նավթամթերք¹⁹, անգամ վրաց սպաներից շատերը ծառայության անցան ադրբեջանական բանակում։

Ռազմավարական դաշինքի ստեղծման գաղափարը ձևավորվել է դեռևս անկախության սկզբնական ժամանակաշրջանից։ Այն հիմնված էր իբր թե «խաղաղության և կայունության նախաձեռնությունների և էքսպանսիոնիստական պատերազմների մերժման վրա», ինչի մասին այսօր պնդում են ադրբեջանցի պատմաբանները։ Թեև 1918-1919 թվականներին Ադրբեջանն ու Վրաստանն էլ ունեին չլուծված տարածքային խնդիրներ, թեև նրանք երբեք չեն կովել միմյանց հետ։ Երկկողմանի խաղաղությունն ու կայունությունը խթանվել է միմյանց և օսմանցիների հետ խաղաղության համաձայնագրերի կնքմամբ։ Նայելով երկու երկրների միջև պաշտպանական պայմանագրի բովանդակությանը, որին միանալու հրավեր էր ստացել նաև Հայաստանը, պարզ է դառնում, որ խաղաղ հարաբերություններ կառուցելը և տարածաշրջանն օտար ներխուժումներից պաշտպանելը քողարկիչ գործոններ էին երկու երկրների իրական ծրագրերի իրականացման համար։ Դատելով ադրբեջանցի հեղինակների պնդումներից, այդպիսի մոտեցում դրսևորվեց նաև Ադրբեջանի խորհրդարանում 1919 թ. հունիսի 27-ին՝ Մամեդ Յուսիֆ Ջաֆարովի ունեցած ելույթում։ Ադրբեջանի արտաքին գործերի նախարար Մամեդ Յուսիֆ Ջաֆարովը, խոսելով ադրբեջանա-վրացական պաշտպանական պայմանագիրը հետագա բարեփոխումների ենթարկելու մասին, ընդգծել է, որ Վրաստանն ու Ադրբեջանը կարող են կորցնել իրենց անկախությունը, բայց քանի որ նրանք ապրելու են հարևանությամբ ստորագրված համա-

ձայնագիրը երկու կողմերի համար կարող է ունենալ մեծ արդյունավետություն և խոստումնալից լինել հարևան հանրապետությունների ապագայի համար։ Դժգոհելով, թե Նիկոլայ II ցարի ժամանակ իրենք տեսան, որ կովկասյան ժողովուրդներն ի վիճակի չեն գոյակցելու, ու իրականում ուզում են ոչնչացնել միմյանց, համաձայնագիրը փաստում է, որ եթե Կովկասի ժողովուրդները վտանգների ենթարկվեն վատ իրավիճակներում, նրանք կարող են մի կողմ դնել իրենց ներքին խնդիրները և գոյակցել որպես հավասար կամ մահանալ²⁰։

Ադրբեջանցի հեղինակները եզրակացնում են, որ նման քայլով, որն իրականացավ գրեթե մեկ դար առաջ՝ 1919 թվականի հունիսի 16-ին, Ադրբեջանը և Վրաստանը անկախության առաջին շրջանում կնքեցին մի համաձայնագիր, որով երկու երկրները պայմանավորվեցին արտաքին սպառնալիքներից փոխադարձ պաշտպանության մասին, մասնավորապես՝ գեներալ Անտոն Դենիկինի Սպիտակ գլարդիայից՝ Ռուսաստանի Հարավի զինված ուժերի կողմից սպառնացող վտանգից, որը, ըստ Ադրբեջանի պատմաբանների հայեցակարգի, իրական վտանգ էր ներկայացնում նորանկախ Ադրբեջանի և Վրաստանի կայացման համար։ Թեև ըստ ադրբեջանցի հեղինակների, 1919 թ. համաձայնագրով նախատեսված համագործակցությունը այլ կերպ, այլ հիմքերի վրա էր կառուցված, այն նախատեսեց գործարկել Ադրբեջանի և Վրաստանի պաշտպանության նախարարությունների կողմից մարմին, որը ներառեց բարձրաստիճան զինվորական՝ մեկական ներկայացուցիչ Ադրբեջանից և Վրաստանից, որոնցից մեկը փոխադարձ համաձայնությամբ ստանձնում էր նախագահությունը։ Ստեղծված Խորհուրդը վերահսկում էր հակառակորդի ռազմական գործողությունների վերաբերյալ հետախույզությունը՝ ծանոթանալով պաշտպանական պլանների մշակմանը, կառավարելով երկու բանակները մարտական պատրաստության մակարդակում և պլանավորում էր գործերի տեղակայումը։ Եզրահանգելով, ադրբեջանցի պատմաբանները կարծում են, որ, այսօրվա իրողությունների մեկնակետից, 1919 թ. կեսերին կնքված այս տեսակի պաշտպանական դաշնագրի փորձն ուսանելի է, մասնավորապես՝ համատեղ խորհրդի ստեղծման առումով, որ այն այսօր էլ կարող է օգտակար դասեր տալ²¹։

Ադրբեջանա-վրացական մերձեցման առաջին քայլերն արվել էին 1918 թվականի հունիսի 21-ին, երբ Վրաստանի վարչապետ Ն. Ռամիշվիլին Մ. Յ. Ջաֆարովին առաջարկել էր նախկին հարավկովկասյան կառավարության ունեցվածքը բաժանել Ադրբեջանի և Վրաստանի միջև, գրեթե շրջանցելով հայկական կողմին։ Բնականաբար, փոխշահավետ այս կապերը հետագա դրսևորումներ ունեցան թե՛ 1919 թ. հունիսի 16-ի պայմանագրի կնքման ժամանակահատվածում, և թե՛ այնուհետ։

Այս առումով բազմանշանակ է Վրաստանի արտաքին գործերի նախարար Եվգ. Գեգեչկորու ելույթը՝ հունիսի 22-ին պայմանագրի վավերացման առիթով հիմնադիր խորհրդարանի պատգամավորների հետ

հանդիպման ժամանակ. «Այս ամբիոնից կառավարության անունից ասվել է ավելին: Մեկ անգամ չէ, որ ասվել է, որ մեր ողջ գործունեության և միջազգային քաղաքականության հիմնական ուղղությունը, որի շուրջ պտտվում է մեր ողջ քաղաքական և վարչական էներգիան, բարիդրացիական հարաբերություններն են Անդրկովկասում ապրող ժողովուրդների հետ... Մեր նախաձեռնությամբ, մեր պնդմամբ ապրիլի 26-ին չորս ազգերի ներկայացուցիչներ հավաքվեցին համաժողովում (նկատի ունենալով Վրաստանի, Ադրբեջանի, Հայաստանի և Լեռնային Հանրապետության ներկայացուցիչներին: Վ.Վ.)... Սա այն ընդհանուր հիմքն է, որը միավորում է մեզ, և մենք պետք է ստեղծենք մի ամբողջություն հարևան ազգերի հետ միասին... Կովկասյան կոնֆերանսը չլուծեց այս հարցերից ոչ մեկը... Ես չեմ պատրաստվում վիճել հիմա, թե ով է մեղավոր դրա համար, անաչառ պատմությունն ի վերջո կասի, ով կամա թե ակամա միջամտեց այս հարցի լուծմանը, սա միայն առաջին քայլն է: Այստեղ միայն երկու ժողովուրդ է միավորվել ընդդեմ ընդհանուր թշնամու, այս պայմանագիրն ուղղված է միայն այս երկու հանրապետությունները և նրանց ժողովրդավարությունը ոչնչացնել ցանկացողների դեմ: Այս պայմանագիրն ուղղված է այն ուժի դեմ, որը կփորձի իր կամքը պարտադրել մեր ժողովուրդներին: Սա պաշտպանական ակտ է, և դա ակնհայտորեն երևում է: Այս դաշինքն ուղղված է արտաքին ուժերի դեմ, որոնք կցանկանան տապալել մեր հանրապետությունները, եթե որևէ մեկը ցանկանա օգտագործել մեր ընդհանուր իրավիճակի սրումը: Վրաստանի կառավարությունն օգտագործում է այս համաձայնագիրը միայն իր շահերը պաշտպանելու, ժողովրդին ցանկացած սպառնալիքից պաշտպանելու համար, անկախ նրանից, թե որտեղից է այն գալիս»²²:

Այն, ինչ Վրաստանի արտգործնախարարը դիվանագիտորեն ընդգծեց և ուղակիորեն չասաց, անմիջականորեն հստակ ասվեց ադրբեջանական մամուլում: Ահա թե ինչ է գրում «Ադրբեջան» թերթը. «Անդրկովկասյան ժողովրդավարության կյանքում նոր շրջան է սկսվում: Տարբերակումների ժամանակաշրջանն իր տեղը գիշում է դաշնություններին:

Այս պայմանագրի բովանդակությունից ընթերցողը կտեսնի, որ այս պայմանագրի նպատակը զուտ պաշտպանական է: Նման պայմանագրի անհրաժեշտությունը թելադրված է վերջին իրադարձություններով, երբ Դենիկինը սկսեց կտրուկ սպառնալ երկու հանրապետություններին: Եթե այս սպառնալիքի պայմաններում միայն երկու հանրապետությունները կարողացան միմյանց հասկանալ և պայքարի համար ընդհանուր լեզու գտնել, դա բացատրվում է նրանով, որ, առաջին հերթին, այս երկու ժողովուրդներն են ուղղակի սպառնալիքի տակ, և երկրորդը, որ չնայած որոշ թյուրիմացություններին, թուրքերի և վրացիների միջև միշտ ավելի շատ եղել է ավանդական բարեկամություն, քան ատելություն: Պայմանավորվող հանրապետությունները մեծ էներգիա են ծախսել, որպեսզի երրորդ անդրկովկասյան ազգը, ի դեմս Հայաստանի կառավարության, մասնակցեր այս միությանը:

Ցանկությունը մնաց միայն ցանկություն: Պայմանագիրը կնքեցին Ադրբեջանի և Վրաստանի ներկայացուցիչները, ինչի համար մենք մեղավոր չենք: Այն, որ մենք չենք ցանկանում, որ Հայաստանը մեկուսացվի, վկայում է պայմանագրում ներառված կետը, որը Հայաստանին դեռևս հնարավորություն է տալիս անդամակցելու մեր միությանը: Այս պատմական փաստն ավելի թանկ է, քանի որ ամրապնդում է ավանդական բարեկամությունը և մշտական համագործակցությունը հարևան ժողովուրդների միջև»²³:

Սակայն հենց ադրբեջանցի պատմաբանները խոստովանում են, որ թեև վրաց-ադրբեջանական պաշտպանական պայմանագիրը ստորագրվեց իրականում այն չաշխատեց: Ադրբեջանի հայտնի քաղաքական գործիչ Է. Ռասուլ-Ջադեն այս կապակցությամբ պնդում է, որ, այդուհանդերձ. «ադրբեջանական ժողովուրդը եկել է այն մտքին, որ իր ազգային գոյության պաշտպանությունը Անկախ Համադաշնային Կովկասի քաղաքական համակցության մեջ է, որ դրանից դուրս իր համար փրկություն չկա, որ այդ սկզբունքը մասամբ է իրականացվել վկայակոչելով Վրաստանի և Ադրբեջանի միջև կնքված ռազմապաշտպանական դաշինքը»²⁴:

Այսպիսով, ըստ 1919 թ. հունիսի 16-ի պայմանագրի, որին հետագայում հաջորդեցին այլ փոխպայմանավորվածություններ ևս, կողմերը պարտավորվում էին բոլոր զինված ուժերով և միջոցներով համատեղ հանդես գալ ընդդեմ ամեն տեսակի հարձակման, ինչը հիշատակված հանրապետություններից որևիցե մեկի անկախությանը կամ տարածքային անձեռնմխելիությանը կարող էր սպառնալ: Վերապահում անելով, որ այն չի տարածվում սահմանափակված լրա, որոնք կարող էին ծագել անդրկովկասյան հանրապետությունների դեռևս չավարտված տարածքային սահմանազատման հետևանքով²⁵: Այդ մասին «Кавказское слово»-ն արձագանքում է՝ հետևություն անելով, որ այն ուղղված չէր Հայաստանի դեմ: Կարծելով, որ սահմանային բախումները, որոնք կարող են ծագել անդրկովկասյան հանրապետությունների դեռևս չավարտված տարածքային սահմանազատման հոդի վրա, թույլ չեն տալիս Հայաստանին կասկածելու ոչ բարյացակամության մեջ, և, ի վերջո, հայկական քաղաքական առաջնորդները, հասկանալով այդ մեկուսացվածության վնասակարությունը, լեռնականների հետ միասին կհարեն վրաց-ադրբեջանական դաշինքին: Հայաստանը աննպատակահարմար գտնելով վրաց-ադրբեջանական դաշնագրին հարելը և անմիջական անդամակցությունը, լավագույն ելքը համարեց չեզոքությունը, որպեսզի աղետներից բզկտված հայոց երկիրը հնարավորինս զերծ պահեր նոր արյունոտ բախումներից և աղետներից: Ինչպես հայտարարել էր Թիֆլիսում ՀՀ դիվանագիտական հավատարմատար Լ. Եվանգուլյանը 1919 թ. հուլիսի 5-ին Վրաստանի արտգործնախարարին ուղղված իր պաշտոնագրում, Հայաստանը «Վրաստանի հանրապետության և Կամավորական բանակի միջև նոր բախումների պայմաններում պահպանելու է ակտիվ չեզոքություն, որ ինչպես Վրաստանի և Հայաստանի, այնպես էլ

անդրովկասյան բոլոր քաղաքական կենցաղավարության և անդրովկասյան բոլոր պետությունների տարածքային շահերին վերաբերող հարցերը չուծվեն զենքի ուժով, այլ համաեվրոպական վեհաժողովի»²⁶։ Այնուամենայնիվ ներքին լարվածությունը անդրովկասյան հանրապետությունների փոխհարաբերություններում մնաց առկախված վիճակում, վստահության մթնոլորտ գոյություն չունեի, յուրաքանչյուրը ներքուստ իր մտտեցումն ուներ։

Այս առումով բնութագրիչ է եղել 1919 թ. ապրիլ-մայիսին Թիֆլիսում ընթացած կոնֆերանսում Ն. Ռամիշվիլու ելույթը, որում բացահայտվել են վրացական կողմի նպատակադրումները և ռազմաքաղաքական շարժառիթները. «Դենիկինը կհարձակվի, քանզի դեռ չի հասել Վրաստանի հետ համաձայնության։ Ես պետք է հայտարարեմ, որ մեր կողմից պաշտպանության համար անհրաժեշտ նախապատրաստություններն արդեն կատարված են, քանի որ պարզ է, որ խոսքը ոչ միայն սահմանավեճերի մասին է։ Սոչիի ուղղությամբ գործողություններին զուգընթաց, Դենիկինը հարձակվել է լեռնականների վրա։ Պարզ է՝ քանի որ Փարիզի կոնֆերանսում քննարկվում է Ռուսական հարցը, Դենիկինը ջանքեր է գործադրում Կովկասի և Անդրկովկասի զավթումով Փարիզի կոնֆերանսին կանգնեցնել կատարված փաստի առջև»։ «Իմ կառավարությունը կարծում է, որ մենք պետք է ձգտենք պաշտպանել անկախությունը, այլապես մեր հետ կպատահի նույնը, ինչ և Գորսկի (Լեռնականների) հանրապետության հետ։ Մենք ենթադրում ենք, որ ստեղծված իրավիճակի պայմաններում պետք է զենքը ձեռքներիս պաշտպանենք մեր անկախությունը և, հետևաբար, հավանություն տալով դեպի հյուսիսային սահմանները գործերի առաջխաղացման իմաստով Ադրբեջանական կառավարության գործողություններին, հետագայում ևս մտադիր ենք բոլոր ուժերով աջակցել Ադրբեջանական կառավարությանը իր գործողություններում՝ ընդդեմ Կամավորական բանակի։ Մենք հույս ունենք, որ Ադրբեջանը մեզ կաջակցի»²⁷։

Թիֆլիսում ՀՀ դիվանագիտական ներկայացուցչության Տեղեկատու բյուրոյի պետ Մելիք-Քարամյանը 1919 թ. հունիսի 29-ին ներկայացնում է այն տրամադրությունները, որ իշխում էին Թիֆլիսում՝ կապված ադրբեջանա-վրացական ռազմապաշտպանական դաշինքի հետ. «Սույն թվականի հունիսի 22-ի նիստում Վրաստանի Սահմանադիր ժողովը վավերացրեց Վրաստանի և Ադրբեջանի միջև կնքված զինվորական դաշնակցությունը։ Վրացական մամուլը իր կառավարության այդ քայլը համարում է խոշոր պատմական մի ակտ, որն ամուր հիմքերի վրա է դնում Վրաստանի գոյությունը և անկախությունը։ Այդ առթիվ մենշևիկների օրգան «Էրթօբա»-ն, բացատրելով այդ դաշնակցության իմաստը, իմիջիայլոց ասում է. «Այն ոչ ոքի դեմ չէ ուղղված, ոչ ոքի համար երկյուղ չի ներկայացնում և ոչ ոքի քունը չի կարող խանգարել»։ Հետո, խոսելով Հայաստանի մասին, ասում է. «Նա (Հայաստանը- Վ.Վ.) միշտ խույս էր տալիս և այսօր էլ խույս է տալիս իր հարևանների հետ որևէ

համաձայնության գալուց, բայց վրաստանի և Ադրբեջանի միջև կնքված դաշնակցության մտքերից մեկն էլ այն է, որ դաշնակցական կուսակցության զգվելի հատկությունները միշտ էլ հաջողություն չեն գտնում, և Հայաստանի կառավարությունը ստիպված կլինի կանգնելու պաշտպանողական քաղաքականության գծի վրա»։ Այսպես ոչ ոքի դեմ չուղղված դաշնակցությունը ուղղված է միայն Հայաստանի դեմ և պետք է ստիպի նրա կառավարությանը հարելու այդ դաշնակցության»²⁸։

Եվ դեռ ավելին։ Այդ նույն գրության մեջ բերվում է վրաց ազգայնական-քաղաքական մամուլի վերաբերմունքը։ Ազգայնական մամուլը ավելի պարզ է արտահայտվում գինակցության իսկական դրդապատճառների մասին, նա Վրաստանի բախտը կապում է նրա «բարեկամ մահմեդականների և համիլամական շարժման հետ»։ Ահա թե ինչպես է պարզում դաշնակցության իսկական իմաստը ազգային դեմոկրատների «Կոդէ»-ն. «Մենք հաշվի ենք առնում այն կատաղի որոտը, որ լսվում է այսօր հեռավոր Ասիայից։ Հնդկաստանը, Աֆղանստանը, Եգիպտոսն ու Պարսկաստանը կազդուրվում են, ամրապնդվում, կազմակերպվում և օգնություն խոստանում անարգված և Փարիզի կոնֆերանսի ձեռքով հաշմանդամ դարձած Թուրքիային», և քանի որ «Ասիան և մահմեդականները երկար դարերի ընթացքում պահպանել են Վրաստանի գոյությունը», ուստի և «Ռուսաստանի ստրկական լծից ազատված վրացիները հիշեցին իրենց բարեկամ մահմեդականներին, որոնք սպասում էին նրանց ձեռք մեկնած»։ Այսպես վրաց ազգայնական քաղաքական շրջանակները Ադրբեջանի միջոցով համախալամական կողմնորոշում են հաստատում Վրաստանի համար։

Իհարկե, «Գրուզիա» և «Մաքարթվելո» թերթերում կառավարության ներքին թշնամիներին սանձելու հաճախակի կոչերը (այսինքն հայերին -Վ.Վ.) սովորական երևույթներ են²⁹։

Իսկ այդ իրավիճակում Վրաստանը և Ադրբեջանը բոլոր ջանքերը գործադրեցին, որպեսզի Հայաստանի Հանրապետությանը ևս ներքաշեն իրենց կողմից նախաձեռնած այդ գործընթացներում, որոնք ամենևին էլ չէին բխում Հայաստանի ռազմաքաղաքական շահերից։ Հայկական կողմն ընդդեմ Ռուսաստանի չէր կարող հանդես գալ, թեկուզև դա Սպիտակ Ռուսաստանն էր³⁰։ Այն քաղաքական առումով ոչ մի կերպ դրական չէր ընկալվում հայկական քաղաքական-կուսակցական շրջանակներում։ Պետք է նկատի առնել նաև այն կարևոր հանգամանքը, որ Ռուսաստանի հարավում ծվարել էին Եղեռնից մազապուրծ հազարավոր հայ գաղթականներ, որոնց աջակցության հարցին, առանց Կամավորական բանակի, հնարավոր չէր ընթացք տալ։ Գտնվելով որոշակի բարյացակամ ռազմաքաղաքական հարաբերությունների մեջ Ռուսաստանի Հարավի զինված ուժերի և նրա ղեկավարության հետ՝ ՀՀ կառավարությունը ակնկալում էր լուծել մի շարք կարևոր խնդիրներ՝ ապահովել Դոնից և Կուրանից Հայաստանի համար կենսական նշանակություն ունեցող հացահատիկային պաշարների, զենք ու զինամթերքի

և այլ ապրանքների ներկրումը Հայաստան: Հետևաբար, ստեղծված պարենային փակուղային ճգնաժամի իրավիճակում Հայաստանի Հանրապետությունը չէր կարող հրաժարվել իր համար որոշակի առումով շահավետ քաղաքական, տնտեսական և ռազմական հարաբերություններից Ա. Դենիկինի Կամավորական բանակի հետ և կուրորեն միանալ վրաց-ադրբեջանական ռազմական դաշինքին, որը կհանգեցներ Կովկասյան տարածաշրջանում և նրա շուրջ Հայաստանի Հանրապետության աշխարհաքաղաքական անցանկալի և վտանգալից մեկուսացմանը, կունենար ռազմաքաղաքական անկանխատեսելի բացասական հետևանքներ: Առավելևս, որ բոլշևիկյան Ռուսաստանն էլ դեռ բավականաչափ հզոր չէր՝ ազդելու կովկասյան, և հատկապես հայաստանյան ռազմաքաղաքական իրողությունների վրա: Նա դեռ հեռու էր և դեռ թույլ վճռապես ազդելու Կովկասում ընթացող իրադարձությունների վրա, ինչը պարզ դարձավ միայն 1920 թ. կեսերին և դրանից հետո: Այլապես ամենևին էլ չէր հրաժարվի դրանք իրագործելուց, ինչպես որ մշտապես ձգտել է անել, իսկ ՀՀ անտանտի դաշնակիցներն էլ առանձնակի ջանքեր չէին գործադրում զսպելու Հայաստանի ագրեսիվ հարևաններին: Ավելին, ՀՀ կառավարչապետ Հ. Օհանջանյանը այս կապակցությամբ այդ օրերին Թիֆլիսում աներկբա հայտարարություն արեց առ այն, որ եթե հարկ լինի ընտրություն կատարելու թուրքերի և Դենիկինի միջև, ապա, իհարկե կնախընտրեն վերջինիս³¹:

1919 թ. սեպտեմբերի 26-ին Թիֆլիսի ՀՀ ներկայացուցիչը ԱԳ նախարարին հայտնում էր, թե մի գեներալից տեղեկացել է, որ Ադրբեջանի Ջինվորական նախարարի օգնական և զորքերի հրամանատար, Ադրբեջանի Ջինվորական նախարար գեներալ Սամեդ բեկ գեներալ Մեհմանդարովը Վրաստանի և Ադրբեջանի միջև կնքված պայմանագրի առիթով եկել է Թիֆլիս, և ասել, որ դժգոհ է Հայաստանի կառավարությունից, որն իր ճյուղավորումն ունի Ղարաբաղում, և աշխատում է այնտեղի ազգաբնակչությանը ապստամբեցնել Ադրբեջանի իշխանությունների դեմ, և եթե Հայաստանի կառավարությունը չդադարեցնի իր վնասակար գործունեությունը Ղարաբաղում, ինքն այնտեղ զորքեր կուղարկի³²:

Դատելով իրադարձությունների զարգացման խորքային գործընթացներից՝ Խորհրդային Ռուսաստանն, անկախ իր վիճակից, ամենևին էլ չէր պատրաստվում մեկընդմիջտ Անդրկովկասը թողնել թե՛ թուրք-գերմանական, և թե՛ բրիտանա-ֆրանսիական տիրապետության ներքո: Դա ակնհայտորեն պարզորոշվեց 1920 թ. կեսերից հետո, երբ բոլշևիկյան Ռուսաստանը գահավիժելով Կովկասյան լեռներից, իջավ Անդրկովկաս և ուղղակի սպասեց հարմար առիթի՝ այն կրկին վերանվաճելու, ինչպես և վճռելու Հայաստանի նոր հեռանկարի հարցը: Իսկ դաշնակիցները, 1920 թ. գարնանից սկսած, իրենց ծրագրերի մեջ հետևողական և վճռական չէին ինչպես բոլշևիկյան Ռուսաստանի, այնպես էլ Ռուսաստանի հարավի իշխանությունների, ռազմաքաղաքական տարբեր կազմավորումների, այդ թվում նախկինում ցարական Ռուսաստանի կազմի

մեջ գտնվող անկախացած հանրապետությունների, ինչպես նաև Թուրքիայի մասնատման հարցում:

Հայաստանի Հանրապետության կառավարությունը վստահ էր, որ Ա. Դենիկինի գլխավորած Կամավորական բանակը Հայաստանի նկատմամբ առանձնահատուկ, եթե ոչ ընդգծված բարեկամական վերաբերմունք ունի: Դենիկինը ոչ միայն բազմիցս համակրանքով էր արտահայտվել հայ ժողովրդի հասցեին, այլև նպաստել հայ սպաների, գեներալի ու զինամթերքի տեղափոխմանը Հայաստան, որոնց կարիքը շատ էր զգացվում: ՀՀ-Կամավորական բանակ ռազմաքաղաքական հարաբերությունները, մասնավորապես 1918 թ. ընթացքում և վրաց-հայկական պատերազմի օրերին, որոշ չափով նպաստեցին ՀՀ կայունացմանը: Այդպիսի վերաբերմունքը ցայտուն երևում է գեներալ Ա. Դենիկինի մի ուշագրավ հրամանի բովանդակությունից. «Նկատի ունենալով ադրբեջանական իշխանությունների թշնամական վերաբերմունքը դեպի ռուս բանակը և նկատի ունենալով ադրբեջանական զորքերի դավադիր հարձակումը Հայաստանի հողերի վրա, հրամայում եմ ադրբեջանական զորքերի մեջ գտնվող ռուսական ծառայության բոլոր սպաներին հեռանալու նրանց շարքերից»³³:

1919 թ. մարտի 10-ին Թիֆլիսում ՀՀ դիվանագիտական ներկայացուցչությանն առընթեր ռազմական կցորդ գեներալ Հ. Քիշմիշյանը Ջինվորական նախարարին ներկայացրած գաղտնի զեկուցագրում հայտնում էր, որ ինքը Թիֆլիսում ՀՀ դիվանագիտական հանձնակատար Լ. Եվանգուլյանի և Ումիկյանի հետ միասին մեկնել է Բաթումի՝ «Կազակ» նավով բերված փամփուշտները, արկերը, հրետանային արկերը, ինչպես նաև բերված ֆրանսիական աներոպաններն ընդունելու և դրանք Հայաստան տեղափոխելու համար: Ասվում էր, որ ժամանելով Բաթումի՝ իրենք ականջալուր են լինում անգլիական հրամանատարության հայտարարությանը, թե իբր իրենք իրավունք չունեն ինքնուրույնաբար թույլ տալու արտահանել փամփուշտները և արկերը: Չցանկանալով այդ գործի խոչընդոտողի դերում լինել՝ թույլտվություն ստանալու հարցումով դիմել են Կ. Պոլիս՝ գեներալ Ջ. Միլին: Թիֆլիսում ՀՀ ռազմական կցորդ գեներալ Հ. Քիշմիշյանը տեղեկացնում էր, որ անգլիական հրամանատարության նման վերաբերմունքի պայմաններում ինքն ու Եվանգուլյանը փոխհամաձայնեցված վճիռ են կայացրել այդ բեռն ուղարկելու Փոթի, սակայն, կապված այն բանի հետ, որ շոգենավի անձնակազմը տրամադրված էր բոլշևիկաբար և սպառնացել էր բեռը ծովը նետել, իրենց կողմից վարձվել է երեք հոգանոց հատուկ պահակազոր, որը երկու կազակների հետ պետք է պահպաներ և հսկեր բեռը մինչև Փոթի հասնելը՝ որպես ուղեկցող ունենալով Կամավորական բանակի մի սպայի և պողպորուչիկ Ումիկյանին, որը պետք է զբաղվեր բեռը Հայաստան ուղարկելու գործով: Անդրադառնալով աներոպանների [օդանավ-Վ.Վ.] հարցին՝ գեներալ Քիշմիշյանը հայտնում էր, որ անգլիական հրամանատարությունը դարձյալ խոչընդոտներ է հարուցել դրանք Հայաստան տեղափոխելու ճանապարհին՝ կրկին պնդելով, թե պետք է դիմեն գե-

ներալ Ջ. Միլին: Ասվում էր, որ հարցը հանգուցալուծելու նպատակով Եվանգուլյանի և Ումիկյանի հետ միասին տարվող բանակցությունները ոչ մի արդյունքի չեն հանգեցնում, որից ելնելով՝ նրանք խնդրանքով դիմում են ՀՀ զինվորական նախարարի աջակցությանը³⁴:

1920 թ. մարտի 24-ին գեներալ Քիշմիշյանը ՀՀ Գլխավոր շտաբի պետին հայտնում է, որ փամփուշտներով բեռը և արկերը Բաթումի անգլիական հրամանատարության կարգադրագրով նույնիսկ չի թույլատրվել բեռնաթափել նավահանգստում, իսկ «Կազակ» շոգենավն ուղարկվել է ռեյդի Փոթի, որտեղից էլ բեռները պետք է բարձվեին վագոններում՝ Հայաստան ուղարկելու համար³⁵: Արդեն 1920 թ. մարտի 29-ին գեներալ Քիշմիշյանը Վրաստանի Ռազմական նախարարի օգնականին ուղղված պաշտոնագրում հայտնում է, որ համաձայն Ռազմական մինիստր Լորդկիպանիձեի և Եվանգուլյանի բանակցությունների՝ ինքը պատիվ ունի խնդրելու չմերժել գրավոր կարգադրությունը, որպեսզի Վրաստանի կառավարության կողմից խոչընդոտներ չհարուցվեն Վրաստանով տարանցման դեպքում³⁶:

Այդ նույն օրերին, երբ ՀՀ-ի առջև խոչընդոտներ էին հարուցվում, 1920 թ. ապրիլի 1-ին Թիֆլիսում ՀՀ ռազմական կցորդ գեներալ Հ. Ա. Քիշմիշյանը Գլխավոր շտաբի հետախուզական բաժնի պետին, տեղեկացնում է, որ իրեն արժանահավատ աղբյուրներից հաջողվել է պարզել, որ Վրաստանի և Ադրբեջանի միջև կնքվել է լրացուցիչ գաղտնի պայմանագիր այն մասին, որ Ադրբեջանի և Հայաստանի միջև զինված կոնֆլիկտի ծագման պարագայում, բոլոր վրացի սպաները ետ են կանչվելու այդ ճակատից³⁷:

1920 թ. ապրիլի 3-ին Զինվորական նախարարին ներկայացված զեկույցում գեներալ Քիշմիշյանը հայտնում էր, որ Կամավորական բանակից տեղ չեն հասել միանգամայն սարքին 1916 թ. անգլիական արտադրության «Սոպվիչ Տրիպլան»³⁸ 4 կործանիչ աներոպլանները, որոնք ներկալվել են Վրաստանի իշխանությունների կողմից և գտնվում են նրանց անգարներում³⁹:

1920 թ. ապրիլի 5-ին Զինվորական նախարարին ներկայացված զեկույցում գեներալ Քիշմիշյանը հայտնում էր Կամավորական բանակի ուղարկված և «Կազակ» շոգենավով բերված 1.200.000 փամփուշտի և հրետանային զենք զինամթերքի ստացման մասին, որը մարտի 5-ին Բաթումի էր հասել և խոչընդոտների հանդիպել անգլիացիների կողմից: որը Խնդիրները հարթելու համար Քիշմիշյանը և Ումիկյանը մեկնում են Բաթումի՝ ունենալով գեներալ Գեդևանովի հավաստիացումը, որ իր կողմից արված են անհրաժեշտ կարգադրությունները: Մինչ այդ Կամավորական բանակի ներկայացուցիչ գեներալ Պորոխոնսկին ընդառաջում է թույլատրելով Կազակ» շոգենավին ուղևորվել Փոթի՝ պայմանով, որ նավը կապահովվի ածխով, անգլիացիները, սակայն, չեն թույլատրում կանգառել նավահանգստում և նավարկման են ուղարկում: Չի հաջողվում անգլիացիներին համոզել, որոնք այս անգամ էլ պնդում են, որ առանց Վրաստանի կառավարության գրավոր համաձայնագրի չեն կարող բեռները բաց թողնել, ինչը լուծելու համար Ումիկյանն

ուղևորվում է Թիֆլիս և թույլտվություն ստանալու համար տեսակցում Գեդևանովի հետ: Նավը Փոթի է հասնում մարտի 21-ին: Գործի ընթացքին խառնվում է և նոր թյուրիմացության է նպաստում Ժողովրդական զվարդիան, որը հայտարարում է, որ առանց Ն. Ժորդանիայի և Վ. Ջուդելու թույլտվության բեռը բաց չի թողնվի Փոթիից: Ստեղծված իրավիճակում Ումիկյանը մեկնում է Թիֆլիս, և խորհրդական Թումանյանի հետ միասին տեսակցում է ԱԳ մինիստրի օգնական Կարպիվաձեի հետ: Վերջինս հայտնում է, որ չի կարելի տրանզիտով տեղափոխել ռազմական բեռներ, որ իրենք վետո են դրել նաև Ադրբեջանի բեռների վրա: Ումիկյանը վիճարկում է այդ հարցապնդումը՝ ասելով, թե Վրաստանն այդպես է վարվել Ադրբեջանի տրանզիտային բեռների հետ՝ Յալամի կայարանում տեղի ունեցած ինչ-ինչ դեպքերի պատճառով: Կարպիվաձեն հայտարարում է, որ եթե հայկական կողմը Վրաստանին զինքի թեկուզև 50 հազար փամփուշտ իրենք հնարավոր կգտնեն Ադրբեջանին ասելու, որ բեռնն մի մասը բռնագրավել են: Հայկական կողմը սրան պատասխանում է կատեգորիկ մերժումով: Երկու օր անց Կարպիվաձեն տեղեկացնում է, որ բոլոր խոչընդոտները հաղթահարված են, և Ումիկյանն ընդունելության է արժանանում Վրաստանի կառավարության նախագահի կողմից, նրան հայտնելով հարուցվող խոչընդոտների մասին: Ժորդանիան մարտի 26-ին տալիս է իր համաձայնությունը և նրան հանձնում նամակ Մինիստրների խորհրդի քարտուղար Ցինցաձեի ստորագրությամբ, որից հետո Ումիկյանը մեկնում է Փոթի: Սակայն իրադարձությունները կրկին անակնկալ ընթացք են ստանում, քանզի Ումիկյանը դեռ Փոթի չէր հասել, երբ մարտի 29-ին ստացվում է Ժորդանիայի հեռագիրը՝ բեռն անմիջապես Թիֆլիսի զինանոց տանելու մասին: Հայկական պահակազորը հեռացվում է, Ումիկյանից խլում են 14 կողպեքների բանալիները: Ամեն ինչ նորից է սկսվում, Ումիկյանը տեսակցում է Կարպիվաձեի հետ և ստանում նրա հավաստիացումը, թե այլևս խոչընդոտներ չկան և բեռը հայկական կողմը կարող է ստանալ Թիֆլիսից: Մարտի 29-ին գեներալ Հ. Քիշմիշյանը տեսակցում է Գեդևանովի հետ և կրկին բանակցում, որից հետո մարտի 31-ին գեներալ Գեդևանովը կարգադրում է 10 հոգանոց զինված պահակազորին և մի սպայի՝ ուղեկցելու բեռը մինչև Սանահին: Ի վերջո բեռը Հայաստան է հասնում ապրիլի 8-ին՝ չնայած Վրաստանի կողմից հարուցված անթիվ-անհաշիվ խոչընդոտներին⁴⁰:

1920 թ. հուլիսի 1-ին գնդապետ Ռ. Մարտիրոսյանը ՀՀ Զինվորական նախարարության լիազորների անունից տեղեկացնում է Զինվորական նախարարին, որ մայիսի 17-ին, հրամանի համաձայն, մեկնել են Ղրիմ՝ Սևաստոպոլ, որտեղ գտնվում էին ռուսական բանակի և ՀՀ դիվանագիտական ներկայացուցչությունները՝ փորձելով գնդապետ Տուրքինի միջոցով պարզել հրետանային վարչության հետ իրենց ունեցած հետաքրքրությունները: Ռուսական կողմը խոստանում է աջակցել այն ամենում, ինչ հնարավոր է: Չնայած Ղրիմում գտնվող ռուսական բանակի դժվարություններին՝ գնդապետ Տուրքինը խոստանում է Հա-

յաստանի կարիքների համար բաց թողնել մեկ միլիոն փամփուշտ, ավելացնելով, որ մի քանի օր անց ինքը հնարավորություն կունենա տրամադրելու ևս 2 միլիոն փամփուշտ⁴²։ Հուլիսի 4-ին Սևաստոպոլ է հասնում նաև պորուչիկ Ումիկյանը, որը, ՀՀ վերոհիշյալ լիազորներից անկախ, Սադաթեյանի հետ միասին նոր պահանջներով պետք է ներկայանար գլխավոր հրամանատարի օգնական գեներալ Պ. Ն.Շատիրյովին։ Հուլիսի 4-ին սեպարատ գործունեության համար Ումիկյանը ենթարկվում է լիազորների ճնշմանը և հարկադրաբար վերջիններիս հայտնում է, որ ՀՀ կառավարության ներկայացուցիչները, հանձինս գեներալ Քիշմիշյանի և ուրիշների, վրաց զինվորական նախարարության հետ Ղրիմից եկած ռազմամթերքը կիսելու համաձայնության են եկել։ Մինչ այդ նրանք որոշել են խոստացված 3 միլիոն փամփուշտը «Ֆենիքս» նավով տեղափոխել՝ ինչպես որ պայմանավորված էր եղել Բաթումիում Երվանդ Տեր-Մինասյանի հետ։ Հայկական երկու պատվիրակությունների իրարից զատ գործելը խնդրահարույց էր, սակայն երկու կողմն էլ ցանկանում էին շուտափույթ լուծել հարցը՝ օգտվելով Վրաստանի ընձեռած տրանզիտից։ Սակայն, բանը դրանով չի ավարտվում, քանզի, ըստ գնդապետ Մարտիրոսյանի, իրենք Ղրիմում հանդիպում են ՀՀ Զինվորական նախարարության մեկ այլ խմբի, կապիտան Անիկի և Մ. Մակարյանի հետ, որոնք լիազորված էին Զինվորական նախարարի կողմից։ Բավարարվածություն էր արտահայտվում, որ Վրաստանի կառավարության հետ իրենց թիֆլիսյան ներկայացուցչության ձեռքբերած համաձայնության շնորհիվ հնարավոր եղավ գլուխ բերել 3 միլիոն փամփուշտի հարցը՝ և այն հավասարաչափ բաժանելով Վրաստանի և Հայաստանի միջև, և ավելին, հաջողվեց որոշակի պայմաններով ստանալ ևս 1 փուլ՝ սնդիկ և 50 փուլ՝ այլումին, վստահեցնելով, որ առաջիկայում հնարավոր կլինի ստանալ ևս մեկ միլիոն փամփուշտ, 5 միլիոն ցրված փամփուշտ, եթե այնուհետ դեպքերի ընթացքը բարեհաջող դասավորվեր Հայաստանի ներկայացուցիչների համար։ Ընդգծվում էր, որ այդ փամփուշտները ստանալու պարտականությունը դրվել է Ումիկյանի վրա, որը մնում էր Ղրիմում, որպեսզի ավարտի կիսատ գործերը։ Բացի այդ, Տուրքիինից խոստում են ստանում, որ մոտ ապագայում իրենց կուղարկվի նաև հազար գնդացի, թնդանոթային ռումբեր, շրապնել և անհրաժեշտ այլ ռազմամթերք⁴³։ Հետաքրքիր է այս կարևոր գործի հետագա ընթացքը։ 1920 թ. հուլիսի 24-ին գործուղման է մեկնում ՀՀ Զինվորական նախարարի օգնականը՝ Գլխավոր շտաբի պետի պաշտոնակատար Բադդասարովը։ Վերջինիս խնդիրն էր պարզելը, թե ինչ ընթացք է ստացել կապիտան Անիկի և Մանաս Մակարյանի գործուղումը։ Զինվորական նախարար Ռ. Տեր-Մինասյանը սույն գործի կապակցությամբ 1920 թ. հուլիսի 27-ին մակագրում է, որ ստուգվի՝ 1) ինչի՞ հիման վրա են իբր արդեն ուղարկված եղել Անին և Մակարյանը, և նրանց զուգահեռ նոր հրահանգներով և նոր պայմաններով ուղարկվել Ումիկյանը, 2) ինչո՞ւ է գործի մեջ հակասություն և երկիշխանություն ստեղծ-

վել, 3) ապա պահանջվում է այդ մասին հայտնել գեներալ Քիշմիշյանին⁴⁴։

1919 թ. նոյեմբերի 11-ին ԱԳ նախարար Խատիսյանը Եվանգուլյանին հայտնում էր, որ զինակոչի ընդհանուր սկզբունքն անհրաժեշտ է տարածել թե՛ ՀՀ բոլոր քաղաքացիների վրա և թե՛ ուրիշ երկրներում բնակվող հայ զինապարտները պետք է ժամանեն Հայաստան և զինվորագրվեն։ Բայց քանի որ «Հպատակության մասին» օրենքը բացակայում էր, Եվանգուլյանին հրահանգվում էր մի բան մտաեղանակ՝ ելնելով տեղական պայմաններից⁴⁵։

1919 թ. նոյեմբերի 11-ին Զինվորական և ԱԳ նախարարներին ուղղված պաշտոնագրում գեներալ Քիշմիշյանը հայտնում էր, որ Ռուսաստանի Հարավի Զինված ուժերի գլխավոր հրամանատարը թույլատրել է զինծառայող հայերին լքել Կամավորական բանակի շարքերը և ուղևորվել հայրենիք՝ հետագա ծառայության համար⁴⁶։

ՀՀ փոխհարաբերությունները Դենիկինի հետ բազմանշանակ էին։ ՀՀ դիվանագիտական ներկայացուցչության ռազմական կցորդ գեներալ-մայոր Հ. Ա. Քիշմիշյանը 1919 թ. նոյեմբերի 21-ի գեկուցագրում տեղեկացնում է գեներալ Ա. Դենիկինի հոկտեմբերի 1-ի հրամանի մասին, ըստ որի, թույլատրվում էր հայ զինվորականներին լքել Կամավորական բանակը և մեկնել հայրենիք՝ հետագա ծառայության համար։ Ինչպես պարզվում է Հ. Սադաթեյանի կողմից Եվանգուլյանին ուղղված նամակից, համաձայնություն էր կայացվել հայ զինծառայողներին տալ գեներալ անհրաժեշտ քանակի փամփուշտով, ընդ որում՝ հիմք կար եզրակացնելու, որ Վրաստանի կառավարությունը խոչընդոտներ չէր հարուցի իր տարածքով անցկացնելու այդ ամենը⁴⁷։ Ինչպես պարզվում է, որոշակի հաշվարկի հիման վրա Դենիկինի մոտից տեղափոխվողների քանակը հասնում էր մոտ 2800 մարդու, որոնք ապահովված էին 3000 հրացանով և ավելի քան 8 միլիոն փամփուշտով⁴⁸։

Դենիկինից ակնկալիքներն անսպասելի չէին, որի մասին Ռուբենը փաստում է հետևյալը. «Անելի շոշափելի օգուտ էր դենիկինյան շրջանից 3.000.000-ի չափ Մոսին-հրացանի փամփուշտ ստանալը։ Դա թեև մեծ թիվ չի երեւում, բայց մեզ հասաւ այն ժամանակ (1920ի Մայիսի վերջերին և յունիսին), երբ մեր պահեստներում ընդամենը ունէինք 150.000 «Մոսին» մակնիշի հրացանի փամփուշտ, այսինքն ոչինչ՝ 10.000 հրացանի համար։ Եթէ այդ ռազմամթերքը չհասնէր, իրող Հայաստանը զինաթափված կարելի էր համարել այդ թուականներին. Այդ փամփուշտները փրկեցին մեզ եւ միջոց տուին հետագա կռիւները առաջ տանել։

Այսպիսի բարեկամական յարաբերությունները կային Հայաստանի և դենիկինցիների միջև, եւ, ինչպէս տեսանք, շոշափելի օգուտներ կը ստանար Հայաստանը այդ յարաբերութիւններից»⁴⁹։

Արդյունքները կարող էին ավելին լինել, եթե չլիներ վրացիների ազգայնամոլությունը և հակադենիկինյան դիրքորոշումը, որի հաստատումը տեսնում ենք կրկին Ռուբենի մոտ. «...Դենիկինի հետ յարաբերութիւնները համակրութիւն ունէր ժողովրդեան լայն խաւերի մէջ,



Ռուբեն Տեր-Մինասյան

ի մասնաւորի զինուորականաց մէջ... մենք կանխիկ սպասելիքներ ունէինք Դենիկինից՝ Հայաստանը ճանաչել տալ, ապահովել նրա իշխանութեան տակ գտնուող հայութիւնը, Հարավային Ռուսաստանից ստանալ մեզի համար կենսական հաց ու ռազմամթերք»⁵⁰: Դենիկինի մոտ գտնվող ՀՀ ներկայացուցիչներ Սաղաթելյանի և այլոց միջոցով, ինչպես նաև Զինկինի ջանքերով և Դենիկինի կամեցողությամբ Հայաստան էին գալիս իբր մարտական ուժ կամ իբր զաղթական եւ այս թոյլտւոթիւնը մեծ նշանակութիւն ունեցաւ... գալիս էին հազարաւոր ուժեր, յաճախ իրենց պարենաւորումով եւ զենքով, ուժեղացնելու Հայաստանը իրենց կարողութեամբ»⁵¹:

Անգամ վրացիները, թեկուզ անուղղակիորեն երբեմն կարծես թե ընդունում էին դա. 1920 թ. հոկտեմբերի հեռագրերից մեկում, ուղղված Վրաստանի ԱԳ նախարարին և վարչապետին, Երևանում Վրաստանի դիվանագիտական ներկայացուցիչ Մախարաձեն հայտնում էր, թե հայկական կառավարությունը իրեն տեղեկացրել է, որ Վրաստանը արգելափակել է Հայաստանի համար նախատեսված փամփուշտները Փոթիում, ավելացնելով, որ դրությունը Հայաստանում կրիտիկական է. թաթարները թուրքերի հետ միասին հարձակվում են Նախիջևանի և Իգդիրի կողմից, մարտեր են զնում, անհրաժեշտ է անհապաղ լուծել փամփուշտների փոխադրման հարցը, որ դրանք պետք են միայն ներքին ճակատի համար»⁵²: «Դժբախտաբար, Վրաստանը դժուարութիւններ էր յարուցանում յաճախ Սեւ Ծովի ափով կամ Դարեալի կիրճով եկող այդ բազմութիւններին. Յաճախ խլում գոյքերը, շաբաթներ այս կամ այն կէտում (Մցխէթ, Գորի եւ այլն) պահում եւ թշուառութեան մատնում, բայց այդ արդէն

դուրս էր դենիկինեան բարեացակամութիւնից եւ կը վերաբերուէր վրացիների անբարեացակամութեան: Այսպէս թէ այնպէս, Հայաստան մտաւ բաւականաչափ մարդ եւ աշխատող ձեռք:

Ճանապարհի վրայ նստած վրացիները ցանկութիւն ունէին բացարձակ չթոյլատրել փոխադրութիւնները. Թէեւ նրանց վրայ կը ճնշէին Դաշնակիցների ներկայացուցիչ Հասկէլը եւ ուրիշներ, թէեւ միւս կողմից դենիկինցիները ատամներ ցոյց կը տային...բայց Վրաստանը կարողացաւ այնքան դժուարութիւններ յարուցանել, որ փոխանակ միլիոնաւոր փութ հաց եւ այլ նիւթեր ստանալու, գուցէ 100.000-ի չհասաւ ուտելիքի մեր ստացածը (որից 30.000ից անէլին՝ սերմնացու, Հասկէլի միջոցով): Ստիպուած էր Հայաստանը, իրեն խոստուացած կամ գնած հացահատիկները հասցնելու համար, տալ վրացիներին եւ կաշառք, եւ տոկոս բերածից, երբեմն 50 առ հարիւրի չափ: Միւս կողմից, դենիկինցիները սկսեցին դանդաղեցնել իրենց օգնութիւնները, տեսնելով որ վրացիք բաժին են առնում դրկածներից, իսկ այդ պարագան նրանց հաշուին չէր գար, քանի որ Վրաստանի հանդէպ էին տրամադրուած», գրում է Ռուբեն Տեր-Մինասյանը⁵³:

Իրավիճակը և ՀՀ-ի հետ ռազմաքաղաքական հարաբերությունները փոխվեցին 1920 թ. սկզբներին, երբ գեներալ Ա. Դենիկինի բանակը ջախջախիչ պարտություն կրեց Կարմիր բանակից, և արդեն օրակարգային դարձավ բոլշևիկյան զորքի կողմից Անդրկովկասի նվաճման խնդիրը, որն էլ իր հերթին օրակարգային խնդիր դարձրեց ՀՀ հարաբերությունների հարցը Խորհրդային Ռուսաստանի հետ: Մեծ Բրիտանիան էլ, իր համար առաջնահերթ համարելով Անդրկովկասի պատնեշումը բոլշևիկներից, անդրկովկասյան հանրապետություններին տրամադրեց բոլշևիկյան Ռուսաստանի դեմ՝ տալով պարենի, զենքի ու զինամթերքի որոշակի պաշարներ, ինչպես նաև ռազմաքաղաքական աջակցության հերթական խոստումներ: Դրա նպատակն էր Կովկասը տարանջատել Ռուսաստանից՝ ամեն կերպ խոչընդոտելով բոլշևիկյան առաջխաղացմանը: Եվ միայն Դենիկինի պարտությունից հետո, ինչը պատահական չէր, հակաբոլշևիկյան պատվարի ստեղծման իրենց հեռահար ծրագրերից ելնելով՝ Աստանտի Դաշնակիցները 1920 թ. սկզբին դե ֆակտո ճանաչեցին անդրկովկասյան հանրապետությունները: Դա իրատեսորեն գնահատեց Ալ. Խատիսյանը. «Նույնիսկ մեր անկախության ճանաչումը Փարիզի Գերագույն խորհրդի կողմից մեզ թվում է նրանց կողմից իբրև մի միջոց բոլշևիզմի դեմ կռվելու համար»⁵⁴:

Ա. Դենիկինի պարտությունից հետո նոր իրողություններ ստեղծվեցին, և Հայաստանի Հանրապետության համար, անկախ իր ցանկությունից ու ունեցած և վարվող ռազմավարությունից, բոլշևիկյան հեռանկարը դարձավ ակնհայտ: Այս հեռանկարը պարզորոշվեց Ադրբեջանի խորհրդայնացումից հետո՝ 1920 թ. գարնանը: Այն բանից հետո, երբ 1920 թ. օգոստոսին վերջին բրիտանական զինվորը հեռացավ Անդրկովկասից և Մեծ Բրիտանիան «ոչ պատահաբար իր տեղը զիջեց» բոլշևիկյան Ռուսաստանին, ակնհայտ դարձավ, որ Անդրկովկասի նոր տերը բոլշևիկյան Ռուսաստանն է:

Անկախ Հայաստանի Հանրապետության կառավարական-քաղաքական շրջանների դեռևս շարունակվող արևմտամետ ձգտումներից և ռազմավարությունից, 1920 թ. աշնանը թուրք-հայկական պատերազմում ջախջախիչ պարտություն կրելուց և դեկտեմբերի 2-ի՝ ՀՀ համար խիստ անցանկալի և ռազմաքաղաքական ծանրագույն հետևանքներ ունեցող պայմանագրի ստորագրումից հետո, բոլշևիկա-քեմալական մերձեցման և ձախողված բոլշևիկա-հայկական բանակցությունների պայմաններում, Հայաստանի Հանրապետությունը կանգնեց խորհրդայնացման անխուսափելիության փաստի առաջ, ինչն էլ իրագործվեց Երևանի համաձայնագրով:

Ինչպես նախկին ցարական, այնպես էլ բոլշևիկյան Ռուսաստանի, և վերջինիս տարածքում ստեղծված ռուսական պետական կազմավորումների, այդ թվում՝ Ա. Դենիկինի Կամավորական բանակի համար հեռահար ռազմավարության տեսանկյունից գերխնդիրը երկրի միասնության և ամբողջականության վերականգնման և պահպանման հարցն էր: Ըստ այդմ՝ նրանք հետևողական էին Անդրկովկասում վարվելիք քաղաքականության հարցում, ուստի ամեն ջանք գործադրում էին Մեծ Բրիտանիային և Անտանտի մյուս տերություններին այդ տարածաշրջանից դուրս մղելու և վճռականորեն այնտեղ հաստատվելու համար: Այս երևույթը ակնհայտ է նաև նորօրյա Ռուսաստանի արտաքին քաղաքական ծրագրերում և ռազմաքաղաքական քայլերում:

Վերադառնալով վրաց-թուրքական հարաբերություններին՝ դրանց խորքային բնույթը լավ է նկատել Թուրքիայում Վրաստանի Դեմոկրատական Հանրապետության լիազոր ներկայացուցիչ Սիմոն Մոխիվանին: 1921 թվականի փետրվարի 8-ին նա Վրաստանի արտաքին գործերի նախարարությանը գեկուցում է, որ հանդիպել է Մուստաֆա Բենալի հետ, ով «շոշափել է մեզ համար հետաքրքիր բոլոր հարցերը», և «բավարար չափով պարզաբանել է այդ հարցերը»: Ս. Մոխիվանին հայտնել էր, որ շուտով բանակցություններ են սկսվելու սահմանների շուրջ, որի մասին փաստաթղթերն ուղարկվել են ռուս-վրացական պատերազմի սկսվելուց երեք օր առաջ: Խորհրդավրացական պատերազմի բռնկումից անմիջապես հետո՝ փետրվարի 19-ի նամակում Սիմոն Մոխիվանին ընդգծում է, որ վրաց-թուրքական հարաբերություններն ակնհայտորեն փոխվել են, որ դեռ անհնար է թուրքերի հետ որևէ պայմանագիր կնքելը, որ իրենց դիրքորոշումը «տարուբերվում է» Լոնդոնի և Մոսկվայի միջև: Նրանք չեն որոշել, թե ինչպես վարվել: Հասկանալի է, որ Թուրքիայի կեցվածքը պայմանավորված էր նրանով, որ սպասում էին Լոնդոնի կոնֆերանսին և ռուս-վրացական պատերազմի արդյունքներին: Թուրքական կառավարությունը մտահոգված էր փետրվար-մարտին Լոնդոնի կոնֆերանսում քննարկվող հարցերի ելքով, որին մասնակցում էին Անտանտի երկրների ներկայացուցիչները, ինչպես նաև Թուրքիան, որը կոչվում էր Հունաստանի դեմ և փորձեց հաշտության ձեռնադրու պայմանագիր կնքել⁵⁵:

Պետք է նկատել, որ վրաց-ադրբեջանական հունիսի 16-ի դաշինքը բավականին կայուն էր, որը սեպ-

տեմբերին ամրապնդվեց նոր պայմանագրով: 1919 թ. հոկտեմբերի 29-ին կնքվեց առաջին թուրք-ադրբեջանական համաձայնագիրը «Թուրք-ադրբեջանական ռազմական միություն» անվամբ, որի 10-րդ հոդվածի «բ» կետով Ադրբեջանը՝ առանց Թուրքիայի թույլտվության մասնավորապես արտաքին քաղաքականության ոլորտում, այլ պետությունների հետ հարաբերվելու իրավունք չունի: Դա համատեղ պաշտպանության, ռազմական համագործակցության և ռազմական միություն ստեղծելու երկկողմ պայմանագիր էր՝ ուղղված Հայաստանի և հայ ժողովրդի դեմ⁵⁶: Այն լրացվեց 1920 թ. ապրիլի 15-ին Էրզրումում ստորագրված թուրք-ադրբեջանական գաղտնի պայմանագրով, որը ձեռք բերվեց ՀՀ հետախուզական ծառայության կողմից, հրապարակվեց 1920 թ. հուլիսի 6-ի ամփոփագրում⁵⁷: Պայմանագիրը վավերացվեց ԱԴՀ զինվորական նախարարի օգնական Ալի աղա Շիխլինսկու և թուրքական 15-րդ բանակի հրամանատար Քյազիմ Կարաբեքիրի կողմից: Երկուսն էլ իրականում ուղղված էին Հայաստանի դեմ⁵⁸:

ՀՀ հետախուզական բաժնի պետին ուղղված հեռագրում գեներալ Քիշմիշյանը հայտնում էր այն մասին, որ Ֆրանսիայի զինվորական ներկայացուցիչ գնդապետ Է. դե-Կորբեյլը խնդրել է թույլ տալ իրեն ծանոթանալու բոլշևիկների և Մ. Բենալի համաձայնության մասին ապացույցների հետ: Այդ կապակցությամբ Քիշմիշյանը խնդրում էր ուղարկել այդ պայմանագրի վերաբերյալ առկա գրավոր ապացույցների և ամփոփագրերի բոլոր պատճենները: Հունիսի 4-ին ստացվում է պատասխան հեռագիրը կապիտան Դեվոյանցի և նրա օգնական, պրավորշիկ Նազարբեկյանի ստորագրությամբ, որում վերջիններս Քիշմիշյանին լիազորում էին դե-Կորբեյլին ծանոթացնել բոլշևիկների հետ Մ. Բենալի համաձայնության մասին բոլոր տեղեկություններին՝ նյութերը վերցնելով հետախուզական ամփոփագրերից: Այդ տեղեկությունները քաղված էին միանգամայն արժանահավատ աղբյուրներից՝ թուրքական 15-րդ կորպուսի հրամանատարի և Զինվորական նախարարի՝ միմյանց հասցեագրված ծածկագրված հեռագրերից: Հենց դա էլ Քիշմիշյանը հունիսի 18-ին կարգադրում է հաղորդել դե-Կորբեյլին՝ ասելով, որ ուղարկվում է թուրք-ադրբեջանական ռազմական միության պայմանագրի պատճենը, որն այդ երկրների միջև ստորագրվել էր 1919 թ. հոկտեմբերի 29-ին: Նրանով թուրքական կողմը պարտավորվում էր կազմակերպել ադրբեջանական բանակը, պատրաստել հրահանգիչներ, սպաներ, մատակարարել զենք ու զինամթերք, չկնքել որևիցե պայմանագիր այն պետությունների հետ, որոնք կլինեին Ադրբեջանի հետ թշնամական հարաբերությունների մեջ⁵⁹:

Ստեղծված իրավիճակը թե՛ Վրաստանը, թե՛ Ադրբեջանը խելամոռորեն և հաշվենկատորեն փորձեցի ծառայեցնել հոգուտ երկու դաշնակից և դրացի երկրների շահերի՝ որի հիմքը 1919 թ. հունիսին և սեպտեմբերին կնքված պաշտպանական բնույթի ռազմաքաղաքական պայմանագրերն էին: ■

Օգտագործված գրականություն

- ¹ Տե՛ս Քաջագունի Հովհ., Բաց նամակ Շ-ին. Թուրքիա, թե՛ Ռուսաստան, Եր., 1990, էջ 15:
- ² Хапчаев Салех, Какагасанов Гаджи-Курбан, Болдырев Юрий, Назарова Ольга. Азербайджанская Демократическая Республика и Горская Республика: история взаимоотношений. 11 мая 1918 г. – 18 мая 1919 г.: Diplomiya Alami: World Of Diplomacy. Journal Of The Ministry Of Foreign Affairs Of Republic Of Azerbaijan № 48, 2018, с. 282.
- ³ Կնյազյան Դ., Ադրբեջանական Դեմոկրատական Հանրապետության կոկկապյան քաղաքականությունը 1918-1920 թթ., Եր., Հեղ. Հրատ., 2008, էջ 25; Армия Азербайджанской Демократической республики, http://www.ourbaku.com/index.php5/Армия_Азербайджанской_Демократической_республики._1918_—_1920. (հղման արված է 05.03.2024 թ.):
- ⁴ Азербайджанская Демократическая Республика. Внешняя политика. (Документы и материалы). Баку, 1998, с.15.
- ⁵ Нагорный Карабах в 1918-1923 гг. Сборник документов и материалов. Отв. ред. В.А.Микаелян. Ереван, 1992, с. 5.
- ⁶ Гасанли Дж. Внешняя политика Азербайджанской Демократической Республики (1918-1920). М., 2010, с.106.
- ⁷ Aliyev Gabil. 100 years of diplomatic service of the Republic of Azerbaijan. In History Role Of Diplomatic Missions In Forging Relations Between The Azerbaijan Democratic Republic And Georgia (1918-1920), IRS, p. 87.
- ⁸ Нифталиев Ильгар, Военно – дипломатическая борьба вокруг Карабаха и Зангезура в период АДР (1918-1920 гг.): Diplomiya Alami: World Of Diplomacy. Journal Of The Ministry Of Foreign Affairs Of Republic Of Azerbaijan № 48, 2018, с. 232; История Азербайджана по документам и материалам. Баку, 1990, с. 285.
- ⁹ Нагорный Карабах в 1918-1923 гг. Сборник документов и материалов, с. 38.
- ¹⁰ Азербайджанская Демократическая Республика. Архивные документы Великобритании. Перевод на русский язык. Баку: Шарп-Гарб, 2011, с. 178-182.
- ¹¹ Տե՛ս Деникин А. Очерки российской смуты, т. IV. Берлин, 1924-1926, с. 139. Наджафов Б., Лицо врага. История армянского национализма в Закавказье в конце XIX – начале XX века. ч. II, Баку, изд-во «Шарп-Гарб», 1994, с. 77:
- ¹² Տե՛ս Samkharadze N., Georgian State Border–Past and Present, Foreign policy & security programme, August, 2012, p. 6-7: Տե՛ս www.css.ge:
- ¹³ Տե՛ս Бахтաдзе М., О военном договоре 1919 года между Грузией и Азербайджаном «Право и политология», 2010, № 7: Տե՛ս <https://cyberleninka.ru/.../azerbaydzhan-i-gruziya-v-period-stan>: Տե՛ս www.elibrary.ar/docs/JURNAL/jin2010:
- ¹⁴ Деникин А., Очерки российской смуты, т. IV, Берлин, 1924-1926, с. 139:
- ¹⁵ Տե՛ս Каземзаде Ф., Борьба за Закавказье (1917-1921), Серия «История Кавказа». Институт Стратегических Исследований Кавказа, Стокгольм, CA&CC Press®, 2010, с. 234-235:
- ¹⁶ Տե՛ս Гусейнзаде Р. А. Оглу, Кавказ и армяне, Баку, Печатный дом «Апострофф», 2014, с. 380: Տե՛ս նաև АДР, Парламент–Азербайджанская Демократическая Республика. 1918-1920. Парламент: Стенографические отчёты, Баку, 1998, с. 484-485:
- ¹⁷ Տե՛ս ՀԱԱ (Հայաստանի զգային արխիվ), ֆ. 275, գ. 5, զ. 12, թ. 16:
- ¹⁸ Տե՛ս Պետրոսյան Գ., Հայաստանի Հանրապետության և Ռուսիայի դիվանագիտական հարաբերությունների պատմությունից. 1918-1920 թթ., Եր., 2002, էջ 67:
- ¹⁹ Harun Yilmaz, “An Unexpected Peace: Azerbaijani-Georgian Relations, 1918-1920,” *Revolutionary Russia*, vol. 22, no. 1, 2009, p. 51.
- ²⁰ Azerbaijan People’s Republic, Parliament (Stenographic Reports), Azerbaijan Publishing House, First Volume, 1998, Baku, Azerbaijan, pp. 709-711; Azerbaijani-Georgian Relations The Foundations And Challenges Of The Strategic Alliance Zaur Shiriyev & Kornely Kakachia, Center For Strategic Studies. Sam Review. Special Double Issue | Volume 7-8, July 2013, p. 10.
- ²¹ Azerbaijani-Georgian Relations The Foundations And Challenges Of The Strategic Alliance Zaur Shiriyev & Kornely Kakachia, Center For Strategic Studies. Sam Review. Special Double Issue | Volume 7-8, July 2013, p. 33.
- ²² Бахтадзе Михаил. О военно-оборонительном договоре 1919 года между Грузией и Азербайджаном: Diplomiya Alami: World Of Diplomacy. Journal Of The Ministry Of Foreign Affairs Of Republic Of Azerbaijan № 48, 2018, с. 250.
- ²³ Бахтадзе Михаил. О военно-оборонительном договоре 1919 года между Грузией и Азербайджаном: Diplomiya Alami: World Of Diplomacy. Journal Of The Ministry Of Foreign Affairs Of Republic Of Azerbaijan № 48, 2018, с. 250-251.
- ²⁴ Расул-заде М. Э., О Пантунризме в связи с кавказской проблемой, Париж, 1930, с. 24.
- ²⁵ Տե՛ս Бахтадзе М., О военном договоре 1919 года между Грузией и Азербайджаном «Право и политология», 2010, № 7: Տե՛ս <https://cyberleninka.ru/.../azerbaydzhan-i-gruziya-v-period-stan>; ՀԱԱ, ֆ. 275, գ. 5, զ. 112, թ. 24:
- ²⁶ Տե՛ս «Кавказское слово», Тифлис, 21 июня, 1919 г., N 12; ՀԱԱ, ֆ. 275, գ. 5, զ. 158, թ. 152-152 հալ.:
- ²⁷ Տե՛ս ՀԱԱ, ֆ. 275, գ. 5, զ. 158, թ. 152-152 հալ.:
- ²⁸ Տե՛ս ՀԱԱ, ֆ. 275, գ. 5, զ. 158, թ. 152-152 հալ.:
- ²⁹ Տե՛ս Бахтадзе М., О военном договоре 1919 года между Грузией и Азербайджаном: «Право и политология», 2010, № 7: Տե՛ս <https://cyberleninka.ru/.../azerbaydzhan-i-gruziya-v-period-stan>.
- ³⁰ Տե՛ս ՀԱԱ, ֆ. 275, գ. 5, զ. 93, թ. 214:
- ³¹ Տե՛ս ՀԱԱ, ֆ. 275, գ. 5, զ. 93, թ. 214:
- ³² Տե՛ս մանրամասն Վիրաբյան Վ., Հայ-վրացական ռազմաքաղաքական հարաբերությունները 1918-1921 թթ., Եր., ԵՊՀ հրատ., 2016, էջ 557-571: Կնյազյան Դ., Ադրբեջանական Դեմոկրատական Հանրապետության կոկկապյան քաղաքականությունը 1918-1920 թթ., Եր., Հեղ. Հրատ., 2008, էջ 109-110:
- ³³ Տե՛ս Դուլյան Յ., Ռուսաստանի իշխանությունների դիրքորոշումը Հայաստանի Հանրապետության անկախության վերաբերյալ 1918-1920 թթ., «Բանբեր Հայաստանի արխիվների», 2017, № 125, էջ 304:
- ³⁴ Տե՛ս ՀԱԱ, ֆ. 275, գ. 5, զ. 196, թ. 1:
- ³⁵ Վրացյան Ս., Հայաստանի Հանրապետություն, Եր. Հայաստան, 1993, էջ 381:
- ³⁶ Տե՛ս ՀԱԱ, ֆ. 275, գ. 5, զ. 209, թ. 60-60 հալ.:
- ³⁷ Տե՛ս նույն տեղում, թ. 68:
- ³⁸ Տե՛ս նույն տեղում, թ. 82:
- ³⁹ ՀԱԱ, ֆ. 199, գ. 1, զ. 184, թ. 12:
- ⁴⁰ Տե՛ս Հովհաննիսյան Ա., Ամենապատիվ ռազմական ինքնաթիռները, Եր., «Անտարես», 2005, էջ 14:
- ⁴¹ Տե՛ս ՀԱԱ, ֆ. 275, գ. 5, զ. 209, թ. 108., էջ 2
- ⁴² Տե՛ս ՀԱԱ, ֆ. 275, գ. 5, զ. 209, թ. 114-116:
- ⁴³ Տե՛ս նույն տեղում, ֆ. 275, գ. 5, զ. 154, թ. 204, 207:
- ⁴⁴ Տե՛ս նույն տեղում, թ. 204:
- ⁴⁵ Տե՛ս նույն տեղում, ֆ. 275, գ. 5, զ. 196, թ. 27:
- ⁴⁶ Տե՛ս նույն տեղում, գ. 197, թ. 251:
- ⁴⁷ Տե՛ս ՀԱԱ, ֆ. 275, գ. 5, զ. 197, թ. 151:
- ⁴⁸ Տե՛ս նույն տեղում, թ. 151 հալ.:
- ⁴⁹ Տե՛ս Ռուբին, Հայ Յեղափոխականի մը յիշատակները, հ. 7 (Է), Գ. հրատ.: Արտասահման, Սասուն և Հայաստանի Հանրապետություն, Հրատարակություն, Թեհրան, էջ 261:
- ⁵⁰ Տե՛ս նույն տեղում:
- ⁵¹ Տե՛ս նույն տեղում:
- ⁵² Տե՛ս ՀԱԱ, ֆ. 200, գ. 1, զ. 386, թ. 118:
- ⁵³ Տե՛ս Ռուբին, Հայ Յեղափոխականի մը յիշատակները, հ. 7 (Է), էջ 260-261:
- ⁵⁴ Տե՛ս Դուլյան Յ., Ռուսաստանի իշխանությունների դիրքորոշումը Հայաստանի Հանրապետության անկախության վերաբերյալ 1918-1920 թթ., «Բանբեր Հայաստանի արխիվների», 2017, № 125, էջ 310:
- ⁵⁵ Javakhishvili Irakli. The Democratic Republic Of Georgia In Diplomatic Relations Of The Great Powers 1918-1921 Dissertatio Ad Lauream In Facultate Scientiarum Socialium Apud Pontificam Universitatem S. Thomae In Urbe, Pontificia Studiorum Universitas A S. Thoma Aq. In Urbe, Roma, 2017(MMXVII), Rome, 2017, p. 51.
- ⁵⁶ ՀԱԱ, ֆ. 275, գ. 5, զ. 184, թ. 67:
- ⁵⁷ Վիրաբյան Վ. Հ. Հայաստանի Հանրապետության Պետական անվտանգության համակարգի ստեղծումը և գործունեությունը (Հետախուզություն, բանակ և ՆԳՆ). Մենագրություն, Երևան, ԵՊՀ հրատ., 2015, 568-575; Казахстан Вл. Новый документ о турецко-азербайджанской политике геноцида армян, С. 1-3: <http://www.academhistory.am/imagesdownloadfiles/KAZACHEYAN%20rus.pdf>: День погрузки: 02.04.2018, с.1-3:
- ⁵⁸ Վրացյան Ս., Հայաստանի Հանրապետությունը, էջ 473-474:
- ⁵⁹ ՀԱԱ, ֆ. 275, գ. 5, զ. 184, թ. 66-67:

«Մենք տակաւին Մուսա Լեոցի ենք, երբ ծուլուինք՝ նոր Հայ պիտի ըլլանք...»

(Էդուարդ Պոյաճեանի ծննդեան 110-ամեակի առիթով)

Մովսէս Ծիրանի (Հերկելեան)
Արվեստաբանութեան դոկտոր

Էդուարդ Պոյաճեանը 1915 թ. ծնունդ է՝ թե՛ որպէս մարդ և թե՛ որպէս գրող: Իր առաջին գաղթը Մուսա լեռան Խորբեկ հայրենի գյուղից եղել է երեք ամսական հասակում: Չորս տարի Եգիպտոսի նաւահանգստային Պորբ Սաիդ քաղաքում անցկացնելուց հետո գաղթականները եւր են վերադարձել, և նրանց հետ Էդուարդ Պոյաճեանը դրախտային ծննդավայրում ապրել է մինչև 1930 թվականը: Այսպէս նախնական կրթություն սրահայուց հետո տեղափոխվել և ուսումը շարունակել է Բեյրութի Նշան Փայանձյան ճեմարանում:

Իր գիրակցական կյանքի ամենամեծ ցնցումը եղել է 1939-ի Մուսա լեռան դավաճանական հանձնումը, հայրենակիցների նոր տեղահանությունը և նոր կյանքի ծանր սկիզբը հեղափոխում երկրորդ փոքր ու սիրելի հայրենիքը դարձած Լիբանանի Այնճար գյուղում: Կենսագրությունն ապրել է որպէս ուսուցիչ և խմբագիր, իր հոգևոր ընթացքը եղել է գրականությունը, որի մէջ ապրել է հայրենի եզերքի ու նրա մարդկանց կարոտով, փառաբանությամբ, դառն ու ուրախ առօրյայով: Էդուարդ Պոյաճեանի գրականությունը եփվել է իր սրտի մորմորուն կրակի վրա, որ չի խանձել, այլ ջերմացրել է, դարձրել է փողերը նուրբ, լուսավոր, լցված մարդասիրության ու լավարեստության ավիշով: Էդուարդ Պոյաճեան գրողը ճանաչվել ու գնահատվել է Հայաստանում կոմունիստական արգելանքների խորտակումից հետո: Նրա գրքերը հրատարակվել են Երևանում, մայրաքաղաքում գործում է Էդուարդ Պոյաճեանի անվան դպրոց: Ծննդյան տարեդարձի առիթով անդրադառնալով տաղանդավոր ու ինքնաարիւթ գրողին, կարծում ենք, որ ավելին պէտք է անել պետականորեն և ըստ արժանւոյն գնահատելու, լայնորեն ճանաչելի դարձնելու համար նրա և, ի դեպ, ափսոսանքահայ այն գրողների վաւարակը որոնք հանիրաււի մոռացության են մատնւած եղել գաղափարական, քաղաքական պարճառներով:

Խմբագրություն

Սիրելի ընթերցող

Այն ինչ որ այսօր վերամշակուած ձեւով թողթին կը յանձնեն, երկար տարիներ ռել մէկուն չէի պատմած, որովհետեւ եղածը պատանիներու յատուկ, շատ անձնական «որոշում» մըն էր...: Սակայն ի նկատի առած մեր ազգի ու առհասարակ մարդկութեան ոգեղէն արժէքներու հետեւողական նսեմացումն ու նաեւ անոր անտեսումն ու նոյնիսկ կորուստը, չեմ վարանիր անգամ մը եւս հրապարակելու, ցոյց տալու համար թէ ինչպէ՛ս եւ ինչու իմ սերունդը ջրդեղուած էր ազգային ու մարդկային ոգեղէն արժէքներով ու հետամուտ էր այն պահել ու պաշտպանել... ամէն գնով:

Անձնապէս կը ճանչնայի Էդուարդ Պոյաճեանը, նախ իբրեւ գրող եւ ապա իբրեւ հօրս՝ Որսորդ Սդդա-



նին ընկերը: Անոնք նոյն տարին, 1915-ին ծնած էին Մուսա Լեռան նոյն գիւղը՝ ու մկրտուելէ ետք իրենց ծննդավայրի՝ Խտըրպէկի նոյն եկեղեցին մէջ, դեռեւս նորածին միասին բարձրացած էին լեռ ու անցած՝ արտագաղթի նոյն ճանապարհներէն, ի վերջոյ հանգրուանելու համար Այնճար:

Իմ ընկերասէր ընթերցող

Իր հայրը «Պոյաճէն» (Մարտիրոս Պոյաճեանը) գիւղի երեւելի դէկավարներէն էր, յարգուած ու մեծարուած անձնաւորութիւն մը, որուն կարծիքը կշիռ ունէր հանրութեան մօտ: Երեխաները՝ Հրայրն ու Սիլվան մանկապատանեկան ընկերներս էին: Իսկ տիկինը՝ Արաքսին յաճախ առիթ կ'ունենար այցելելու մօրս, որովհետեւ իր քոյրը Տք. Ալթունեանի կողակիցը՝ տիկին Շուշանը մեր հարեանուհին էր: Սակայն այս բոլորին մէջ ամենակարեւորը այն էր, որ Պոյաճեանը երբ քաղաքէն գիւղ գար, պարբերաբար կ'այցելէր նաեւ հօրս: Եւ երբեմն հաճոյքով ներկայ կ'ըլլայի անոնց գրոյցներուն, որոնք աւելի անցեալին կը պատկանէին քան ներկային:

Հակառակ անոր որ այն օրերուն, երբ տակաւին Պոյաճեանը չէր գնահատուած ու մեծարուած իբրեւ կայացած գրող, հայրս շատ մեծ կարծիք ու յարգանք կը տածէր անոր հանդէպ, ու... չէր սխալած:

Հայրենի հողի կարօտէն տաղուած ու ծննդավայրի յիշատակներով ջրդեղուած այս տաղանդաշատ լեռնցի, հաճոյքով կը լսէր հօրս պատմածները, որոնք մեծամասամբ դրսեւորումներն էին անցեալի մէջ անթելուած ոգեղէն արձագանգներու: Պոյաճեանը,



Եղուարդ Պոյաճեան

այլոց շարքին գրեց ու կերտեց նաև հորս կերպարը, իբրև «Այնճարի Մէկ Տղան»՝ Մեղրակը, որուն համար հպարտ էր հայրս։ Իր հորը՝ Մովսէսին անժամանակ մահուան հետեւանքով, հայրս բնաւ դպրոց չէր տեսած, գրել կարդալ չէր գիտեր, բայց երբեմն, ընթերցել կու տար մեզի հատուածներ Պոյաճեանի գիրքերէն։ Ինչպէս. «Հողը», «Թուղթ զաւակներուս», «Տոմար տարագրի», «Պայքարողներ, Պայքարողներ դուք գազազած», եւ այլն....

Այն ատեն «Բարգէն Սինի» ակումբէն ներս յատուկ ընթերցարան ունէինք, ուր յաճախէին ու ընթերցասիրութիւնը մեր առօրեային մաս կը կազմէր։ Մենք՝ Այնճարի պատանիներս հայ գիտագիտական (Համաստեղ, Բակունց, Օշական...) ամենէն շատ կը սիրէինք ընթերցել Պոյաճեանը իբրև մեր հայրենակիցը, որուն համար մենք եւս հպարտ էինք...։ Իր վաղաժամ մահէն ետք ան աւելի մեծցաւ մեր աչքին ու աւելի սկսանք հասկնալ ու ըմբռնել իր գրականութիւնը. այնքան որ երբ կը կարդայի «Թուղթ Զաւակներուս»ը, կը կարծէի թէ հայրս յատուկ ինծի համար գրած է զայն։ Իսկ իր բանաստեղծութիւններէն ոմանք, յատկապէս «Գինով Ալեքսանը» գոց սորված էինք ու կ'արտասանէինք մեր հաւաքոյթներու եւ կամ խնոյքներու ընթացքին։ Ահաւասիկ թէ ինչո՞ւ, պատահական չէր որ հայրենիք մեկնելէս առաջ որոշեցի այցի երթալ իր դամբարանին։

1971, Մեպտեմբեր, Այնճար։

Ամէն ինչ որոշուած էր ու իմ մեկնումս մօտեցած։ Պարոյր Մեակի մահուան «խորհրդաւոր» գոյժը ոչ միայն ցաւ ու տագնապ յարուցած էր գիւղի մէջ, այլ նաև բնագոյաբար կ'աւելցնէր ծննդավայրէս բաժնուելու հոգեկան տուայտանքներս։ Ներքնապէս հանգիստ չէի...։ Պէտք ունէի արտայայտուելու ու ամրապնդելու կուսակցական երդումս, որ տեղի ունեցաւ «Բարգէն Սինի» ակումբի ամենափոքր սենեակին մէջ, Կարօ

Մասունիի կնքահայրութեամբ ու ներկայութեամբ՝ միայն երկու պատասխանատու ընկերներու՝ Խաչիկ Պազալեանի և Կրտսեր Սարգիս Յ. Զէյթեանի...։

Իմ հաւատացեալ ու հայրենասէր ընթերցող՝

Այդ օրերուն մեր սերունդի տղոցմէ խումբ մը, զոր գիւղի «չարերը» կը համարուէինք, կ'ատէինք եկեղեցին ու յատկապէս Տէր Նարեկը, որ հայրենասիրութիւնը կը շփոթէր կրօնամոլութեան հետ, տգիտութիւնը խորամանկութեան, իսկ տնօրէնութեան պաշտօնը՝ բաժնատիրութեան։ Ուղղակի բռնակալ մըն էր ան, որ անընդհատ, ամէն օր աղօթել կու տար մեզի, որմէ ուղղակի զգուած էինք...։ Իր մանկավարժական սխալ վարուելակերպին հետեւանքով, ընկերներէս շատեր ժամանակէն առաջ դպրոցը լքեցին։ Գտած էինք իր թոյլ կողմը. շատ կը զայրանար երբ իրմէ կը խնդրէինք որ աղօթքները, (որոնք գրաբար էին) թարգմանէ ու բացատրէ մեզի...։ Իր տգիտութիւնը քողարկելու համար անգթօրէն կը ծեծէր մեզ, նոյնիսկ մարմնական վնասներ պատճառելով աշակերտներուն։ Փոլ Հերկելեանն ու Ռոստոմ Հապէշեանը իր ծայրահեղ վայրագութեան հետեւանքով կաղ մնացին, որմէ մինչեւ հիմա երկուքն ալ կը տառապին։ Այս պատճառով մենք աւելի ակումբներուն կապուած էինք քան՝ դպրոցին ու եկեղեցիին։ Թէեւ ժամանակի ընթացքին սկսանք հետաքրքրուիլ նաև «հիփիական» եւ ընկերային ազատախոհական այլ շարժումներով, սակայն միաժամանակ տոգորուեցանք համամարդկային ու ազգային գաղափարներով, որոնցմով պայմանաւորուած էր նաև մեր ազգային ինքնութեան գիտակցութիւնն ու կուսակցութեան հանդէպ մեր ունեցած հաւատարմութիւնը։ Կէս յուրջ կէս կատակով «Եապանճի»ներուն (պէյրութահայերուն) կ'ըսէինք. «Մենք Կրակահին Մոսաւ Լեոցի ենք, երբ ձուլուիք՝ նոր Հայ պիտի ըլլանք»։ Այդպէս դաստիարակուած էինք...։

Տիրող այս մթնոլորտին մէջ ներքին ձայն մը անընդհատ կը յուշէր ինծի, եկեղեցիի փոխարէն պէտք է որ երթամ Պոյաճեանի գերեզմանին, աղօթեմ, աւելի ճիշդը, զրուցեմ հետը ու խօսք տամ որ ես կը մնամ այն ինչ որ եմ ու լի ու լի կը կատարեմ իմ ազգային պարտաւորութիւններս հայրենիքէն ներս...։ Պատճառը այս ընտրութեան անոր Գլխագիր Մարդու ու ջինջ հայրենասէրի կերպարն էր որ տարերայնօրէն կազմաւորուած էր մէջս...։

Յաջորդ օրը ծնողներս քաղաք՝ Զահլէ պիտի մեկնէին...։ Առիթէն օգտուելով որոշեցի առանձին որսի երթալ։ Արեւածագէն առաջ արթնացայ, որսորդական յարմարանքներու հետ առի նաև սկաւորական դաշոյնս, ու երբ հօրս բարձին տակէն գաղտնաբար ատրճանակը պիտի վերցնէի, ան աչքերը բացաւ ու ըսաւ. «Որսորդը դաշոյնի պէտք ունի ոչ թէ արքանակի»... տեղը դիր։ Ես ցոյց տուի թէ կը համակերպիմ, սակայն երբ ան անկողնէն իջաւ եւ ուղղուեցաւ դէպի բաղնիք, ատրճանակը առի ու դուրս ելայ...։ Օդը մեղմ էր ու թեթեւ գեփիւմ մը կը մաղուէր շուրջս։ Կը քալէի առանձինս, մտամոլոր... կ'աճապարէի ու չեմ գիտեր ինչո՞ւ կ'ուզէի հասնիլ արեւածագէն առաջ...։ Հոն եմ արդէն, քրտնախաշ մօտեցայ Պոյաճեանի դամբարանին։ Անտաքանի փոխարէն պայուսակէս հանեցի «Թուղթ

Զաւակներում» հատորեակը ու դաշոյնի ու ատորճա-
նակի կողքին դրի շիրմաքարին, ճիշդ այնպէս ինչպէս
դրուած էին երդման արարողութեան ատեն...: Փոխա-
նակ աղօթելու, երդում ընելու և կամ զրուցելու Պօյա-
ճեանի հետ, բնագոյաբար սկսայ արտասանել անոր
«Գինով Ալեքսան» բանաստեղծութիւնը ... բարձրա-
ձայն...: Երբ հասայ հոն ուր կ'ըսուի.

«Ինչպա՞ծ է ափին սրբազոյն ջուրին՝
Եւ կ'ողղէ խօսքեր զինք այրող հոտին,
Ու կ'ըսէ՝... կ'ըսէ.
Խմել այս Ջուրը,
Մեծ ճշմարտութեան մեծագոյն հոտը,

Իսկել այս Զուրր,
Ու կեանքին դիմաց միշտ քաշել Սուրբ,
Ուղղելու ծուրը....»

Ու տարերայնօրէն Մուսալերան առասպելական Սօսիի խոռոչներէն Պօյաճեանի ձայնը (ոգեդիմացած արձագանգի նման) սկսաւ հնչել ականջիս...

ՈՒՂՂԵԼՈՒ ԾՈՒՌԸ... ՈՒՂՂԵԼՈՒ ԾՈՒՌԸ...
ՈՒՂՂԵԼՈՒ ԾՈՒՐՐՐԸ...:

Լոնցի.... Անդրադարձայ որ Պոյաճեան իր գրականութեամբ թուրը քաշած կեանքին դիմաց կը պայքարի... ՈՒՂԴԵԼՈՒ ԾՈՒՌԸ:

Ես հասկցայ որ հայրենիք կ'երթայի պարզապես
ԾՈՒՌԸ ՈՒՂՂԵԼՈՒ...

Արեւու առաջին ճառագայթները սկսան «համբուրել» Պոյաճեանի նուիրագործուած դամբանաքարը: Մինչ շուարած կը յամենայի անոր շիրիմին դիմաց... ու կը մտածէի ծունկի գալ ու աւարտել բնաստեղծութիւնը աղօթքի մը հանգոյն, յանկարծ հօրս հաւատարիմ շունը՝ Joli-ին դիմացս տնկուեցաւ ու պոչը շարժելով, սկսաւ վրաս հաչել: Հասկեցայ... ըսել կ'ուզէր «*Ի՜նչ կ'ընես հոս... առանձին...*»:

Ետ դարձայ... իմ հաւատարիմ ընթերցող, հայրս էր...
գերեզմանոցի դրան առջեւ, հրացանը ուսին... կազմ ու
պատրաստ... կը սպասէր... **ՈՒՂԴԵԼՈՒ ԾՈՒՌԸ...**

Իսանգարունցայ...: Հակառակ անոր որ հնարաւոր չէր ծունկի գալ ու բանաստեղծութիւնը աւարտել, այնուամենայնիւ վերջաբանը կրկնեցի միտքէս: Յետոյ, որովհետեւ Joli-ին էր որ իր շան բնագոյով հօրս առաջնորդած էր մինչեւ գերեզմանատուն, յանդիմանական հայեացք մը նետեցի անոր վրայ, որ կը շարունակէր պոչը շարժել ու հաչել վրաս: Իսկ ես յանգանքի վրայ բռնուած աշակերտի նման, գլովսս կախ դիմեցի դէպի հայրս...

Իմ գիտակից ու համբերատար ընթերցող

Այսօր առկա լավ կը հասկնամ ու կ'ըմբռնեմ սոյն բանաստեղծութեան վերջին տողերը.

Տարագրության գոյժն էր հասեր.
Յաջորդ գիշեր՝
Փիլիսոփայ մարդն ու օղին,
Դրին ծոցը Հայրենասկան մաքուր հողին:
Սօսին Հայուն, հսկայ, անգին,
Լազաւ Լազ մի, հին, շար հին...

Հայրենական Մաքուր Հողն *ու* Խաղրպէկի Սօսին հոն են տակաւին... ու կը սպասեն... ՌԻՂՂԵԼՈՒ ԾՈՒՌԵ...

Միտենլի ընթերցող

Թէէն հոս կ'աւարտի իմ յուշագրութիւնը: Սակայն չեմ կրնար չնշել որ այդպէս դաստիարակուած էր մեր սերունդը, շնորհիւ նաեւ՝ հայ ազգային-Յեղափոխական գրականութեան, որուն մէջ (յատկապէս մեր՝ Մուսա-լեղոյներու համար) իր կարեւոր դերն ու նշանակութիւնը ունէր Պօյաճեանի «Թուղթ Զաւակներու»ը:

Գաղտնիք մը չէ, որ յետագային մեր սերունդը ապացուցեց որ տէրն է ազգային ու համամարդկային ոգեղէն արժէքներու գնահատման ու պաշտպանութեան...:

Իսկ այս օրերո՞ւն...

Այն ինչ որ տեղի ունեցաւ եւ կը շարունակէ տեղի ունենալ յատկապէս Հայրենիքի մէջ... բացայայտ է ու մէկին: Իբրեւ ականատես կրնանք վկայել, թէ ինչպէս մեր ազգային՝ ու յատկապէս համամարդկային ոգեղէն արժէքները, դաժանօրէն կը շարունակին ոտնահարուիլ ու բռնաբարուիլ...՝ մարդկային «քմահաճ խղճի» ու համամարդկային «բարեհաճ խնամքի» ներքոյ...

Բոլոր պարագաներուն սակայն,... ոգեղին արժեքները համամարդկային ու ազգային գետնի վրայ գնահատողներ ու անոնց համար պայքարողներ միշտ եղած են ողջ պատմութեան ընթացքին, այսօր ալ քիչ չեն անոնք... յատկապէս՝ երիտասարդներու մօտ: Վկայ՝ մօտիկ անցեալի դէպքերն ու բազմահազար նահատակները...:

July.

Պոլյաճեանը ռուէ մէկը չէր: Բացի իր լեռնցիի առ-
հաւական պինդ նկարագրէն, ան կրթութիւն ստա-
ցած ու կազմաւորուած էր նաեւ Պէյրութի Նշան Փա-
լանճեան ճեմարանէն ներս... Լեւոն Շանթի եւ կամ
Նիկոլ Աղբալեանի նման ականաւոր դէմքերու շունչին
տակ: Ինչպէս շատերու, Եղ. Պոլյաճեանի անունը եւս
«թապու» էր խորհրդային Հայաստանի մէջ, սակայն
անկախացումէն ետք սկսաւ գնահատուիլ ու մեծա-
րուիլ նաեւ Հայրենիքի մէջ: Իր անունով մկրտուե-
ցաւ Երեւանի միջնակարգ դպրոցներէն մէկը, որուն
մուտքին նախանցեալ տարի գետեղուեցաւ նաեւ իր
կիսանդրին (Գործ՝ Յակոբ Ճանպաղեանի): Ու թէեւ իր
քանի մը անտիպ գիրքերը իր մահէն ետք հրատարա-
կուեցան ըլլալ Սփիւքի թէ Երեւանի մէջ, սակայն տա-
կալին ան իր արժանաւոր պատուանդանը չէ գտած
Հայ գրականութեան ոսկէ ֆոնտէն ներս:

Տրուած ըլլալով որ այս տարի իր ծննդեան հարիւր տասնամեակն է եւ տրուած ըլլալով որ ան արդարօրէն կը դասուի Հայ մեծագոյն գիտագիրներու՝ Համաստեղի, Բակունցի, Մանուրիի եւ այլոց շարքին, լաւ պիտի ըլլար յատուկ միջոցառումներով (ըլլայ հայրենիքի թէ Սփիւքի ողջ տարածքին), վեր հանել ու գնահատել անոր գրական վաստակը, յատկապէս յետ մահու հրատարակուած իր գիրքերու յուսին տակ...: ■

Բանի, թե՛ գանի

ՎԲԷԺ-ԱՐՄԷՆ

Ճարտարապետ, գրող, հրապարակագիր, «Հորիզոն»-ի ու «Հորիզոն գրական»-ի առաջ խմբագիր

Բանը խօսքն է, մարդու ունեցած ամենէն զօրաւոր ուժը: Ի սկզբանէ էր բանն եւ բանն էր Աստուած: Այսինքն՝ խօսքը համագոր է Աստուծոյ: Խօսքի ուժը՝ Աստուծոյ ուժին:

Գանը գաւազանն է, գաւազանի ուժը, որ մարդկութեան պատմութեան սկիզբէն թուած է, թէ գերադաս է, ու անկէ ալ յառաջացած է ծանօթ ասոյթը՝ «Որ ոչ լուիցէ բանի, լուիցէ գանի», – այսինքն՝ «ով որ խօսքով չհասկնայ ծեծով կը հասկնայ»:

Գանը, ուրեմն, խորհրդանշէն է բիրտ ուժի, ներկայիս շատ տարածուած տարբեր բառով մը՝ կոպիտ ուժի, ուժ մը, որ գիտենք թէ այսօր ինչպէս կը գործածուի եւ որոնց կողմէ կը գործածուի:

Բայց, արդեօք կը գերազանցէ խօսքին ուժը:

Եւ արդեօք խօսքին ուժն ալ դրական նպատակով կը կիրարկուի միշտ:

Ահա այս մասին է, որ կ'ուզեմ խորհրդածել, «գրուցել» ընթերցողներուս հետ, չե՛ որ «Ընկերական զրոյցներ» վերտառութեան ներքեւ կը գրուին սոյն տողերը:

Եթէ բիրտ ուժի գործածութիւնը երեւցած է մարդկութեան ծնունդէն ի վեր, գուցէ ժառանգութիւն մեր անասնական արմատներէն, խօսքն է, որ սկիզբ դրած է քաղաքակրթութեան: Նոյնիսկ նախամարդը յաջողած է իր վերապրումը ապահովել շնորհիւ խօսքին, անով կարենալով զգուշացնել իր տեսակի անդամները շրջակայ վտանգներէն:


Խօսքով է, որ յիշողութիւնը պահուած է, անցեալը պատմուած, ապագան ծրագրուած:

Հետզհետէ խօսքը հիմքը դարձած է կրթութեան, որքան ալ որ «միսը քեզի, ոսկորը ինձի» մտայնութեամբ ծնողներ իրենց գաւակները յանձնած են կրթարաններուն:

Խօսքով է, որ մշակոյթներ զարգացած են, աղօթք ու երգ է գրուած ու մարդը վեր բերած ոգեկանի բարձրութեան, խոհեր ու իմաստասիրութիւններ են գրուած ու մարդը մղած մտածելու: Աստուածաշունչ է գրուած ու թարգմանուած: Նարեկ է երկնուած:

Բայց ընդունինք նաեւ, որ խօսքով եւս վայրագութիւններ կատարուած են, անէծք ու նգովք, հայհոյանք ու սպառնալիք նոյնպէս խօսքով են եղած, բռնութիւններ, ստրկացումներ եւ մասամբ նորին: Իրողութիւն մը, որ միայն անցեալին չի պատկանիր: Մենք այսօր ալ տակաւին ականատեսն ենք կամ ականջալուրը խօսքի ճամբով տեղի ունեցող բռնութիւններու, անարդարութիւններու եւ անմարդկայնութիւններու՝ ընտանեկան յարկերէն մինչեւ ազգային ժողովներ թէ միջազգային բեմեր:

Բռնի ուժը, սակայն անպայման գաւազանով չէ, պատերազմներով ու հիւլէական ռումբերով չէ, որ պատրադրուած է ու կը պարտադրուի: Անհատներու թէ հաւաքականութիւններու ուժերը կը գործածուին նաեւ տնտեսական, մշակութային, վարչական



թէ այլ մարզերու ճամբով՝ զօրաւորին կամքը տկարին պարտադրելու համար: Եւ ի վերջոյ տկարն ալ ստիպուած է եղած, մինչեւ օրս ալ կը ստիպուի բռնի ուժին հակադարձել բռնի ուժով: Եւ այդ ընթացքին հասնիլ հերոսութեան: Մեր Սասունցի Դաւիթի աւանդավէպը ատոր լաւագոյն օրինակն է:

Հայ յեղափոխութիւնը Խաչատուր Աբովեաններու «Վերք Հայաստանի»-ներով խմորուեցաւ, բայց պայթեցաւ Խրիմեան Հայրիկի երկաթէ շերտփի պատգամին ընդառաջ՝ նոյիրագործելով բռնի ուժին դիմելու պարտաւորութիւնը: Եւ դարձեալ ուժը խօսքին՝ Ազատութիւն կամ մահ: Խօսքի ուժին ներքեւ մենք դիմեցինք բռնի ուժին՝ մեր ֆիզիքականը պաշտպանելու, մեր պատիւն ու ինքնութիւնը պահպանելու համար: Հակառակ ուժերու անհամեմատութեան, փոքր ածուի մեր այդ ուժովն է, որ պատուհասուեցան ջարդարարներ ու պատժուեցան դաւաճաններ: Եւ ծնան հերոսներ:

Բայց զգո՛յշ. Գանը սուր է երկսայրի: Պէտք է գիտնալ գայն վարպետօրէն գործածել ու տեղին, որովհետեւ ան կրնայ վնաս հասցնել որքան թշնամիիդ, նոյնքան ալ քեզի՝ քամելով մարդկայնութիւնդ, սրբել-տանելով բարոյական արժէքներդ: Մանաւանդ ան երբեք կիրարկուելու չէ ներազգային առումով՝ չստեղծելու համար խրամներ ազգին տարբեր հատուածներուն միջեւ: Բացառիկ, բացառիկ պարագաներու ձեռք պիտի առնուի այդ սուրը՝ «երբ չի մնում ելք ու ճար»՝ վերքը բուժելու բոլոր միջոցներու սպառումէն ետք: Սուր կէծակին որպէս վերջին, գերագոյն լուծում: Վայ այդ լուծման դատապարտողին, նոյնիսկ եթէ Մելիքն է ան Սրբայ:

Մարդկութիւնը եւ հաւաքականութիւնները, սակայն, պիտի հասնին ի վերջոյ կեցութեան վեհագոյն այն մակարդակին, որ Գանը կոչուի հանգստեան, ու Բանը ըլլայ տիրական:

Ոչ թէ գանի, այլ միայն բանի...: ■

ՀՅԴ 35-ՐԴ ԸՆԴՀԱՆՈՒՐ ԺՈՂՈՎԻ ՀԱՅՏԱՐԱՐՈՒԹՅՈՒՆԸ

ՀՅԴ 35-րդ Ընդհանուր Ժողովը գումարվեց Հայաստանի Հանրապետության և ողջ հայության համար աշխարհաքաղաքական և ներազգային լրջագույն մարտահրավերների, Արցախի Հանրապետության բռնազավթման, Արցախում տեղի ունեցած ցեղասպանության, Հայոց պետականության դեմ ուղղված գոյութենական սպառնալիքների ժամանակահատվածում:

Պատերազմներով ուղեկցվող համաշխարհային վերադասավորումները, միջազգային ինստիտուտների և միջազգային իրավունքի, ինչպես նաև զսպման արդյունավետ մեխանիզմների բացակայությունը անվտանգային մարտահրավերներ են Հայոց պետականության լինելիությանն ու հայկական համայնքների կենսունակությանը:

44-օրյա պատերազմից հետո տարածաշրջանում խախտված ռազմաքաղաքական հավասարակշռությունը, Ադրբեջանի շարունակական ռազմատենչ նկրտումներն ու ՀՀ իշխանությունների որդեգրած խաղաղության կեղծ օրակարգն անվտանգային նոր սպառնալիքներ են ստեղծում:

Ինչպես թուրք-ադրբեջանական տանդեմի, այնպես էլ ՀՀ վարչախմբի համար առաջնային թիրախ են ազգային ինքնութենական արժեքներն ու ազգային գաղափարախոսությունն կրող ուժերը:

Հայաստանի անվտանգային և կառավարման ճգնաժամը, ներազգային թշնամանք հրահրելու և Սփյուռքը պառակտելու իշխանության քայլերը խորացնում են հանրային հուսալքությունը:

Քննելով իրավիճակը ՀՅԴ 35-րդ Ընդհանուր Ժողովը հաստատեց.

Մրցունակ, նոր որակի ազգային պետության կառուցումը և հայկական ինքնության պահպանումը ՀՅԴ-ն հռչակում է ռազմավարական նպատակ և հայտարարում է պայքարի վճռական հանգրվանի մասին:

Ըստ այդմ սահմանվում են ռազմավարական հետևյալ առաջնահերթությունները՝



- Հայոց անկախ պետականության հզորացում, տարածքային ամբողջականության և ինքնիշխանության վերականգնում, ժողովրդավարական, իրավական, սոցիալական պետության կերտում՝ Անկախության հռչակագրի տառին և ոգուն համապատասխան,

- Արցախի ազատագրման օրակարգի շուրջ համազգային համախմբում, միջազգային իրավաքաղաքական երաշխիքների գործադրումով՝ արցախահայության հավաքական վերադարձի և հիմնարար մյուս իրավունքների իրացում,

- Հայոց բանակի, պաշտպանության և անվտանգության համակարգերի ամրապնդում,

- Հայոց Ցեղասպանության միջազգային ճանաչման և հատուցման իրավունքի հետապնդում,

- Ազգային և պետական շահերի վրա կառուցված, անվտանգային սպառնալիքները հաղթահարող արտաքին քաղաքականության որդեգրում,

- Սփյուռքի կազմակերպական հզորացում, համահայկական օրակարգերի շուրջ ազգային և քաղաքական համախմբում:

Միաժամանակ ՀՅԴ 35-րդ Ընդհանուր Ժողովը հաստատեց.

ՀՀ իշխանությունների որդեգրած ապազգային և ապապետական ընթացքը կասեցնելու, Հայրենիքի անվտանգությունը երաշխավորելու, կենսունակ հայկական պետություն ունենալու, սոցիալական արդարություն հաստատելու, ներազգային համապարփակ ճգնաժամը հաղթահարելու և ՀՅԴ ռազմավարական նպատակներն իրագործելու անհրաժեշտ պայմանն իշխանափոխությունն է:

ՀՅ Դաշնակցությունը լի է վճռականությամբ և պատրաստակամ է պետականության և ազգային ինքնության պահպանման ու զարգացման օրակարգի շուրջ գոյացնել համազգային համախմբում:

Մարտ 6, 2025, Ծաղկաձոր



Քրիստափոր Միքայելեան 1859-1905

Այդպիսով պարզում է մեզ համար, որ այն բոլոր գանգատները, որոնք այսօր ծանրանում են յեղափոխական շարժման կամ ձեռնարկների վրայ, – իբրեւ կոտորածների պատճառ կամ առիթ – իսկապէս ոչ այլ ինչ են, եթէ ոչ ամբոխային տրամաբանութեանը յատուկ խառնիճաղանճ ճիչեր, որոնք անխուսափելի են դառնում, երբ մարդիկ կամ անընդունակ են ըմբռնելու այդ շարժման ամբողջ նպատակայարմարութիւնը եւ կամ գաղափար չունեն նրա զարգացման համար անհրաժեշտ պայմանների մասին: Հազար ու մի տեսակ ձեռնպահութիւններ, պայմանական համաձայնութիւններ, «թէեւ» ու «բայց»երի

հետ համեմուած համակրութիւններ կամ հակակրութիւններ. դրանք բոլորը խղճուկ մտքի արտահայտութիւններ են, որոնց տակ թագնւում է կամ փափուկ կեանքի սիրահար հակայեղափոխականի դժգոյն ու անտարբեր դէմքը կամ թէ եսամոլ իմաստակի աղքատիկ հոգին:

Քրիստափոր Միքայելեան,
Յեղափոխականի մտքերը,
Ջալարեան մատենաշար թիւ 1,
Ամբոխային տրամաբանութիւն էջ 46,
Պեյրուք 1923 թ.

1905 թ. մարտի 17-ին Բուլղարիայի մայրաքաղաք Սոֆիայից ոչ հեռու, Վիդոշ լեռան լանջին նահապետեց հայ ազատագրական պայքարի տեսաբան, Հայ Յեղափոխական Դաշնակցութեան հիմնադիր եւ ստաջնորդ Քրիստափոր Միքայելեանը: Քրիստափորը նահապետեց Սուլթան Աբդուլ Համիդի դեմ ծրագրուած ահաբեկութեան համար պատրասարուող ձեռնառումների փորձարկման ժամանակ: